

# Dozexa sipî

Roman

hesen îbrahîm

Cade ya sipiye,dar sipî ne,şev ya sipî dibit,mirov yên sipî dibin,gilîlên sipî bisivanda ve şûr dibin,xûna leşê wî ya sipî dibit....

ew kabîna telefunê, ewa büye mala wî,heta nivê ya sipî buy,sermayê dil lê sipî kir....

- eve ew kabirayê he ci dibêjit?Digel kê diaxivit? Manizanit,ew kabîne mala mine?Nihu demê nivîstina mine?

Tu dibêjî,wî jî hindek hebin lihîviya wî?!

Dibit nihu digel yara xwe diaxivit,dibêjtê:

- ez dê êm,ci nemaye ,ez dê ême cîhana te .

yan jî xemên xwe bu dayika xwe vedigêrt!

Lê ez jiserma mirim,ez jicîhana rojê hatîme, cihana befirê,!Roj û befir hevidjin!!

eve hinde ci dibêjit?!Bu mala min vala na ket?!Nihu demê nivîstina mine

Sipiyatîyê livîn rawistandin,hizir rawistandin,baw baruve,libilindahya xwe sipî dibun,dibune peyker!

Lişevên husa.Serma ü birs dibine bira,digel hejariyê ü nexuşiya dîlanê dîkin.

Leşê wî yê lawaz,baştirîn gurepan bu,bû dîlana wan,lê xûna wî ya dijwar,her berevanî jîtuxybê giyanê wî dikir. Dibire rojên welatî,lizivistana ü liber sopa dara ü kuçik ü tenûra.car jî digêleşuka şer ü şûra liçiya ü aqara,liber sir ü seqemê,Dişkefit ü bin kevira da!

Vê carê ne çiyaye,ne kevir ü darin..Vê carê ne welate ü ne kes ü karin,pê bixurt..!

Vê carê cadeka dirêj ü berfirehe,liwelatekê bê dil.. Kumpyuter ü kargeh,desthelatdarin...

Kes vî demê şevê jimala xwe dernakevit.Jiblî wî ü wî kabirayê he!!

dibit ew jî ne mirovê vî serdemî ye!

Wesa diyare,xemên wî jî gelek digiranin.lewra vê nivşevê,livî welatê sêwiya,likabîna wî buye mêvan.

-ez mêvana,na hhünim,min cihê mêvana nîne,lezê bike, cihê min vala bike....

Şeverok,koçik ü dîwan,heval û mêvan,çîrok ü stiran, beyt ü suhbet,axiftinên xweş,dewat û yarî,jiyana gunda.

Wek fîlme kê reş ü sipî dihate pêş çavên wî.

Wî ne dizanî bu wesa reş ü sipî dibun?!

erê jiserma bu? yan jikevnatiya hizrên wî bûn?

Wê şevê bibu labura hizira...!

Çi nema bu hizir ne kirî.çi nema bu xuzîk bu ne xwastîn, lê her xuziya wî ya mezin ew Bu,ku ev kabiraye mala wî vala biket,berî cîhan hemü sipî bibit!!

Çade wek wêneyekê futugrafî xweya dikir.tinê lêvên wî dilivîn....

- min sare... Min sare....

\*\*\*

- min sare.....

Dîsa..? Wek her şev?

Cend gildên malê biser dadan ü xwe pitir nêzîk kir da germa le şê xwe bidetê..

-erê, û hêşta zêdetir.ez mirim jiserma...

Wek bîha diavêda dilerzî û xwe dikir qurmik ü têkira...

- dinya xweşe,bihare, ne sare...Lê tu ne yê dirusitî..

Tu yê nesaxî,yan jî ditirsî?

Destê xwe dana ser enya wî....

- tirs? Ma tirs bu kengiye ?eve nekarê miruvê fama ye ,eve xwe kujtineka aşikiraye!

Dibu çeçiçeqa didanên wî û lêvên wî dilerzîn...

- neçe, makê rahêlaye te? Ma çi jite kême?

Mal,Xanî, turimbêl, jin ü bçûk.ne kes dibin tera û ne kes diser tera, tu lawê dilê xwey.Ma dê bu bidestê xwe mala xwe wêran kî?

- dê her çim.. Min dikan firut,xanî firut,şulê xwe hêla, divêt ez biçim...ya bumin Buye rik ü mereq!

her wekî serê wî yê wermî, yan yê ser xweş, gelek cara tişt lipêş çava dibune dû,sê, diviya her xwe dirêj biket û binivit.Guhên wî ne diviyan çi deng nêzik bibin.

Leşê wî her giran dibu,wî diviya ev şeve çî car ne bite roj.wî diviya ew uxera wî Liber,bibite xewin,bila her diwê xewinê da yê nivîsitî bit,kes hişyar neket,bila ew pilan û xebata hinde kirî,diber avê da biçit,bila her tiştê bibit bila bibit, tinê ew bimînit nivistî heta mirinê...

Lê nivistin ne çareye,nivistin ne dawiya hîviyên wîne..

Divêt her rüdaneka mezin dijiyana wî da rü bidit.

da bihayê xwe û rojên burî bizanit,da bihayê welat û hevala bizanit...

“ divêt ez jikevlujankê xwe der kevim,divêt ,divêt ez husa biasany nemirim “

Lê wî divêt,nihu têr binivit, kes jixew hişyar nekit!

Wî milê gerim,milê wî hejand û gutê:

- tu dizanî,newesaye wek jê dibêjin?

Birayê te bişolîve mir,heta xwe xudan dikit,

Te dît çewa behsê wêrê dikir?

her we kü nuba wî bu sêdarê hatî.hizrên wî wek mişkên jiber kitka direvin,hemü Berzebun,leşê wî gerim jibîr kir. çi ne hate bîra wî,nizanî dê cewa bersiva wê det...

Diviya xwe ture kit,lê nivşeve ü bçükê savaye..

Diviya gelek tiştê bêjit,lê jîtirsa xew jê sil bit,diviya zü bersiveka wesa biditê ku çi derza nehêlit,careka dî tîra tîra danitê!

Diviya bela wê jixwe vekit,da digel giyanê xwe dixilweyeka giran da binivit !!

Nizanî dê çewa bersiva xwe diti,nizanî dê çewa xwe hêlit bitinê...

Divan çirkeyanda,mirov digel kesê nahewit,tinê digel giyanê xwe,gelek cara giyanê mirovî jî bila serê mirovî ye.

Lewra bidengekê pir xem û ture ve gutê:

- bese, bes.ez baş dizanim ka çewaye,lê dê her çim!!

Liser zikî xwe dirêj kire nav nivîna,Balîfkê xwe dana ser serê xwe, da guhên xwe bigirt.

Wê jî diviya,vê şevê jidest ne det,têr digel biaxivit,têr bibînit,dê bu demekê gelek dirêj,jê dür kevit,dibit eve şeva dawiyê bit,wî hemibêz biket,dibit êdî dîtina wî her ev şeve bit.

ew jî ya peşêmane,lê wê nevêt bibite egera mana wî, da çî car ne kete cikî û bêjitê:

"te ne hêla biçim,da nihu em dixuşiya da bin,te nehêla,heker nihu em dibiheştê da bun"

Lê tinê wê ev şeve ya hey.divêt gelek digel biaxivî,da axivtinên wî diserî da bimînin,divêt gelek lihîndav serî rawestit,dibit lixerîbiya wî kes nebit lihîndav serî rawestit,wê divêt ev şeve nebite roj,ev şeve çî dawî bu nebin,bila her şev bit,bila her şev bit,lê divêt ew hişiyar bit...!

- heta nihu tu likîve bwî? hemüya pirsiyara te dikirin. ma tu nizanî tijî malate miruvî?Û yên jiber te hatîn,da xatira xwe jite bixwazin,ma xune jiber min hatîne?

Zanî ev şeve,ne şeva nivîstinêye,dibit eve bibite şeva dawiyê wê dibînit,lê dilê sar û mejiyê westiyay,pêdivî nivîstinê bun.wî jî diviya gelek axivtina bêjît,gelek liberamberî landika sava rawestit,wî jî diviya gelek bersiva bu pirsiyarên wê amade bikit

Wî jî diviya heta sipêdê çîrok û hozana bu bixwînit,wî jî diviya ev şeve çî car ne bite roj,wî jî diviya ev şeve ya bê dawî bit ....

Xwe jiser wê tenîştê zifirande tenîştê dî,û xwe liser zikî jî mt kir,lê her neşya...

liser piştê jî gelek ma,çavên wî zil man bibanê xanî ve. careka dî xwe dibin lihêfa xwe ve veşart,lê her wekû agir dinav wê lihêfê da,wesa jî razî nebu,rast rabu rûnişte ser cihê xwe .

- ez dizanim,lê min hindek hevalên taybet hene,min xatira xwe jiwan dixwast.

"hevalên wî,ewên wan gelek xweşî,pêkive burandîn, ewên wî gelek jigiyane Xwe xweştir viyayn,nihu dê hemüya hêlit,bidûv serê xwe kevit,hevalên wî ewên wan gelek nihênî digel êk heyn,hevalên wî ewên birastî heval "

- vê nivşevê?!

-erê,min dem nîne,sipêdê zû em dê derbaz bin...!

“ dê derbaz bin, bu kîve? Dê kîve derbaz bin?”

Dibit derbaz bit û êdî wan hevala ne bînit!

Ne ne ,hevalên wî nahêlin biçit, sipêdê dê bêjinê :

nabit,tu biçî, mala xwe û hevalên xwe bihêlî .

Dê derbaz bin,dê derbaz bin,derbazbun...

digel peyva derbaz bunê, dilê wê xwe Quta û teZîlanik biser leşî da hate xwar,dû sê rundik ketin ser rûya,lê bilez Veşartin.

giryaya zaroyê bîst şevî,her dû jideriya hizra rizgar kirin, careka dî Xwe havêtine êk, lê day ya bilez bu biçite kurê sava.

- neçê,jê bigere,bila tijî serê min denigê wî bit,dibit êdî min guh liwî dengî Nebit...!

Vê carê birastî giryaya û xwe bihemü hiêza xwe linav sîngê wî da şidand.wek kevalekî Siriyalî xwe ya dikirin .

-hişbe,van gutina ne bêje,tu min dikuji !

-eve rastîe, çun bimiruviye û hatin ne .

Wesa gelek man,her êkî wek xwe xerîbî diserê xwe da hizir dikir .

Girtin,kuştin,geheştin.her dengê zarûy bilind dibu,her şidandina wan zêde dibû ,her wekû mezîqeyeka xemgîn û dû evîndarên jêk dÛr diçirkeyeka êkdîtineka dawiyê ...

Dengê derghehî ew kevalê evîniyê bidawî îna.

-hûn nivistîne?Kurê hewe xwe kujt jigiriya .ma hewe ageh jê nîne?

Qutana dilê wan zêdetir bu .lê êk û dû berne dan .

- belê, em dihişyarin.

- pa bu hûn kurê xwe tena nakin?

- ê, yê,, nesaxe....

- min divêt bigirît,bila ewjî bigirît,da ez jê xerîb nebim. eve hêştta hûn ne Nivistîne dayê?

Berî dergheh vebit,wî dergheh bu dayika xwe vekir !

- nivistina çî,em û nivstin jêk xilas.madê jinû em nivin?

- ne dayê bextê te da,xwe mandî neken,da ez ne kevme dixe mawe da .

- uxera te xêr bit kurê min,êmanet , tu zû bizifirîe biçûkên xwe,dê xudê Bu me jî qetînit.

tu likêve buy?Miruvên te pirsiyara te dikirin!

Liwelatê rojê,miruvayetiye rolekê serekî dijiyanê da dibînit!

Miruvên te bu te gelek şul û xlmeta dikan.harîkarî,dest girtin,gelek heta xwe Gurî kirinê jî...!

Miruvên wî jikevin da,liser demê gunda bivî rengê karî ra dibun,diher xweşî û ne xweşiyar da, diamade bun, herdem dinêzîkî hevalên xwe,çi cara xwe ne didane paş jibu Xizmetê û sere dana .

eve cend rojekin,mala wan ya pire jiwan hemüyan. divên digel wî bin heta ew derbaz dibit !

Êdî ew jêk xilas,ew xweşî û khîf û seredan û harîkarî, jêk xilas.

liwî Welatê ew diçitê,ne heval û ne miruvên wî û ne kes û karên wî lêne..

dê bite êxsîrê xerîbiya,dê Mirada wî ew bit,miruvekê xwe bibînt.

evro bu cara dawiyê hindek dîtin û xatira xwe jê xwast...

- min xatira xwe jihevala dixwast.

- dê bila lawê min,bu xwe bêhnekê binive, rêyate düre.

Nivîstin,hê hê,dayika wî nizanit ku eve demeke ,ew jî jinivistinê sil bwî,eve demeke,Wî tama nivistinê ne kirî, ew nizanit binivî, wî nivistin ya jibîrkirî,ew jî nizanit bu? Jiber çiyê ?erê jikefya?yan jîtirsa ye?Bersiva vê pirsiyarê ,ew jî nizanit!!

Dêmê dayika wî,çavên wê gelek jixewê xerîb bibun. gelek lipêş çavên wî ya lawaz ü bêhêz bû.

destê xwe liser stuyê wê ra bir û da ber sîngê xwe û beref dergheî bir ü gutê :

- divêt tu jî binivî,tu jimin pitir pêdivî nivistinê,e z hîvî dikem ev tiştê min kirî,Gelek hewe newasitînit ü nebite egera nexweşiya bu hewe.Mirada min jivê çendê harîkariya heweye,da pitir ez xizmeta hewe bikim,û paşerojeka baştir bu me hemûya hebt .

-em nabine asteng dirêya paşeroja te da , uxera te xêr bit ...

Giriyê ser jiaxivtina wê stand .

hêştta dergê baş lidüv dayika xwe ne girtî,kurê sava bédeng kirin ü careka dî xwe havêtine êk .

-eve şeva min bu,diviya ba tu ne derketibay!

\*\*\*

Jin linik me çend diasêne?!

Libajêrê kiyêf,dû sê bikupekê bîrêne ...

"te kîşik divêt?ewa pirç zer yan ewa pirça wê wek pirça jinkên me?!

- ne,ne min ewa pirç zer divêt,da tama wê jî bizanim!"

\*\*\*

- cuna min ya fer bu,tu dizanî kesê bawer ne dikir ku ez dê subhî çim?!

Digutin,eve çend salin tu dibêjî dê van ruja çim !

- tu dê çî ü min hêlî?!

\*\*\*

- te jin liwelatê xwe heye?

- ne xêr, ez yê bê jinim !

-ha, jiber hindê çî nemaye dê min xwî?!

-heker ez te bixum,ma dê êk lumey min kit?Nê tu wek pişikay!!

-ewa berî min te çewa didît??

"ma êk bu ma deh bun!Nê hijmara wan naête bîra min, ya buye berîkanê,di nav meda,kakî Dê pitira girt!! "

\*\*\*

- ne,ez te nahêlim,hemü çend heyvekin,dê zivirme te ü em dê pêkve jîn wek jiyana miruva dibiheştê da ü biçûkên me dê bu xwe bine wec .

carekadî giriya zaroyê sava kernevalê evîniyê têkda. Vê carê dayik zütir litana wî cu,jitirsa ku dîsan kes dergehî liwan ne quitit

- tu dizanî ku eve cara êkêye ez karekê hinde mezin dikem,û ez yê peşêman ?Peşêmaniyê dilê min xwar, leşê min xwar,tasar îna min.roj bu rojê ez yê pitir

Peşêman dibim,û roja çuna min ya nêzîk dibit.

ez çi bikem? Wek hevirkîyekê dinavbera Dilê peşêman û dilê liehîviya jiyaneke pir xweşî ü tenay!!

- Mamê te digut,bu wî şerme,büka salê û biçûkê bîst rojî lidüv xwe Bhêlit,ü mala têr mêvan ü babê pîremêr dayika nesax,dê bu kê hêlit?ü bidüv serê Xwe kevit?

Ma eve şula wiye?

-heware lez çi bikem? Biçim? Ne çim? ez mirim,dû dilyê ez kujtim,ez xwarim,peşêmaniyê ez sutim.

dê her çim,dê her vê şerbetê vexum.lê dê çewa Xatira xwe jibabê dil mezin ü pir kuyan?Yan jidayika dilsuz ü dil sutî xwazim?!

Xwezî hema ew jî biba xewin ü ez jê hişyar ne bame !!

\*\*\*

hiêšta kabiray telefuna xwe bidawî ne înay,derê kabîne lê vekir ü xwe havête dinavda ü ew qefta rojnama dana bin serê xwe û xwe kire qurmik,karê xewê kir .

Xew?Xew jî ya sipî buy,zikê birisî,dilê jar,leşê lawaz, hizirên belav,Xew revandin ...

Çend carekê êkê wek wî yan jiwî xirabtir diviya cihê wî jê bistînit,lê dixurî:

-eve malamne eve jora mine,ya buye jora min!!

\*\*\*

Jora wan ya büçke,ji her dû jorên dî vedere ,her wekü bu wan dirust kirî .

eve jora birayê mezin bû,bu dilê xwe avakirbû.ciwan bûyax û khereb û ser ü ber .

Lê cihê daxêye têve ne bu zava,xêr jê ne dît,cu bidiniyayê ket,şureş ü derbederî.heta berî çend saleka jî binavê wî bu:

- eve jora ... ye ,

-here jora ... .

ew cend sal bun ew lê dinivist û bibu jora wî,lê her binavê birayê mezin bu.

Care kê dayika wan gut:

- mala minê,eve jora wî bu têda ne bu zava,xudê dizanit ka libin kîş kevirî buye zava?ü ka kê bu khîv û xena kirîe ? hê hê .eve diwazde salin me ne dîtî ...

Piştî hingê hemüya wek biriyarekê dan û binavê birayê biçüktir kirin!

Ka ev gutine dê heta kengî mînin?Û dê binavê birayê jiwî jî biçüktir kin.jiyan huye!!

\*\*\*

yê liber perên esmana,û her yê bilind dibit,û dibin da erd yê buye bizutekê agirî,û xelik yê bu xwe direvin,kes nizanit ka dê kîve çit?!

her perên çengên wî yên diwestyên,her yê hewil didit xwe ragirt,da ne kevte dinav wê gola agirî da.

bidûv ve,dayika wî,babê wî, her hevî xüşik û çar bira, Mam ü psmam ü hemü mirovên wî,dikin hewar gazî:

- ne fire ..me ne hêle..me ne hêle ...

her agir zêde dibû,her bê hêz dibû,lidawiya wan,hindek bune alfê agirî.

Babê wî berze bu,dayika wî ne diyare.her yê bêhêz dibit.

Berî agir landika zaroyê wî yê sava dinav pêlên xwe da berze biket,seruser xwe havêtê:

- ne...ne ...

Wekü dîna,rast rabu ser xwe.

\*\*\*

- bisimila,bisimila,te xêre?Dîsa xewin bu?

-erê , erê, dîsa her ew xewina kirêt bu ...

- navê xudê bîne,hindek ayeta bixweve bixüne.eve hindî tu hizra cunê dikî lewra.



Çi nemaye dê bite sipêde, bu xwe bêhnekê binive .

hêšta serê wî Balîfk gerim ne kirî, hizira berze kir.

Lê car jiber recifka leşê wî û car jiber giriya zaroyê sava. ageh jixwe dibû.

Careka dî dinav ewrên xewê da berze dibû, lê dengê qutana dergheî hemû tişt bidawî înan:

-hilun, direnge..

\*\*\*

-hilun, mafiya em girtin!

- kes çî livîna ne ket! Destên xwe bilind biken û ka hewe çî heye bînine derê!

Berê hindek çequ û demancekê yên dayne sîngê wan.

Biser û çavên veşartî ve .

Berûk û paxlên wan vala kirin û derê jora wan jipiştve girtin û berze bun .

\*\*\*

Destê xwe dibin lihêfa wî ra îna ser sîngê wî, û beref royê wî bir, diviya bizanî ka yê hişyare?

Berî qutana derghey, hişyar bibu, lê diviya hêšta binivî.

- tu yê hişyarî?

- ez her ne nivisitîme .

- divêt tu karê xwe bikî, direnge .

ew nivînên gerim, bu bibun çeperekê asê, nediviya jê derkevit .

her tasar liser zal dibû, her peşêmaniya wî dijwar dibû. hindî dem nêzîk dibû, diket beramberî wê rastya tal .

\*\*\*

her dem jiberamberiyê ditirsya, direvî, ne diviya kesê bêhêz bibînit, taybet heker berî wî demî jiwî bihêztir ba!!

Beref wê dêra her roj lê mêvan çû, da evirojî zikê pirsî razî biket.

Dîsa ew qeşe yê hercar, û licihê her car, lihîviya wî bu .

**Dê vê carê çi bêjîtê?Dê çewa şet jê burte cihê xwarinê?**

**“- tu bu kar nakey?Ma dê heta kengî hu minî?hêšta tu yê gencî,divêt tu xwe ne kiye êxsîrê dermanik ü meyê”**

**Ma lihîviya çirkeyekê ku mijül bit,yan jicîh biçit,lê heker jicîh ne cû?heker ma lihîviya Wî?Divêt her eviro jî tişteki bixut.ne vêt liwelatekê hosa jipirsa bimirt!**

**\*\*\***

**Babê wî yê rûniştiye,pišta xwe ya daye dîwarî,serê wî yê dinaf kîskê tütinê da,hêšta ewa dinav lêvara ya binîviye ,yê cigareka dî dibêçit.**

**tizbiyên wî dizendikê da şurbüyne xwarê,hizira yê birîe binê deriyayeka kür.**

**yê berperên jiyana xwe ligunda,xweşî ü nexweşî,şureş ü talan,pîrs ü tîrs ü nesaxî,zivistan ü havîna,ve didit ...!**

**“gundê wan,pitir jibîst mala ne ,hemü mirovên êk bun, libinê çiyay,dür ji rêk ü ava,bê kareb ü nexuşxane ü xwandingeh,jianeka gelek asê ü giran ....**

**hejariya xwe bişivan ü gavaniyê ve ,hind jî bimirêbatiya axayekê dil req ve burand ...**

**Tinê wî şiyaye korên xwe bihinêrte xwandingehê.**

**gelek rojên zivistan ü serma,biçükên xwe likerî siwar dikirin ü dibirine gundê fela xwandingehê .**

**gelek şeva heta sipêdê dirüne kirîe,gelek roja heta lê buye şev şixire kêşayne,gelek zivistana gerim ne dîtiye, gelek şeva birisî nivisitiye,gelek buye mêvanê girtîxanê, şureş ü derbederî ü talan ü gund sotin,tup ü firoke herdem hevalên wî bun...**

**Gundê wan dinavbera nal ü bizmaran da bu .**

**her demê deng jidevê tupekê dihat,gundê wan dihate sutin.**

**Piştî şiyay liser dêwê hejariyê zal bit.dêwê pîratiyê liser zal bu ...**

**pîratî jî nesaxiyê mêvan dikit.**

**Piştî eve hemü kirîn ü biçükên xwe kirîn wec .**

**çi wec linik wî nema .**

**Jinü dê wî bu dêwê pîratiyê ü nesaxiyê hêlin.dê hosa wan qenciya liser xwe rakin!eve dawiya xebata wî bu?**

**Berperên jiyana wî ya şêlî,her şêlîtir dibu,gelek cara çi diyar ne dikirin.**

**demê dayika wî dengê xwe bilind dikir,ü gazinde dikirin, wek dayika zavay,mayê xwe dihemü tišta dikir.**

car jî wek babê wî xwe damay û pusîde dikir,lê gelek wesa na mînit û Care kadî geriyaneke dibit nav jinka, ewên gelek mijûl bidirust kirina xwarinê ve .

Hewşa bicûk yapire jimirovan,hindek cara dengê keniya wan tulazên jivan wêve ,ew Dîmenê xemgîn bigiyan dikir,lê carekadî şerim dikirin,dengê xwe nizim dikirin.

herwekû yên liser mezarê pîremêrekê gelek xweştivî û zana,ha ha dê bin ax ken.Nevên liser mezarê wî bigirîn da guneh bu wî ne ên û ne vên jixema wî da bikeyv bin.

Vêca ew jî yên mayne heyrî,lê dengê keniya biçûka û giriya wan,hindek cara ew kumbun Pir bizav dikir....!

Wek şerkerekê birîndar,diçeperê xwe da maye asê. diviya biçite derê,lê neşiya .her demjimêr ya dibezit,û her yê xwe mijûl dicit:

- tu dizanî eve hemû yên lihîviya te?û te ci dem nemaye?

-erê ez dizanim !madê çewa xwe havême nav van mirovan?Dê çi bêjime wan?Dê çewa digel wan axivim?

Berî axivtina xwe bidawî bînit,wê dergeh vekir û mlê wî girt û gutê:

-eha husa!Madê te xun?her ew mirovin,ewên rojê deh cara te didîtin!

Jiçeperê wî yê asê îna derê .

beramberî wan seruçava,wan rondika.beramberî Babê lipêş çavên wî wek çiyay bu,nihu wesa ne maye.gelek û gelek yê bêhêz buy.

hêştta silav ne kirî,gelek denga pêkive gutin:

- sipêde baş . her wekû te inyet nîne biçî?yan destên te jibiçûka na êne berdan?

hindek jipêşve rabun,chên xwe bu vala kirin .

Wî diviya birex babê xwe ve rûnit .berî ew jî jipêşve rabit.destê xwe dana ser milê wî û pêkve rûniştin .

Hemû bê deng bun,çavên wan man lidevê wî.herwe kü kes livê hewşê ne !

Diviya êk baxivit,bikenit,yan jî dengê giriya biçükekî, keniya wî !

her we kü dayikên wan destên xwe bidevêve nayan,hemû bêdeng man.

- keremkin,xwarin amadeye .

eve bu xweş dergeh,milê babê xwe girt û gutê:

- kere mike bab,da biçin xwarinê bixun .

-ez naxum .dilê min naçitê .hema hün herin bixun.

Berî biaxivit,daykawî gutê:

**-hilu,tu jî parîekî bixwe jiber mêvana şerme,bila kurik biçite ser uxeraxwe bêy dilman.**

**hindekên dî jî wesa gazinde jê kirin.**

**hemü pêkve rüniştin rexên xwarina amade kirî .**

**Dengekî gut:**

**- bixu bira êdî tu van xwarina na xwî,dê xwarina qudîka û ya jimare liser xwî,dê jinanê me ü pêxwarinên me xerîb bî.**

**Dengekî dî gut:**

**- qet bawer neke hemî tişt yên liwara heyn û yê xweştir jiyana wan û xwarina wan lidüv pêşketina wane,ew bu çi tiştê pêdivî me nabin,heta bu xwarinê jî .**

**Axivtin bu ger ü dur,hindeka diber hevalê xwera diaxivit ü her kes wek dîtina xwe,yan jizar devê êkê dî,wek kumbuneka ne rêkxistî lê hat.**

**her kesê wek xwe ewropa didît,wek hizira xwe jiyana wan hizir fikir,hemüya Mirad bu vê şerbetê vexun .**

**- xudê zêde ket .**

**-erê willa me gelek xwar .**

**- direnge,divêt em zü bidine rê .**

**hemü man lihewşê, ü dihizira da man hilawîstî.wî qesta jora xwe kir.**

**Dîsan kete beramberî landika sava ü büka salê,dîsan hembêzkirneka dirêj,her demjimêr yê dibezit .**

**liçend çirkên dawiyê .simku rabu ser piya û çantkê xwe havête milê xwe û biçavên pir rondik :**

**- bixatira te .**

**her wekü şîrek liserî day,ser lê birî !**

**Neşya bersiva wî bidet,neşya jipêşve rabit .her hişik ma liser darê landikê,girî jê ne hat....**

**Simku dû maç lirüyê biçükê xwe dan ü der ket hewşê...**

**\*\*\***

**Liwê hewşa berfireh ü sîmkirî,gelek rengên mirova, gelek bîr û buçunên cuda.têkel büne,lê têkelya wan gelek cara dijwar dibit,hestên nazik disujit!**

**Hewş her ya teng dibit û her mêvan yên zêde dibin.**

ew hewşa lidemekî ne jimêje cihê rahênan û fêrkirina leşkerî bu, cihê leşkerê meztirîn hêza cîhanî bu.

gelek tevin livê hewşê hatîne raçandin.

Hê hê,new buye girtîxaneka bê dergeh,penaber xemên xwe lê bin ax dikin,gelek cara serê xwe jî gurî wan xema diken!

Cih nemaye penaber xûna xwe digel xuha xwe têkel bikit û gurî paşerojeka geş biket!

\*\*\*

Simku liwek bilindahiyekê rawestiya,heval û biradera dest havête xatirxwastinê .

her ma lihîviya dayika xwe,ka dê çewa xatira xwe jê xwazit?!

Wek rêzika mêriya,êk biêk hatin û burîn . nezanî ka eve kîne? Û ka çi dibêjin?

her yê peşêman dibit,lihîviya dayika xwe,babê xwe, Mamê xwe,yan her kesek,her biçûkek.bêjîtê,neçe,neçe divêt tu neçî,em nahêlin tu biçî ...

Kesê ew mêranî jê nehat û bu kul û ma didilî da...! hemûya diviya jivî agirî qurtal bibit,bila ew her dinavda bin,wan diviya bighete xuşiya,bila bu wan her nexuş bit!

-here,tujî xwe qurtal bike ,her kesê jivî agirî derket, herwekû jinü jidayika xwe buy..

Suz dabu,her demê babê wî ,yan dayika wî yan her kesê nêzîkî wî jidil bêjîtê neçe,Bizivire .

bzivirt,heker serê wî tê biçit,û heker liser lêva uxera xwe bit,her rojeka welatê mirovî,dinyayê bihemû xweşya wê ve diînt.

Lê sed qeda biçerxa felekê bikevin.dibit lidawiyê dayika wî yan babê wî,bêjîtê neçe,me nehêle .

da jihemü dilê xwe bikite hewar û bêjit:

-ez naçim ...ez welatê xwe nahêlim...ez dayik û babên xwe nahêlim .bla bu min nexuş bit.ez jî wek hemûya dixuşî û nexuşya da....

Nîveka parên xwe kirine xêr,her gaveka neçte vê uxerê, her gaveka êk bêjîtê neçe...

ev phîve ma ü guh lê ne bu,her ma lihîviyê bidilekê pir hîvî , dê her guh lê bit ,Dayika wî dê her bêjit.

ne,ne, babê wî berî wê dê bêjit .diviyaba jinka wî ev peyve gelek cara gutba ,wê jî divêt bighete xuşya, bighete biheştê.her ma û her destê wî yê diête hejandin ü rüyên wî diêne maç kirin :

- uxerate xêr bit .

- bixêr biçî, zû bizivirî biçükên xwe .

-hişyarî xwe be .

Lê hizira wî ma lidayika wî,babê wî,ka dê çewa liberamberî wan rawestit ?Dê çewa xatira xwe jivan xwazit? Dê çi bêjîtê? Dê çewa razî ket? Dê çewa jinav destên dayika xwe derkevit?

hêşta hizir yên serî lê dihêrin.hind dît yê dinav sîngê dayika xwe da ü biherdû desta stwyê wî ya dişidînit û bidilekî pir kuan ya digirît..

eve jimêjeye,ne giriyaye .rondikên wî gelek digirim bun,royên wî disutin .

Dayika wî diviya gelek wesa bimînit .divya çarekadî sîngê xwe bu veket û şîrê xwe biditê,diviya jiaxê bilind bikete ber dilê xwe,diviya layê layê bu bêjit!

Babê wî gelek yê bilez bu,da gera wî bêt,her destê xwe limilê dayika wî dida,da ew bête cihê wê,lê dayika wî ji hay çu bu .xwe bisîngê wî ve dişidand,û her babê wî destên xwe yên amade kirîn,her yê xwe nêzîk dicit,lê dayika wî berne da....

Simku jî nediviya wî ber dit .bêhna babê wî teng bû, hema xwe havête herduwa pêkive her sê wek êk mirov lêhatin.rondikên wan têkel bun,qutana dilên wan bune Êk,ewên lirex ürüyên wan,wek bînerên şanugeryeka tiracîdî,bu rundik barandin .

Gelek wesa man,gelek bîrhatin înane bîra xwe .

xuşî,ne xuşî,rev,aware,şer,Şureş,birs,tirs,hejarî ü maldarî ...

Jibiçükatiya wî,hemü wek kasêteka tumarkirî diserî da xweya dikir.

Babê wî wek hevaleyê nêzîk bu,wek hevaleyê hevjiyê wî bu .çicar wek bab xwe bu wan diyar ne dikir.herdem wek heval beşdarî dixuşî ü ne xuşiya wanda dikir .

herdem rê bu wan xuş dikir,da ew bixünin .

kar biken,serferaz bin,têrpare bin .

Xwe dikire gurî her tiştê dixizmeta wan da ba.

herdem yê bikeyf ü dil xuş bu,bidil xuşiya wan .

berî wan nexuş dibu bunexuşiya wan.

hevalîni ü nêzîkya wan gheşte pileyeka gelek bilind. heval ü biradera Behis dikirin.

babê wî,ewê wî gelek viyay,nihu dê hêlit bu nexuşya,bu pîratiyê,Bu kul ü kuvana.nihu dê kite gurî berjewendiya xwe ya taybet,dê kite qurban,bu xuşya xwe .

ewa hinde sala kirî,û hinde mezin kirî.

ew hemü jibîr kir.lipişt xweve hêlan.

Çi biha bu ne dana,nihu ,piştî çend çirkeyeka,dê ew mandîbun ü xizmeta dişer ne xuşya da,dibirs ü tirsê da, dişev ü roja da.dê gurî jyana xwe kit.

**kî dibêjit dê ew jîyan ya xuş bit?Kî dibêjit dê xêrê bînit? Kî dibêjit dê gerdena wî aza kit?**

**Çend çirkene,dê wan hîviya û wê hevalîniyê û wî nanê bêkive xwarîn jibir keit !çend çirkene,dê bite xewin û berze bit !çend çirkene,dê dubare xemên babê xwe zêde kit.çend çirkene,dê bite kuleka dî didilê babê xwe da...**

**Çend,çirkene û her çik,çik,çik,çik.**

**dem hijmêra bêwijda , ya bilez bû.**

**hindek denga jêk vekirin û gutin:**

**- direnge,rêka wî düre .**

**Çavên wî ü yên babê wî ketin beramberî êk.eve çara êkêye,dibînit,babê wî digirît ü rundik jiçavên wî diêne xwar.hindî dîtî,her yê serbilind ü keyf xuş ü biümêd buye.vêçarê ne ew miruve,ne ew keyv ü ne ew axivtin. her pusîde ü damay.Çar jî serê xwe dihejand ü di ut:**

**- dê ew bit ya xudê viyay, uxerate xêr bit.**

**ev gutine,ne jidil digutin,lê piştî wê rûana berî çend rojeka roday,ku pitir jised kesa têda hatîn kuştin,jiblî birîndaran,jiegera peqîna turimbêleka barutê .**

**Jiwê rdjê her wî digut û dubare dikir:**

**-herin,bila hûn lipêş çavên min ne êne kuştin .**

**Lisipêdeyekê piştî jinivêj û sineta xilas buy gute kurê xwe :**

**- kurê min,heker te hêşta niyeta derê hebit?eve min destür date...**

**Mirada simku ya çend salan nü kir .lewra jidil biriyara xwe da**

**\*\*\***

**Berî çend saleka,berî serhildanê,her tulazekê pirsiyar jê hatiba kirin û gûtbayê:**

**- te çi hîvî ü umêd hene?**

**Da bersiva wî ya bilez ü serekî:**

**- welatekê azad..**

**Ü paşî da bêjit:**

**- jineka ciwan..parekê baş...**

**Car jî digut:**

**- xwandna bilind û geriyana liewrupa...**

heker nihu,piştî serhildanê,ev pirsiyare biête kirin.

dê bersiva tulaza ya êkê,çuna jiderve bit !!hemüya divêt jivê zivirukê derkevin,kesê ageh jiwelatê azad nemaye ! Kesê ageh jijineka ciwan nemaye!Kesê ageh jixwandinê û pare ü maldaryê nemaye!!

her hîvî ewe ku birevin,xwe jiberpirsiyaryê dür biken, xwe jibin barê giranê welat ü şureşê ü...

bînine der,her kesê ageh jixwe bitinê heye .her kesê liberê xwe ye .hîviya serekî nema,armanca civakî berze bu,dujminê serekî hate jibîr kirin,herkesê jibihayê nanê rojane pitir şol biket,dê bu kirîna paspurteka sexte Kum ket!!

her kesê xanîek,turimbêlek, parçeka zêrî ,rezek hebit. îna berfirutinê ü kire dipaxla rêberekî da ü xwe xilas kir.

eve demekê gelek dirêje, înyeta xwe kirbû!!

Lê suz dabu,ne çit,heta babê wî ü dayika wî razî ne bin.

Birazî buna wan,carekadî karê xwe kir ü xwe amade kir ü parên xwe kum kirin ü hevalek bu xwe dît,û dem ü roj diyar kirin.dîsan hîviya xwe dê bicih înit...

\*\*\*

Liber dîwarê wî baxçê xemlandî.simku diviya gelek rawestit,piştî çend kargeh ü cihên şulî dû sê carî têkvedayn ü bê hîvî kirî...

" - bibure ez yê lişolî digirim ?

- şol ?! Şolê çi ? Ma hewe şolek livî welatî hêlaye?!

- sipêde baş.

-ha,te çi divêt?

- bibure ,ez yê lişolî digirim..

- şol, şol nîne .ü livan nêzîkiya jî ne mîne..

-erê dê şol linik hewe peyda bit?

-heker hebit jî nebu te ! "

Çavên wan mêvana leşê wî dixwar, wan ne diviya seru berê wî bibînin!

Wî diviya bêhin kete wan gul ü gulçüçeka, diviya liser wê rêya dinav gulara diçit .biêt ü biçit .hindek hozana, romanekê bixünit ,lê ne hozanin ü ne romanin .diviya liser wî textê darî rünit ü bêhna xwe vedit .lê cihê wî ne bu, diviya gelek liber wî dîwarî bimînit,û tijî çavên xwe dîmenên çivan bikit...

hind dît dû pulîsa milên wî girtin ü kêşa di turimbêla xwe da ü jiwî cihî dür kirin.



\*\*\*

Wî diviya gelek lihewşê da bimînit,tijî gohên xwe dengê wan mirova biket,Çavên xwe jidîmenê dîwar û jorên nav hewşê da têt bikit,baş berê xwe bidite wê darhinara, eve çend sale wek xweye,ne mezin dibit,ne hişik dibit,, babê wî digut:

-eve wek şoreşa meye,her ya şîne ü çi berhem nîne ..

Wî diviya destê xwe pavête çeqê wê mêwa tirî, ewa gelek geş û berê wê qet naxun.

„ dayika wî dibêjit:

- cîran mêwa me çavîn dikin..şîn û geş dibit û dema biser dîwarê hewşê dikevit,Di sujit ü hişik dibit û tiriye wê püç dibit...

Wî diviya çend careka lişün pêt xwe bêt û biçit.

ewên wek rêka kadiza liser çîmentuyê diyar dikirin.

çend carekê êkî didît digut:

-eve çiyê wesa sipî buy?

Hemü pêkve dikenîn û digutin:

-eve şün pêt simkune hindî liser hatiye û cuye, rengê xwe gohartiye..,

Wî diviya carekadî,romanekê yan qefteka hozana liser wê rêkê bixünit,lê her hevala radikêşa beref turimbêla amade.

Liber derê hewşê,bu çara dawyê liser milê xwe yê çepê zifirî,da têt berê xwe bidite kulkê mirîşka ü yê pezî.ewên babê wî bu dilê xwe ava kirîn .

Tijî divinên wî bêhna ziblî bun,lê vê carê bu nexuş ne bu wek carên dî,wî diviya têt liberamberî herdû kulka rawestit.yariya digel dîklê sûr û bexê sipî bikit !

hind dît turimbêla wan wek ya bükê birê ket ü yê dinîva dû hevalan da û berev berze bunê diçin ...

\*\*\*

- heker hevalê min ne hatiba,nihu ez da limala xwe bim,linav biçükên xwe bim!!

heker ewî gutiba ez naçim.ez jî ne dihatim .

Ne ne ,ez da her êm,heker roja dawyê ba jjiyana min.

da her vê înime serê xwe ..

Ne ,heker ew ne hatiba,mirovên min ne dihêla ez bitinê biçim !

**Nihu da linav biçükên xwe bim,linav hevalên xwe bim,**

**liwelatê xwe bim .**

**eve hemü jiegera wî jivana bêuxer bu ..**

**heker ew jivan bicih ne hatiba , heker ew jivan neba, heker ne hatiba!**

**\*\*\***

**Lichê simku jivan hey digel hevalê xwe,liberamberî dikana wî,ewa nîvbha firotî.Gelek gîro bun.**

**"eve cihê şolê min bu,eve hemü hevalên min bun. min hêlan û beref dawyeka nediyar."**

**Gelek man lihîviya hevalê xwe,lidüv jivana wan nehat. wî diviya êkcar neêt,yan piştî çendekê bêt û bêjit:**

**-bira limin bibure ez naêm,min biriyar da ku ez mala xwe ne hêlim."**

**Da gelek keyva wî êt,da bu wî jî bite hêcet.**

**"-ez da çim,lê hevalê min nehat,rêka husa bitinê ya ne xuşe ,ez jî naçim."**

**her hîvî dixwastin ku hevalê wî ne êt,lê dengekî gut:**

**-eve hat!**

**Devê wî yê bikeniyê ,her jidürve gut:**

**- sipêde baş,biburin ez gîro bum,dê keremkin da biçin.**

**ew hîvî û ew dervet jî lê kujit!!**

**Beref mala babê hevalê xwe çun,da ew jî xatira xwe jê bixazit.**

**hevalê wî şêrku xudan mal ü bçüke,ü yê cudaye jibabê xwe.bçükên xwe hêlane bitinê ü beref xerîbiya çû. xemên wî hêştê girantirin!!**

**Licade ü kulanên bajêrî,wek hêbetiya ma,her wekü eve cara êkêye,vî bajêrî dibînit.**

**Çi tam ü xuşî jivê geriyânê na êt,her vê gavê wek xerîba lê hatin,lê xwe asê kirin ,Viyana wê ne hêlan,didilê xwe da digot:**

**-ez ne gerîle me,ez ne seyrangerim,ez xudanê te me ,ez xudanê vî welatî me.raste dê nihu hêlim,lê bu demekê kurt .dê her zifirim .dê her livî welatî kelexê xwe bin ax kim...**

**Nihu ,dibit babê şêrku nehêlit ew biçit,nihêlit welatê xwe û mala xwe gurî berjewendiya xwe biket .**

**dibit babê wî bêjite wan neçin,ez nahêlim hün biçin!**

Da ew jî bihemû dengê xwe bikete hewar û bêjit:

-em naçin em mala xwe û welatê xwe nahêlin .

hêşta yê lihîviya wê hîviya mezin,ew hêşta bê hîvî ne buye.dibit ew hîvî nihu bicih bêt!

Nihu,gera wiye .ew dê kefte beramberî babê xwe .

ka dê çi bêjîtê?Ka dê çewa razî kit?Ka dê çi şanugerî rû dit?

Liber wî derghê ew lê rawestiyayn,û liwê berê sipêdê, hindek biçûka yarî dikirin.biçavên şerim û hejarî,berê xwe didane wan.

her wekû wan biçûka dizanî ku ew dê karekê mezin kin, dê jiqada xebatê revn.

eve şêrku çû jor ü ew ma lihîviya wî.ka dê çi rû dit? Kadê çend gîru bit?

Diçend çirkeyên gîrobuna wî da,tama jiyane xuştir dibu.

Wek mirovê lihîviya sêdarê .ha ha dê werîsê zivir êxine stwyê wî.ha ha dê patê reş êxne çavên wî.

ha ha,dê kelexê wî mînite hilawîstî û sar bit.ha ha dê.ha ha dê ..

ne ne ,ha ha dê babê wî bêjîtê ne çe!!!

Ew yê jivê tengavyê rizgar buy,nihu gera hevalê wiye. ka ew dê çewa xatira xwe jibabê xwe xwazit?

Ka dê bêjîtê neçe?Ka dê çewa jivî deravî rizgar bit?

Piştî demekî, şêrku jimala babê xwe derket ü gut:

- da biçin, ez amade me !!

Çavên wî tijî xem ü xerîbî bibun,lê nediviya xwe diyar bikit!!

Livêre jî hîviyeka wî mir,kesê ne gotê neçe!!

Çavên wî jiwana bazar ü xaniya venabin,her wekû eve ne ew bajêre ewê jiyana xwe lê burandî .

wî divêt ciwaniya wî digel xwe bibit,lê piştî çend çirkeyeka,jinav pêlên bajêrî derketin û beref xabürî

\*\*\*

ev rûbarê dinav bajêrê me ra diburit,wek xaburiye !

her çende mirov hest dikit ku pêlên wî germatiya pêlên xabürî nadit!

**Pêhna min pê naêt,kirmê min pê namirt!**

**Wan çend demjimêrên ez liber lêva wî diburînim. dideftera rojanên xwe da na nivêsim,çunkü xoha westiyana şolî jimin zioha nakit.**

**herwekü ne rübar,mixabin ku min kiriye beramberî xabürî!**

**Ka hirêna pêlên xabürî?Û ka sar ü sistiya pêlên pir gilêşên vî rübarikî?**

**\*\*\***

**Xabür ya buye meydana leşkerî,her wekü eve çend salin vêrê çihê fêrkinin ü hatu çûya leşkerî ye !**

**Leşkerê dewleta turka,dîsan liser tuxîbî kum bune.**

**yên xwe amade dikin jibu hêrişeka gelek mezin.**

**her çend heyveka eve karê wane,leşkerê turka xweyaye,dijwartirîn ü bêdiltirîn leşkere liser rüyê duniyayê .**

**ne dîne ü ne wijdan.ne tirse ü ne şerim .**

**her tiştê diderheqa vî milletî da biken,bu wan serketine ü nave .**

**Wek gurgên har,berbüne nav vî milletî .ter ü hişk pêkve disotin.**

**ev destkevta vî milletî bu wan ne xuşe,jê ne dirazîne, wan nevêt kurd bibine xudan desthelat û wec .**

**wan nevêt tenahî û aramî û avedan divî welatî da hebit. nevêt kurda hosa bibînin,lewra bihemü hêz ü şiyana xwe kar,dikin jibu têkdan û nehêlana vê destkevte.**

**Kurda jî ageh jivê çendê nîne?!Yan bu gelek jiwan ne xeme?!**

**her kesê bişêt birevit,texsîr naket!Para çavên geleka tarî kirîne,kursîka pêt geleka qeyd kirîne ,ewên çi jê ne êt,dê rev jê êt.lê geleka rev jî pêçê nabit.Dibin Alivê agirê şera.**

**eve ew jî ketine ser rêya revê.kes divan rojên tengav da jimala xwe dernakevit,hemü lihîviya wan bun:**

**-hün hatin?em lihîviya we ne.dê paspurtên xwe amadekin ü herin şolên xwe dirist bikin lidaêra asayşê ü darên dî...**

**Pasipurt! Pasipurt çi pasipurte .hemü dizanin ku ya sexteye ,hemü dizanin ka çewa hatiye dirüst kirin!**

**Liser vê hemüyê ra,liçend dewleta dimeşt û vîzayê didinê,lê her wekü lihêrwînê digerin,wesa liberperên wê digerin.**

herdû gelek hatin ü çun, gelek gîru bun,jiber destüdarê deverê,mêvanên tuxîbî gelekin,her wekü rojên şerê cîhanî.leşkerê turka wek rêzika mêriya beref Kurdistanê diçin.

peyade, tanik, tup, firuke ....

eve karê wane lihemü bihara û liher demê wan viyay, hosa ü diwartir welatê wan kirêt dikin,bêy destür ü tirs.

Wan nevêt tenay ü avedanî bikevte dinav vî milletî da, wan jî eger hene bivê çendê!

her hêcetek hebit,bu wan dibite eger,bu pêşêl kirina dest û darê herêmê.çi cudahiyê naken dinavbera şerkerî ü xelkê bê guneh .lihemü rexa kuştine....

Wesa diyare vê carê jicarên dî dijwar tire!

Lê liwelatê birsê hemü tişt bipare ye!

Ji axa welatê xwe bipare derbaz bun!eve cara êkêye simku ü şerku jiwelatê xwe derdikevin.

her çende ew jî welatê wane.lê bêhna biyanyê jê dêt.

Simku gelek cara diviya lipişt xwe bizifirt,lê lekûlumên hevalê wî qaeym dikir.

- ger tu çuye rêyekê lipişt xwe ne zifire!!

Beramberî rastiyeke mezin bun.xerîbî ü dürketin jimala xwe ü kesûkarên xwe .

Likuntirula turka jibilî tirs bê bawerî ü eniyên girê ü liwlyên kilaşînkufa.

dîsan lê geriyan ü pirsiyar kirin ü rûskirin,herçende ,eve ne tişteke seyr bû,bu wan,lê vê carê jîhemü carên dî dijwar tir bun,lirexê Kurdistanê û lirexê turka jî.Dever hemü bibu devereke leşkerî,hemü kar û bar didestê leşkerî da bûn .

Lêgeryan ü pirsiyar kirin gelek didijwar bûn. taybet bu wan kesên wek wan,ku ji Kurdistanê ne !

Çi kun û qulaç neman,dû sê carî lê ne geriyayn!

- dê cend mîniê liturkiya? hewe çi kes û kar hene liturkiya û li Kurdistanê?

hewe çend pare hene?Çi tişt digel hewe hene?Wek kitêb û rujname ü tiştên nivêsinê?Kasê û wêne ü ....??

her nivêsinêka bikurdî,her rujnameyek,kuvarek, wêneyekê kurdî bu wan dujmin bu.

Liser bê baweryê ra,pasporta sexte û bitirs!Pitir dilê wan lez dikir.ptir xûna wan har dibu,kerb zêde dibu, her bawerî kê m dibu .lêgeriyan û pirsiyarkirin zêde dibun.

Û eve hemü birêka ziman zanekî dihatine kirin ku her xelkê welatê wan bu.

Nîva giyanê wan çu heta lê buye êvar,jikuntirula turkiya derketin û berev bêdawiye.

Lê kengî jiyana wan,dawiyeka diyar hebuye?Kengî paşeroja wan ya diyar bu?

her dem dinav Şer û nexuşiya,her dem hejarî û birs bara wane. ewên jiber tub û firuka rizgar bün,ketin tura êş û ne xuşiya.ewên mayin ,wek evdala çi jê naên,tinê revîn.

Lê revîn jî hindeka pê çê nabît.....

\*\*\*

Ber licihê xwe biqîmete!ew pila xwandinê,ew zanîn,ew mirovayetî. hemû dimînit dicihda.Demê mirov welatê xwe dihêlit.

mirov dibite amîret.dibite çine.lipêş çavên xelkî reş diyar dikit.

\*\*\*

ew rêya hinda dirêj min birî,ew hinde qonaxên asê,ez derbaz buym,hinde rê hatîm, lidûv serê xwe ketîm,nihu bê dawî û bê hîvî,bê kes û heval,ew rojên asê û ew şevên dirêj,min hemû bu çi liser xwe qebûl kirin?!Ji bu çi?!

her jiqunaxa êkê,ez yê peşêman bum,diviyaba min biriyara xwe bidiristî daba,her jisilupî ez zivirîbam.

silupî,silupî,welatê min...ax,xwezî nihu ez jisilupî berev mala xwe çubam,wekû xelkekê....

\*\*\*

Qunaxa wan ya êkê jidervey welatî,silupî bu...

Gelek man lihîviya pasa ku dicite stenbulê.gelek pêhna xwe vedan,xwarin û vexwarin.hindek heval bu wa çêbun .piştî pilêtên pasê birîn,çendekê linav bajêrê silupî Geriyan,her çende silupî çend bihusteka jituxybî düre,lê faşista şiyaye gelek rewşt û tîtalên xwe lê biçînit. xelkê wê gelek jikurdînyê xerîbin.liser wan çend bihustara,gelek asteng hene ku rê liwan digirin,ku av û bayê kurdînyê lirexê dî venexun...

Wan jî hindek diruşim û tîtal jidujmnê xwe wergirtîne. wek axivtin bitirikî û cilik û kulavê turka.û fêl û direw û teşqele,û bê bawerî!

Lê her şiyayne sîmayê kurdîniyê biparêzin.

Diviyan gelek pirsiyara biken .gelek dinav pajêrî bigerin.

gelek jisilupî bizanin...

Lê jiber dest û darê leşkerî û demê kurt û wê rêya liberî wan.gelek tişt hêlan,Digel hevala lidemê bu diyarkirî, liêvariyeke biharî ,dane rê,berev stenbul...!

Beramberî hizira û tirsê û gelek kuntirila û pasporta sexte û cîhana bê dil û xerîbya mirov kuj.

her yê lipişt xwe dizifirt,û peşêman dibit,her şêrku yê wî qahym û asê dikit,hêştta simku jizivirîne bê umêd ne buye.dibit nihu lichê kuntirulî,bêjîtê:

" paspurta te sexteye,bizivire ."

lê her weku kesê ne dîtîn!her weku wan jî diviyan dürkevin da ew bidilê xwe dinav welatê wan da biçerin.

Simku dest havête xame û deftera xwe,û biriyar da carekadî jiyana xwe ya rojane binivêst.

Roj biroj,heta saxe,jiçirkeya jimal derketî,heta ew gava ew têda ...

Dengê hevalê wî hat û gut:

-eve cizîrê ye ,binivêse,dem hijmêr pêncî êvarî em geheştin cizîrê....

Cizîra buta,ew czîra hizar xewin pê didîtin û dîtina wê bibu hîvî û Mirad.warê mem û zîna,warê bedirxaniya.

Pasa wan licizîrê rawestya,hindek av lê ve xwarin,lê neşyan jipasa xwe dür bikevn.kelha wê hêştta diyare, mirovên wê gelek sebira wan bê dihat,lê gelek çavên xwe gêran .da zîna zêdan bixemla bükaniyê ve bibînin, gelek cavên xwe gêran da memê bejin bilind,siwarê buzê rewan bibînin.çi nehate pêş cava!

Ne birca belek,ne mîr zênedîn digel memê setirincê diket .ne zîne diulya bilind da memê şêt diket.

Tinë tijî wan kulana bekiruk bun.zanîn ku ci nemaye dê pasa wan dite rê.....!

Dîsan karwan birê ket,hind hatin xwar û hind siwar bun.

Destê hizira girt û pêkve çune diniyayeka dî .

\*\*\*

“enqere,kelea sitemê ... stenbul,bajêrê hejara,warê kirêkara... kyêv, bajêrê çêrnuablê ... burdislava,baxçê evîne ... birno,ew bajêrê navê wî lihemü mala,û nîşana mêraniyê liwelatê me jiber navê tivenga birno...

birag,bajêrê sîxura,fêrgeha Serbazên stemkara...berlîn, bajêrê dû dila sêva jiyane,ya bu min buye duzex....!

\*\*\*

Car xewê dilê simku jihizira didizî û dibire cîhana xwe .lê her çendekê hevalê wî destê xwe limilê wî dida û ciwaiyna rêkê yan diyardeyek bu şiruve dikir û car jî di gut:

- binivêse,demjmêr...em gheştin nisêbînê ...qizltepe,... wêranşarê ... orfayê...

Wesa diyarbu ku jîtxîbê welatê xwe derketin .

çunkü bêhna xerîbyê dijwar dibu...

Xewê ser jîhemû tiştê stand û dinav dilê xwe da veşart.

hindî dilê wî yê pir kivan bu û hindî hizirên wî yên belave û dijwar bun,êkgirtineka xav dirust kirin.bire dinav guvenda hevala da,car jî wek sîmerxa lihîndav serê wan çerx didan,car jî dikire gunhebarekê mezin û cîhan hemû bidûv diket !

Lê lidawiyê liser kursîkeka bilind dirûnişt û hemüya bêkve guhên xwe bel dikirin û simku bu wan diaxivit .

Biriyara lêxweşbuna hemüyan dida...biryara berdana hemü girtiyan û hemü gunhebaran...diyarkirina berzebûyan...biryar dida ku lihersê dana millet hemü têr bixut..hemü xizmetên şarstanî û dewletê bu wan bê beramber bin ... şol bişev û roj.şarstanî berev pêşve.

ya jîhemüya vertir,tenahî,hemü dişên lişev û roja,liçol û aqara binivin.ew dê zêrevaniyê liwan kit.

herçende pêdivînakit.lê da piştrast binivn.

yeksanî...avedan...aramî.

Simku da hêştê biriyara dit .lê hind dît ku zêrevanê wî yê destê rastê devê kilaşînkufa xwe kire ditenişta wî ra û teqand.

digel qêriya hemü milletî hişyar bû,ku ew tilên hevalê wî şêrku bun ditenişta wî ra û yê bidevekî tijî kenîve dibêjit:

-hilu em gheştine nêzîkî enqere!

Dunya wek hêkê ya sipiye, befir ya dibart.

Simku çavên xwe perxandin,xwe jêkvekêşa,hate cîhana rastiye.

Dihizira xwe da enqere ciwantir û pêşketî tir didît.lê wesa nebu.ma dê çewa pêşkevit,Ger xudanên wê hemü dahatiyê milletî bidene şer û mirov kujyê .

hemü pêkulên wan jibu êketiya ewrupî,na ghen çî asta, jiber bêşêlkirina mafê mirova .

Rijêma leşkerî û pulîsî û pûte nedana mafê gelan û berîka wan ya vala.her yên liser wê rê diçin,û her yên kevin dibin,û her birs û hejarî ya zêde dibit. jîyan ya rawestiyay,Kargeh diêne firotin .tîrsa paşerojê ,her ya zêde dibit .bawerî nema



.peywendî neman.Mirovayetî nema .hemû tişt berev nemanê diçin .tinê,leşker zêde dibit,polîs zêde dibit,çek zêde dibit,girtîxane zêde dibin, çayxane û mizgevit zêde dibin....

Enqere,wek paytextê dewletka ewrupî diête niyasîn,lê jipîsatiyê û jirêkên bêseruber û avahiyên kevin çî diyar nakit.mirovên wê rengê birisiya diden,hêşta yên dimêjoya xwe diçerin çihizira paşerojê nakin.

Dîsan qunaxeka dî û bêhinvedaneka dî,pasa wan guhurîn û gutin,divêt hün hindek parên dî biden.lê kirine teşqele,.eve karê xelkê vî milletiye,hemû bazarên wan direw ü fêlin,çi rastî linik wan peyda nabit.

pştî demekî carekadî berf stenbulê danerê.....

\*\*\*

Deftera rojanên xwe jibin serê xwe kêşa derê,her çende wek seruberê wî,ew jî çî tê nemaye,lê şiya têda binivêst.

“evro sipêdê seyê pîrejinekê ez jixew rakirim .

heta nîvro linanî geriyam,min nedît!

ew harîkariya bu min diêt,berî dû roja ya xilas buy..

limin carekadî bu şev!

Ne kare û ne cihekê tena,kempa me roj bu rojê tijî mirov dibit,peywendî sist dibin,mirovayetî berze dibit. jora me,pitir jideh kesa têda dijîn,pitir jiheşt welatane, pitir jiçwar dîna û gelek hizirm ü buçuna”

Lirêza dawiya deftera xwe nivêsi...

“erê şeva min dê çewa bite roj??”

\*\*\*

Êvareka bihariya direng,mirov jicîhê pêt xwe pitirin. deng jideva jidesta,pêya,jiamîra,jiturimbêla.wek tîra dibarin.

Bêhna xuhê û pîsatiyê,digel pêhna biyanyê têkel buye.wek bêhna xünê xweya dikit.

Wan serucavên girê û rapêça pulîsî,ciwaniya stenbulê berze kirîe,lê her wek kiçeka çavmê,stenbulê şiya hizira wî ü çavên wî bidizin.

Gelek caran milê wî bimilê wan mirovan diket û berpên xwe ne didîtin.

- hün ev şeve mêvanên minin!

wî biraderê digel wan jituxîbî hatî gut.

Ku eve salek ü çend heyvekin ew bibiçükên xwe ve ketiye kulanên stenbulê, û bune Nêçîra rêberekê bê dil.

\*\*\*

Xozî nihu êkî gutiba min, tu mêvanê minî..

ez birbame mala xwe, xwarin, vexwarin, lichekê tena ü xuş nivistbam.

ev welate gelek seyre! Pêşketina wan gelek jimirovayetiya wan ü peywendiya civakî kuştiye!

\*\*\*

Jinka wî digel biçükekê dûsalî, dibindaveka kure dane. hatin û cuna wan bidizîveye.

Jiyana wan wek ya girtyên wê dewletê ne!

Piştî bêhnvedanekê û nanxwarinekê, zanîn ku ev biradere, Mamustayê zankwyê bû. Xudan mal û mirove, wî jî destê jinka xwe û kurê xwe girtin ü berev bereze bunê ve hatin. wan jî çi nema, ne kirî, heta jiwelatê xwe dîr bikevin!

Piştî mêvanên xwe baştir niyasîn, serê xwe hejand û gut:

- me hemüya welatê xwe hêla, her kesê hindêk şiyânê baş hebin, welat hêla.

Ez neşêm bizivirim ü neşêm derbazbim!

ez yê mayme hlawîstî .

Xemên wî hatin ser xemên wan, barê wan pitir giran bu. tirsê wan zêde lêhat.

Nimune jivî rengî gelek in. mêvanên husa tijî stenbulê ne.

Suhbet ü axivtina birin gelek babeta, lê wî biçükê dûsalî jigelek ziviruka dînan derê, devê wan gelek cara bikenîeka şermên dixemland.

Simku dibire ber landika biçükê wî.

“erê dibit ez wî nebînim? Dibit ez jî livan kulana,

Bê pare ü bê hîvî bimirim? ”

Lê her wî Mamustay digute wan ü bu nimune ü belge dînan, ku gohê xwe ne dine kesê, ü baş rêya xwe diyar biken. parên xwe nedine çi rêbera, ü baweriya xwe bikesê neînin, her Digut û her dûbare dikir, ku nihu çi rêk nînin. her kesê bêjît rê hene. ew neweyê dibêjît!

Carekadî diniya liber çavên wan tarî bû rê liber wan berze dibûn!

Liser van gutina ra,ü liser halê wan ra,deng basên Kurdistanê tijî hemû telefziyunên turka bun ..

nexuşî ü şer ü kuştin ü hêrişên leşkerî.dever hemû girtîne .vê carê wesa diyare ku gelek ya dijware ...!

Berî binivin gute wan:

-em digel dû biraderên dî livî xanî dijîn û dibit ewjî nuke bên!!

eve bû cihê tirsê û gumanê .herçende ew jî xelkê welatê wane û mirovekê Mamustaye .

lê neku wan bişelînin ü parên wan bidizin?Neku bikujin, jiber para?ü neku ü neku...?

Şêrku her wê gavê bu êxsîrê westiyan ü xemên giran û nivist .

Simku neşiya binivit,ma hşiyar heta nîf şev .

Dû kesa hildane jor,xudanê malê da düf wan,cihê wan nîşa dida !

her êkê jivan kêreka mezin didest da bu !

Seru çavên wan dirapêçay bun ! Didanên xudanê malê xûn jê dibarî !

Lidur cihê wan zifirîn,diviyan berî wan ser jê biken, hindek yariya pê biken,hindek bend û heyrana pê bêjin!

Xudanê malê yê bilez bu,da parên wan bibet!

- pare bu min!Serê wan dilê wan ,cilkên wan,bu hewe. min pare divên...dular...dular...ha ha ha ha....

Destê xwe havête devê wî,bêdeng hêla,neşiya hewara xwe bigheînite hevalê xwe !

Dengê wî biser neket,huişik ma,çi jê nehat .

Berî wê kêra dev tij liser stwyê wî bihemü hêza xwe bişidînit ! bu cara dawiyê berevanî jigiyane xwe kir û bihemü hêza xwe kire hewar!!

- ne...neee...heware...heware...

-ew ci bu??te xêre??

- ci nîne , ci nîne ...xewin bu, xewin.

hevalê wî carekadî xewê dil lê dagîr kir û dinaf perên xwe da veşart.

Simku ma hişyar,jitirsa xew jê revî heta dîtî dû kesa hildane jor .ü êk jivan niyasî,jinü tena bu û nivîst.lê hevalê wî jinü bidüristî hişyar bu û gut:

-ewkî bun?

- bîsteh binive ...kes nebu.

Şêrku beruvajî tê gheşt,lê bu tirs û recivik,û xwe bisîngê hevalê xwe vena û gut:

-ez mirim jîserma,tasarê ez kuştim !

Ji xewê simkuy ageh jê nema û nivîst .

\*\*\*

Sipêdê zû pêngava wan ya êkê digel rêberê êkê bu.

-hûn bixêr hatin.

- supas ,bira me divêt bizütirîn dem jivêrê derkevin, parên me diamadene .

- qunaxa we kîveye?Zehmet nebit ?

- me divêt em bighene elmaniya.

\*\*\*

ew elmaniya eve hinde salin em xewna pê dibînin û bume buye berêbeîtê.em nivêja bu dîkin.

Min nezanî dê lielmaniya bime amanşu û paqijkerê cada.min nezanî dê lielmaniya berze bim.

Dê jimejî û hizira bim.dê jikes û kara bim.

ka ew elmaniya diserê me da?ewa me diniyasî?

Ka ew mirovayetî?Ka ew dîmukirasî?Ka ew jiyana bisanahî?Ka ew biheşta min xebat bu dîkit?

\*\*\*

- gelek başe ,herin xwe biseru ber biken.ez dê hewe piştî dûsê rojên dî deme rê .

jibîr neken simbêlên xwe bitiraşin!da xulkê ewrupiya hewe bidit.lê divêt her êk jihewe pênc hizar dular hebin!

\*\*\*

ew simbêlên min hizar cara sund pê dixwarin..

ew dularên min hizar direw kirîn heta kum kirîn...

wesa bisanahî bideme te?!

\*\*\*

- bira divêt tu harîkariya me bikî.em jilayê biraderên te ve hatîne,me wek biyaniya ne hijmêre.

-eve nabite asteng,herin wek min gutî.bila ev hevalê min digel hewe bêt da hewe biseruber biket ü hindek pêtiviya bu hewe bikirt .

Ketin düv hevalê rêberê xwe,dinav kulanên stambulê geriyan.diviyan gelek bigerin,lê wî hindek bazarên taybet hebun,diyare wan êk diniyasî .

- divêt her êk jihewe,,tîşêrtekî,husa bikert,digel vî rengê kabuy,û pêlaveka putîne,û berçavkeka tarî, û çizdankeka teniştê ü ....ü....

rojên cejnê hate bra wan . dema babê wan yan dayika wan,diberî wan diket ü dibirin bazarî ü lidüv dilê xwe bu wan cilik dikirîn.

Devê xudanê bazarî beş bu ü digel êk axivtin ü pêkve çune paşya bazarî ...

Piştî birîn nik hevalekê dî ü seru rîhên wan tiraşîn.wek wî viyay, wî jî diyariya xwe divêt,gutê:

-hün dişên biçine cihê xwe,divêt hün wek me gutî diamade bin lidemê diyarkirî ü parêt hewe didürist bin.

her dû bikeyv ü dilxuşi zivirîn nav bazarê stambulê.gelek geriyan,ciwaniya stambulê ya mêye,hizir dize,rojhelatiya wê,digel roj ava ü ewrupa têkel buye.Tameka cuda daye seru sîmayê wê .

hejar pirin,gerok pirin,gerîle ü biyanî .

dewlemend ü sermayedarî,ser jigelek dîdarda standiye. ciwaniya jinê ya xûyaye.liser wê rapêça turka ü seruberê rojhelatiya wan ra,ü jiber mêvanên biyanî ü ewrupî,mirov hest diket ku eve parçeke jiewrupa.

lê tinê kevlujanke heker mirov kür biçit,wî kevlujankî vedit.dê tijî difina mirovî bêhna kevnatiya Usmaniya bit. ü heker kürtir biçî,dê wênê etaturikî ête pêş çavên mirovî...!

her kesê geriyanekê dinav stambulê da biket,dê zanit ka vî bajêrî çend belnkaz hene,Çend birisî hene,çend bilêdil hene!!

Mirov,mirova difiroşin,xwe difiroşin.bîrubaweriya difiroşin. jibu peydakirina nanî!

Stambul wek cîhaneka biçûk diyar diket .lê her tiştê kirêt ü berçav,ew polîs ü mîta jihemü cur ü rengên mirova pitir,ü diyartir bun .lê ew polîs ü mît gelek bisanaey razî dibun.her kiriyarek her xirabîek dihate kirîn,beramberî çend dulareka .

Dular liser hemüya zal bibu.dular dadwerü dadperwer bu.

Divê ziviruka di jwara jiyane da herdû berze bun. jiyane dikupka livîn û berevanyê daye .

Divêt jiyane berdewam bit. divêt ew dinav da berze ne bin. wan hîviyeka liber . rêyeka liber . hind dît liwan bu êvar, zivirîn beref mala hevalê xwe .

demê serhatiya xwe bu gutîn, bidengekê bilind biwan kenî gut:

-eve axivtina hemû rêberane , heker rast ba kes listenbulê nedma!

Bişev liser cihê xwe yê dinav pêlên hizira da xendiqî.

hevalê wî her wê gavê simbelên xwe tiraşyn û xwe amade kir.

Simku neşiya jîtirsa zifirînê simbelên xwe bitiraşt.

bê simbelî dinav hevalada. dê bite pêtiranik. û eve şeva dawyê jinîvyê burî. û hêştayê wesaye . her heval yê pal didin, berhef dikin. lê tiştê gelek mezin didanit Ku cara êkê mirov simbelên xwe bitiraşt. liwêlatekî wek welatê wan. ku simbel nîşana zelmîniyê û mîraniyê ne.

her kesê destê xw havête simbêla û pê sûnd xwar, diête girêdan û çî car lêve nabit !

Babê wî herdgut:

- şerme zelmîniyê simbelên xwe bitiraşt, mirov bisimbêla zelama jîjinka dinyast! Zelmîniyê bisimbêla zelame ...

eve digut, jiber hindê hevalên wî ewên bêsimbel û jîtirsa ew jî bitiraşt!

heker derbaz ne bu ? heker zivirande rexê dî?

Dê çewa bê simbel çite mala xwe? Dê çî bu bêjin?

„ eve dû roje çuy simbel tiraşîn, heker çend saleka bimînit dê çî ket??,,

Kes bawer naket, ku eve bixwe ne kiriye ! eve bifermana rêberiyê. eve baca derbaz bunê ye. eve pêngava êkêye ji bu derketinê jikevlujankê xwe . ew kevlujankê gelek asê, û girêday bigelek rewîşt û tîtalên paşvemay, gelek

girêday biol û xêl û netewey ve. û wan milletên dewrubera, ewên heta nihu dagîrkerên wan jîhemû layenave !

herkesê jîwî kevlujankî der kevit. eve ew xiriya.. ! eve ew jirêya rast derket !

eve ew bu benîştê devê neheza !!

Piştî gelek diserê xwe da gêray û çuna wî û paşeroja wî, mal liser van simbêla. her çende çirêzu qîmetî nadite van tiştê! Lê nevê bîsanahî bibite benîştê çideva .

Lewra her dem xwe jîvan tiştê parastiyê ! Lê divêt nihu pê livan hemû tîtalên jengî danit !

Xwe jîdil û jinû bu jîyaneka dî amade kit .

dibit gelek asteng bikevne dirêya wî da,Lê divêt yê amade bit.

Piştî bê hîvî buy ü şev jinîviyê burî,pêl cegera xwe dana ü smbêlên xwe tiraşîn !

Demê jiserşoyê derketî,hevala biwî rengî dîtî,kes nema liser pê n xwe,bî tîqtîqa wan,bidengekê bilind ü bikeniyeka jidil,simku kirine pê tiranik .ü bu pêkenînkê wan.

heta berê sipêdê hevalê wî dikenî,gelek cara dixewda jî dikenî .

\*\*\*

-helw...em yê listenbulê ü rê nîne,çi biken başe?

-herine Ukiraiyna,dê zü derbaz bin!

- birayên me nahêlin .jitirsa rê û mafiya...

- gelek xuşe,tena û erzane.

\*\*\*

Wan ne diviya çi tişta biken,bêy agehdariya birayên xwe ,ewên bu wan harîkariyê diken,û jimêje liderêne û baş divî warî da dişareza ne .

Biwan telefuna jî razî nebun,diwan çend roja da,gelek rêk, ü gelek rêber dîtin .

Lê bê bawerî û rêya asê û nexuş û tirsî jipaşerojê hêlan liser rêberê berê .

Dîsan zifirîn nik rêberê xwe ,her roj da çine süka û da gerin,heta roja jivana wan digel rêberî dihat,dimand li jivanê,lê kes diyar nebu,telefon kirin,telefuna wî ya girtî bu, gelek westiyand û mendheoş bun .

her roj yê bisedan kesa dizifirînine welatên wan. girtîxane dipirin,rê ü rêbar her asê dibin,hîviya wan her kiz dibit!!

Deh roj burîn ü her yê diagirê xweda dikelin,,vîza,, wan bidawî hat û çine kirin .

-helw..bira em man livan kulana .ew rêberê hewe girtî çi nekir. em çi biken?Parên me her yê kêm dibin û girtina me roj bu rojê nêzîk dibit .

- bira, xwe ture nekin,ew rêber yê baweryê ye, lewa divêt hün xwe lê bigirin .

-evro jivanê me bu, nehat!Telefuna wî jî ya girtiye .

xwe lime vedşêrt .

- ne, ne, xwe na veşêrt ! diyare tişte mezntir heye, lewa diyar nebu ye!!

Divêt hün çi tişta neken, ü xwe lihîviya wî bihêln.

„ -pasport ..pasport,,

-eve ew bû ya me digut!Ka em hatin girtin yan ne??

Wek gurgên har xwe lidura kirine rêz .dawa pasporta jê kirin.

Baş sehkirin û pasportên wan jê standin û digel xwe birin.

Dijwariya polîsên turka ya binavudenge!Ji tirs zivirînê û şelandinê derketin piştî hindek pirsiyara ü axivtina,tama devê wan zanî,ü hindek pare danê û berdan.

Bu wan diyar bu ku ev welate jiwelatê wan wêran tire, divêt bizütirîn dem jê dūrkevin.

\*\*\*

-hün bixêr hatin bira !

-- Xêrendar bin ,biburin, hewe çi libere?!

-em jî yê lihîviya cuna jîderve .

-her digel rêberê me?!

- bilê, her ewe dê mejî hinêrt .lê eve pitir jiheyvekê ye em lihiviya wî .wesa diyare rêya wî nemaye!!

- barê me girantir lê hat,piştî me mala wî hevalî jî hêlay û em ketîn utêlê .

- liser hemüyê ra her çend şeveka polîs diêne utêlê ,ü divêt em razî ken !!

Liser giraniya stenbulê û liser giraniya xemên wan,gelek şeva heta sipêdê xemên xwe dikuşa jineka pirsî da dixendiqandin

Lirojê ne dişyan çend gaveka jiutêlê dūr kevin,ji tirs polîsên nêçîrvan,ku karê xwe kirîne rava biyaniya.

Lê şev ü roj bidawî naên,û husa bu wan dest nadit. dişevêkê da digel hevalê xwe biriyar dan ku rêya xwe bigihurin û guhê xwe nedine birayên xwe,ewên ev rêbere dîtî.gelek geriyar,gelek telefon kirin bu heval ü biradera ,her cihê kesek jî lê çubî,pirsiyar kirin.

Telefuna hindek hevala kirin liukraiyna,ka wêrê çi rê heye?

- bizütirîn dem xwe bighînine ukraiyna,gelek xuşe û rêk bisanahi ü erzane,rêberek amadeye,piştî çend rojên dî dê me hinêrt,hün jî werin da pêkve derbazbin.

Zêde barî van hemüya,hün dê hindek rojên gelek xuş burînin!hün dê jinü tama jiyane zanin,ü dê careka dî bine zava...ne, ne, dê gelek cara bine zava!

herdû bikeyf û dil xuşî ,wê şevê nivistin.

sipêdê pirsiyara birayên xwe kirin,wan gut:



- bikeyfa heweye, belê ne bidilê meye!

Dîsan man didûdiliyêda. nediviyan çî tiştê bêy dilê birayên xwe bikin, lewa xwe girtin û man.

\*\*\*

Xuzî û hizar car xuzî, ez liwêrê zivirandibame, bila ez ne hatibam, bila min gohê xwe daba birayê xwe, çend cara digute min ne êy ! welatê biyaniya bu wan xuşe, bu me çî xuşî nîne, bê şul û bê qîmetî.

lê min guhneda kesê .heta ez ketîm divî deravî da.

min digutê, pa bu hun na zivirin??

Min ne dizanî ku ew yên mirîn! ew yên jizivirînê bê bar buyn! Zivirîn jî wan pê çê nabit!!!

Tinê digut: me xwe sutiye, hûn xwe ne sujin!,,

\*\*\*

Stenbul wek muzexaneka mezin xweya diket, her cende pîsatî û bê xudaniya wê ya zêdeye, lê dîroka wêya parastiye, ew kesên behsê wê kirîn, ne diniheq bun, wesa diyare rêberên Usmanya hemû dahatwyê îslamê livan mizgevtê mezaxtîne, lewra ne şiyayne çî bu xelkê xwe û bu paşeroja wan biken. jibilî van avahî û mizgevtên seyr!

Karê herduwa bu geriyana, her çende geriyana wan gelek bitirs bu. wek dîza digeriyana. her çend pêngaveka turimbêleka polîsa ya rawestiyaye, pirsiyar û lêgeriyana. berdewame, her wekî hindêk mêrkuj yên dinav bajêrî da xwe veşartî!!

heyva wan bidawî hat, hêştê diwî seruberî da.

Bu cara duwê û siyê, ew hevalên berî wan, jifirukxanê zivirandin û rêk nebu, rêberê wan jinû gut:

- rêya min nihu nemaye !divêt xwe bigirin.

Vêcarê jidil her duwa biriyara xwe ya dawiyê dan. parên xwe jirêberî wergirtin û qesta vîza ukirayna kirin û birayên xwe aghedar kirin. wan jî vê carê xwe razî kirin.

Simku bidilekî pir kuyan gut:

-eve min çî kir? eve min çî libere?

Qunaxa min dirêj tir lê hat. ez hêr bum! Min hemû tişt yên jibîr kirîn! Birayê min, pirsiyara navê kurê min jimin kir, ewê min bu dilê xwe binav kirî û hêlay, min navê wî jibîr kir, ez yê mendehoş buym, çî libîra min ne maye .

Şêrkwî gut:

- Dijwariya jiyane rê berze kirin.divêt em jivêrê jî birevin,eve ne cihê jiyane ye.tu heqî navê xwe jî jibîr bikî.

Wan herdû hevalên liutêlê jî biriyara xwe dan,nihu bune çîwar û pêkve vîza ukiraiyna wergirtin .

Piştî dû rojên dî,dê dine rê beref ukiraiyna.

Piştî dû rojên dî,dê stembulê hêlin,ew stembula gelek lê geriyayn,û êk jisedê ne dîtîn.ew stembula tijî hejar û pale.ew stembula mirov,mirova lê dixun!ew stembula buye gurepana polîs û sîxura.ew stembula gelek mirov berze kirîn,û gelek jihest û bucuna dizîn.

Stembul nihu ya buye bajêrê xwe firutinê.

hind mal û mlkê xwe difuşin,hind bîru bu çuna difiruşin, hind leşê xwe difiruşin...da pê bijîn !

Stembul ya buye hêlîna çep û rasta,regez persta, ayn duza,bihemû renga mav berzeye.bêşêlkirna mavê mirovan, sîmayekê xweyaye0!!

Stembul ya buye bijêrekê bazirganiyê,hemû tişt lê diên kirîn û firutin,lê bazareka bê bawerî û bê wijdan,direw, find û fêl,giranî,dizî û mafiya...

Liser van hemû polîs û desthelata leşkerî ra,stembul ya buye bajêrê bê baweryê.

her çende gelek jixelkê stembulê xwe liser ewrupiya dihijmêrin,lê kes wan wesa na bînit!dilreşiya wan miruvayetî ya kuştî !!

Berî jinav vê gêleşukê derkevn.bu cara dawyê xwe berdan nav bajêrê stembulê.

Vê carê bidilê xwe,bê tirs geriyayn .jiber vîza ukiraiyna ya hey.çi polîs nagirin.

Liser van hemû gutina,stembul gelek ya lipêş çavên wan ciwane û liber dilê wan ya bêtevker û cihê geriyane û xwuyê ye,lê piştî dû rojên dî,dê hêlin.dê bine mêvanên warekê dî,dê bine êxsîrên welatekê dî !

\*\*\*

Lifirukxana stembulê,ew firukxana hinda asê û bishem!

Wan hind polîs û asaiyş û mîta dijwar.

wan kamîre û amîra,wê berfirheya hinda aluz.

Wek pepûka dinavda digeriyan .

eve cara êkêye,cihekî husa dibînin !!

heker mirov wan polîsa ne bînit,heker mirov wê rapêça turka nebînit.qed bawernakit eve axa turka ne..!

**Firukxaneka berfireh û pêşketî,gelek hol ü cihên rûniştinê û xwarinê ü bazar.**

**her liber dergehê êkê,serubin lê geriyan ü kuntirula çante ü paspurta.**

**Jinavda wek muzexaneka ciwanyê ye,pire jimirovan, mêvanên wê,ji hemü tuxim û renga ne.**

**-hê,hê,eve cara êkêye ez firukxanê dibînim!eve cara êkêye ez paspurtê heldikirim,herçende ew jî ya sexteye.**

**eve cara êkêye ez bifirukê geriyanê dikim,ew jî heker hêlan ez derbaz bibim !**

**Çavên simku man zil wek gêja ü her di gut:**

**- divêt husa ne mînin,demê me çi ne maye .**

**Bipirsiyara xwe gehandine kuntirlê êkê,her çende eve ne kuntirulê serekiye,jiber seru berê wan ü rengê paspurtên wan.bune cihê guman û lê geriyaneka dijwar.**

**Jixelkê dî cuda kirin û gelek pirsiyar û lêgeriyan.**

**dîsan gelek westiyan û bê hîvî bun,û gelek cara dihizira xwe da,zivirandin welatê wan,gelek cara dibirine girtîxanê û gelek cara ciza û dilreçiya wan dihate pêş çava,her kesê eve digirin,dikene nîvemirov rût ûbêpare, jinü dihinêrine welatê wî .**

**Bêhna şêrkuy teng bu ü gut:**

**-erê heta kengî em dê husa mînin?erê dê mejî paspurteka bibiha ü danpêday hebit?**

**Simku axivtina wî birî ü gut:**

**- ne,ne, bêje !!erê heta kengî em dê revin?Û dê kîve çin?**

**-- erê..erê... ??**

**Gelek pirsiyarên bivî rengî jixwe kirin .**

**Lê demê simku ketîe dinav wan destên req û giranda, hest kir ku gelek yê bê hêze,û xwe liber çi nagirt.zanî ku hêz û şiyana rojên tulazîniyê nemaîne.demê ketiye dinav destên dujmnan da û hindî lêdan û êşandîn.çi jê nezanîn,navê çi hevalên xwe nedayê .xwe aşkira nekir.**

**Lê new,tepa êkê dê sed nava jibinê pê xwe îniteder, bitepa duwê dê xwe kite berpirsekê serekî .**

**Lê wî ne dizanî,ka eve jilawaziya leşê wî ye?Yan jilawaziya baweriya wî ye bipaşerojê?**

**Gelek gîru kirin, gelek pirsiyar û lêgeriyan.**

**hevala xwe amade kirin,çantên xwe danê û derbaz bun nav hola serekî.hêšta ew yê dinav destên wan da,wek mişkê kitka girtî!Lê hêšta gelek kuntirul ü lêgeriyan hene.**

**Liber wê pencera biçûk,ew kurtulaz yê rûniştî bu .**

**Simku wek pepûka rêza xwe lidûf mirova girt,paspurta xwe dayê .her êkser serê xwe bilind kir da xudanê wê paspurta dinav destada bibînit!**

**Simku xwe têk neda,her wekû ew ne paspurta wî.polîs gelek dinav perên wê geriya ü gelek jihevalê xwe pirsî, lidawyê destê xwe bilind kir ü murek lê da!!**

**eve bawerî bipaspurta wî hat.eve mafê derbaz bunê dayê.eve bu mêvan,divêt diçend dem hijmêrekada, welatê wan bihêlin!!**

**Bawer nekir heta jiwî dergehê birex wê pencerê ve derbaz buye hola mezin.**

**Gelek mirov lê dirûniştî bun,lihîviya firukên xwe .**

**Zanî eve axa azade ,eve tiranzête,jinü baş rihet bu ü bawer kir ku ew kabirayê bu wî paspurt dirist kirî,yê zîrek bu,wî rast digut:**

**„ ev paspurte gelek jiya xwemalî rêkupêk tire,,**

**Şêrku piştî hatîe nik wî polîsî,gelek gîru bu ü gelek dinav perên paspurta wî geriyan ü piştî gelek pirsiyara ü gelek gîrubunê,bihindek dulara ew jî jikuntirlê dawiyê derbaz bu !**

**ew paspurta hemü dizanin ku sexteye,lihindek dewleta vîzê didenê,mafê seredana heye.**

**Wek diza ü pepûka,çav tirsiyay litiranzêta stenbulê rûniştin lihîviya demê diyar kirî.**

**Çend kesekê cilik polîs didîtin,her wekû liwan digert.her çende kesek digel wan na axivit ü kesê ageh jiwan nîne, lê hêšta tirsî polîs ü asayşa rijêmê digel wan maye!!!**

**Lidemê diyar kirî,her car ketin lidûf êk ü pilêtên xwe dirust kirin ü paspurtên xwe amade kirin,jibu derketinê. lirêza mirova rawestiyar,heta gera wan hatî.**

**Liber dergehê dawiyê,mirovekê nav çav girê,rawestiyay bu.gelek pirsiyar ü lê geriyan dikirin,ü taybet liwan kesa ewên paspurtên rojhelata navîn heyn,ü jiwan jî ewên xelkê Kurdistanê.**

**\*\*\***

**-hün biyanî çi kin liwelatê me?hewe welatê me tijî kir!!**

**-hün bu diêne welatê me?!**

**-hewe nekar hêla !ne tenahî!**

**- çi şula ne dirêda,hün wê dikin!**

**-em razî nabin,hün êdî penaberyê livan welata werbigirin.**

**-em ewrupî,dê biriyareka tevayî bivê çendê den!!**

**\*\*\***

Demê gera simkuy hatî,çantê wî serubin kir û leşê wî dûsê carî perxand9î.herweku likêç ü sipîha digerit.liser hindê ra,her baweriya wî nehat ü gutê:

- dê kîve çî?

- çî çek,çi dermankên bêhnê linikte hene?

- te çend pare hene??

- dê çend roja liukiraiyna mîni?

- çî rojname,belavuk,pertuk digel te hene?

eve hemü ne shîr ü guman bun!Lê dema ev pirsiyare bizimanê wî jê kirîn,her wekü xelkê gundê wan!!

Simku bersiva pirsiyarên wî da û derbaz bu.

Lê serê wî wermî û lê bu êş û digut:

-heta kengî em dê xizmeta dujminê xwe kin?heta kengî em dê dujminatiya xwe kin?

heker vî biraderê he,bivî rengê husa dilsax bu millekê xwe kiriba!Nihu berî çend salan,em dewlet bun!erê eve kurde ?erê wî hest kir,em milletê wî ne?

Şêrkuy bersiva wî da ü gut:

- ne, ne ,heker wî dil xwîna kurda hebaye,da bu me bşkurt.da me zü dite rê,da harî me kit.ew jimêje jikurdatiya xwe ketiye ew jimêje buye kurê turka.

her şureşeka kurda.her serhildaneka kurda,her pêşketineka kurda.her kurda Bi xwe bin axkiriye..!her kurda şikandiye.her bidestê kurda bidawî hatiye ...!!

Simku bêteng bu û gut:

-erê,lewra em dê her husa mînin!!

her serê xwe dihejand,her hizira dixendiqand,her diwestiya,her diviya zü birevit!!

Lihola dawiyê,piştî ewên dê çine ukiraiyna jixelkê dî cuda kirîn,lihîviya pasa man da bibine nik firukê.hindek kesên dî jî dîtin ku xelkê devera wan bun,wan jî revîn helbijart bun jimanê .wan jî xwe qurtal kirin.eve ewjî bune Alivê bay.eve ewjî bune êxsîrên paşerojê .bune girtiyên xerîbiyê!!

Salehasal,xebat û karkirin jibu destînanana mafekî bu gelê xwe .şureş ü derbederî.şehîd û qurbanî.Idawiya serketina şureşê û bidest înanana gelek jimav ü desthelatê carekadî bun rêvîng û beref rêya bê dawî çûn!!

“em liçi digerin? Me çî divêt?

erê ma ew parça erdî didestê meda,me têr naket??

erê ma em ne şên,birêya wê parçê, derunê xwe têr biken?hîvî û umêdên xwe bicih bînin??

erê man baştire, yan derbederî??

erê dê dawiya mişextiya me çi bit??

erê...erê...erê??? ``

Van pirsiyara diserê simku da wek deholê deng vedida.

Dinav firukê da û piştî cihên xwe dîtîn biharîkariya xizmetkerên firukê,pitir rihet bun.

Firuke bu wî tiştekan nû bu,eve cara êkêye lê siyar dibit, husa jinêzîk dibînt.

hindî wî dîtî,her firuka agir û barut liwan reşandîe,çicar husa nêzîk ne buye.

her kesê firuke nêzîkî wî biba,da bite dawiya jiyana wî..

Mirov gelekin,ji hemü renga.piştî hindek axivtina bizimanê inglîzî û turkî û rusî.

Çi tê negehiştin,wan jî wekî wan kesên rex û rwîn xwe kirin.ew qayşa bikursîka wan ve bizikê xwe ve girêdan, û çavên xwe neqandin,heta firuke jîaxê bilind buy.

hevalê wî şêrkuy hind pwîte bivan tiştan nekir,wî diviya her tiştekan rû bidit bibînit û gut:

-eve me turk û stenbul jî lidûf xwe hêlan û hîviya uxera bêt,ka dê çewa bit??

Libilindahiya ewra,erd wek zevyeka candî diyar dikir.

ew xaniyên liser erdî dibun kulkên mirîşka.

ew mirovên hind bishem û hêz,dibune mêrî û kêzik..!

hinde cara hemü tişt berze dibun,dinav ewrên sipîda û dhatin veşartin!!

-eve husa,van firuka şerê me dikirin?em da çewa bibirinuyê şerê vê sîmerxê kin?

hizareha mirov hatin kuştin û sedan gund hatinsutin.

livê bilindahiya tirsinuk!Çi jikesê ne dihat!çi şer naête kirin,mirov ne şêr şerê asmana bikit...!

ev hizire belav bun diserê simku da Demê firuke hejiyay û lerzî,bîra şureşê hat bîra wî,demê firuke liasmana disutin,di bu keyf û tlîfî....

Lê new ne şureşe ,eve demekê dirêje ne tirsiyaye!Ji wê hejandina firukê tirsiya,her wekû dîsan liberahiya şerî û dinav tankekê da û dujmin çend gaveka jê dūr.

``hemü amade bin!Amade buna pîla êkê!Dujmnî dest bihêrişê kirîe! em pêngava wan ya êkê ne!Bidawî hat!``

Wê carê hind dît û piştî çavên xwe vekirîn,tijî ser leşê wî xîze,û hevalên wî kes diyar nîne!!

Vê carê çavên xwe vekirin,dûkeçên gelek ciwan yên lihindav serê wî û xzmeta mêvanên firukê dikin.tinë gut:

-eve çend jjiyana me binexuşi burî?şureş ü derbederî, ewên şureş pêçênebit.divêt leşkeriya dujminê xwe biket,ewên jivan herduwa bêbar,mêvanê girtîxanê,

Yan gurstanê ye!

Dipencera birex xweve,berê xwe dida erdî,hemü tişt jibîr dikirin û tirsawî zêde dibu.

- eve em çend dibê mejîne !?em livî asinî siwar dibin! başe heker tiştêk lê hat?!Bîra mela mihê dihat bîrawî, dema digut:

-ewê bêjît mirov dişên biçine ser banê heyvî! ew gawre! Kes neşêt bihustekê pêtxwe jierdî bilind biket...

Lêvên wî tijî kenî dibun,

- ewê eve durist kirî,ew dizanît ka dê çewa gehînte binecihê...!

hevalê wî destê xwe limilî da û gut:

- tu dizanî,çend kes jixelkê welatê me divê firukê da ne??

Simku wesa bawer dikir,ku ew kesên wî dîtîn bitinê ne, lê her şêrkuy bersiv da û gut:

-em pitir jisîh kesa nin,jibilî ewên lirexê dî yê firukê!

eve bu cihê gumanê,simku gelek cara liser milê xwe zifirî û lidûf sêra çavên hevalê xwe linav firukê çavên xwe gêran!!

Jitirsa ku kes gumanê jê nebet,bilez zifirî ser rûniştina xwe ya berê û gut:

- tu dizanî em dê tuşî girftariyeka mezin bin likuntirula ukiraiyna?

Şêrkuy berî wî ev hizire kirbu û gut:

-her kes û bextê xwe.lê xwe nede digel rêza wan.

em dê çine rêzeka kesê wek me lê nebit,yan jî zû xwe bigehîne kuntirofî.heker em derbaz bun êdî me nazifirînin.

Dîsan simku û hizira da ber êk û diguvenda wan da berze bû.gelek cara dihate girtin û zifirandin,gelek cara bisanahî derbaz dibû,car jî digut:

- xuzî eve hemü biba xewin û nihu birayê min wek her roj pênek lidegehê jora me daba û gutiba:

- hilun direnge,ma hün jixewê têr nabin?

ewê birex hevalê wîve,xelkê hindêye,ewî dergehê hizirên wî qutan,û hate dîwana wan:

-hün xelkê kîrê ne?

- Kurdistanî.

- haa.Kurdistan.

**Şêrkuy têra wî inglîzî dizanî,ew mane pêkve.**

**simku zifirî pencera xwe,carjî çavên xwe wek diza dinav firukê da digêran,her bihustekê çend çirkeyeka bu bihusta dî.heta ew firuke dû sê cara pîvay.taîbet wan xizmetkarên gelek ciwan û her çendekê dihatine hindav serê wî û biçav ü devên bişkurî xizmet dikirin.**

**Piştî demekê kurt,xwarneka gelek xuş û bitam înan. digel kêk ü çaw qehwe,yan her tiştê dil bixwazit,ü hindî bixwazit**

**Rojên birsê dişeru şureşê da,lireva milîwnî,hem hatin bîra wî,gelek şeva jibirisa xew direvî,gelek şeva jîtirsa birs direvî,gelek cara hem dibun heval û giyan direvî!!**

**Ser lê wermî bû,hizirên dirinde,rêyên asê,dil reqiya polîsa,hemü bibun hevalê mejiyê wan.**

**Didemê simku dinav gêleşuka hizira da rapêcay bu, dengê bilind buyê bisê zimana gut:**

**- nîv demejmêr yê may em dê gehine firukxana,kêyv.**

**Gelek tiştên dî jî gutin,lê hind tê gehştin.**

**her diwê çirkê da,xwe amade kirin.**

**Lêdana dilê wan zêde bu.rengê wan hate guhorîn.tirs û keyv têkel bun,hîvî û bê bawerî têkel bun.**

**bîstê wan zer kirin!**

**Carekadî qaiyş girêdan û xwe asê kirin bikursîkave.heta firuka wan bidestqutan ü bişkurîne ketiye ser erdî.**

**Xelik jê hat der,wan jî da bidüv wî xelkîve,wek rêzka mêriya,heta nik wê pasa amade kirî bu wan.**

**Liber dergheê firukê,dû heta çîwar polîsa dirawstiyay bun,tinê silav werdgirtin .**

**hindek lirex ü rwyên pasê jî hebun,kesê ageh jê nebu,ji bilî wan .**

**Liholeka berfireh,gelek mirov ü dergheh,wek ewên berî wan,ka xelik çi diket,wan jî we dikirin,heta gehiştîne ber pencereka biçûk.polîsek liber rûniştî bu,pirsiyar dikir ka çend pare hene?Ka dê çend roja likyêf mînin?Û hindek pirsiyarên bisanahî û bê mane.**

**Wan jî xwe bu wan pirsiyara amade kirbun.bisanahî jê rizgar bun .lê ya bisehim ûTirs û asê kuntirule!**

**Jiyana wan hemü tirse,liroja jidayik buna wî,ciwar firuka lihindav serê wî şer dikirin.jibilî tup û muşekan,wek vîstevala keyvê bû.keyva jidayik buna wî..**

**lê licihê şerbet ü kêkê...xün ü guştê mirova dibarîn... hihu her ew tirs ya digel may,ya buye hevalê jiyana simkuy.....**



her kesê çuye ber kuntirulî bisanahî derbaz bu,ewên pasputên îraqî heyn,hêşta kesê pê licegera xwe ne danaye,lê husa nabit,divêt her sîngê xwe bidene vî çeperî jî.

Pist pist zêde bu,berî hol valabit hindeka xwe kirine vîdakar û ketin beramberî kuntirulî,piştî bicavên zil û tirsîyay dîtîn gelek bisanahî çuyne rexê dî.

Wek berîkanê her hindek çune rêzekê û êk bu êkî derbaz bun.jibilî ewên pasputên wan hindek têtînî liser.piştî demekî polîsekî dî kuntirul dikirin,ew jî derbaz bun.

Nihu sîngê simku yê biçeperê giranve,ger gera wiye.

bêy wî mirovê liber pencerê Bibînit,paspurta xwe kire didestî da û xwe biçantê xweve mijûl kir.

hindek cara wek mirovekî şerim kirî,bidizîve berê xwe dida wî polîsî,ka çi dikit?

Lê zû dizîfirî çantê xwe

Dema jiçantey têt buy,çi nema yariya pêbiket,ma rûbirüyê wî kurtulazê dipencerê da.

Wî jî baş sehkiye bejna simku,careka dî paspurta wî têtveda ü dana ser runahiyeka bihêz .

piştî gelek may ü digel hevalê xwe axivtî.diwan çirkeyada deh cara simku Girt û berda.deh şeva ma digirtîxana turka da .deh sal jîjiyê wî sutin.paşî gut:

- paspura te sexteye!

Didilê xwe da gut,, raste sexteye,diniya hemü dizanit sexteye,,

lê xwe asê kir ü bihindek axivtinên iniglîzî berevaniya xwe kir,wî polîsî çi iniglîzî ne dizanî.

Piştî gelek may lichê xwe,wek çavzilkanê digel kirî, polîsî zanî vî çi rê nînin.

Careka dî paspurta wî jê wergirt ü dgel hevalê xwe baştir lê geriyan û piştî hol vala buy,bidevekê girinjînve, gut:

- keremke...

Destê xwe bu nav hevalên wî dirêj kir.

eve vê carê jî gheşte hevala,eve jivê tirsê jî rizgar bu, eve vê carê jî jiyê wî çend rojeka dirêj bu.

heval hemü hatin berahiya wî,her wekü jigirtîxaneka kirêt derketî .bêhna wan dîsan fereh bu,keniyê lêvên wan nexşandin .

Simku ü şêrku û her dû hevalên wan,ewên digel êk hatîn jistenbulê karê xwe kirin û qesta jîdervey hola firukexanê kirin.telefuna hindek hevala kirin.êk hinarte berahiya wan,lê gelek man lihîviya wî hevalî.

Tirs beşekê serekiye dijiyana wan da,ew bê tirs najîn. dîsan tirs lê bu mêvan!tirs jimafiya û diza .hindek jivan şufêra dihatin û digel daxivtin, lê jitirsa,xwe dÛr dikirin. şufêra diviyan wan bigehînin naf bajêrî.wan ne dizanî ka şufêra çi divêt.

Man diwî seruberî da heta ew heval hatî.piştî çuyne destên êk.simku ew heval diniyasî liKurdistanê gelek cara dîtê û niyasînî dgel hebu.

Wî jî biçûkên xwe,welatê xwe hêlayne û ketiye van kulana.

„ erê ew liçi digert?hatiye çi?!,,

eve pitir jidû salane jimala xwe dÛr û bê pare ketîe vî welatê birisî!

Bu wan dû turimbêl girtin û beref kiyêv ü nav bajêrê kiyêv.

\*\*\*

Kasêta mejyê simku wesa xweya dikir,,liwelatê me û lidemê şureşê, dijurên tarî û bidizîve,me jidil pertukên lînîn ü markis dixwendin!em gelek pê daxbar dibun!

Me digut,wan şiyaye welatê xwe bikene biheşt.

ci kêmasî dijiyana wan da nyîne !

Wek mînak me ew diviyan,jiyana pala,dabînkirina pêtiyvên wan,tenahî,yeksanî,mirovayetî,her çende rêberên nû hindek sisitî û bêxemî kirîne,lê her jiyana wan û sistemê wan bu me dê xewin û hîvî bin!!

Wek wê xewin û hîviya ew bu hatî ü nihu buye aşub û berze bu.

eveye bajêrê kiyêv?eveye ciwaniya kiyêv?ew navê hindê mezin,ew hêz ü desthelat?

ew zana û rewşenbîr?Çi diyar naken!Xwe ve şartîne? Yan jî wek gelek milleta büne bîrhatin?!

Çi diyar nîne jibilî warekî pêti û damay,rê û rêbarên bê seruber,mirovên reng birisî,bêna"çêrnubêlê "hêşta ya jivan dar û bera diêt,tirsa wê tijî hemü kun û qulaçane!!

\*\*\*

Pist pista hevala kasêta mejyê wî veqetand.

Şufêrê pîremêr,ew jihevala veqetandin,û rêyeka dî girt.

liwan bu tirs û guman!

-erê bu digel hevalên dî ne çu?

- tu bêjî me bidete destê mafiya

hindî pirsiyar jîêk kirin û tirsî wan zêde bu,şufêrî hest kir ku ne diaramin,piştî gelek cara ew pirsiyar jiwî jî kirîn,bidevekê kenîve,navê wan hevala îna,ewên dê Çine mala wan.pitir aram bun,bawer kirin ku dê ghene hevala .

Carekadî berê simku û hemû hizira wî ma liser wan dîmenên dipencera turimbêla wî ya Bêseruruber û gelek kevin ra diyar dikin.

Liber derê avahyekî mezin û bilind,gehiştine hevalên xwe,hemû pêkve biserketin û dinav joreka biçûkda lihevalekî bune mêvan.

ew heval digel jinka xwe û birayê xwe yê biçûk,eve dûsale ketîne vî welatî,lihîviya derbaz bunê û çuna ewrupa,lê serê rêya liwan jî berze buye jiber para.

hê,hê ...eve qurbanîyên vê rêyê çendin?!

her bihustekê,her warekî her qunaxekê,şûna wan diyare !

Jibilî wan kelexên jîsilupî heta ewrupa buyne mezar û şîrha wan ligurek ciha xûyaye!!

Piştî xwe dayne niyasîn,jiwê westiyânê û tirsê rizgar bûn.xwarneka gelek xweş Amade kiribun û digel ça vexwarneka direng,hevala pirsiyara cihekî kirin bu paşeroja mêvanên nû,hindek telefon û hindek pirsiyara, birin mala pîrejineka bêseruber,joreka Biçûk û gelek pîs û bê nivîn .

wê şevê her wekû digirtîxana "kerkukê" da,ne xew ne tenahy,tirs û westiyân biserê xwe!

Sipêdê zû rêberê wan hat,birin süka û geriyânê hindek telefon kirin bu birayên xwe da bizanin gehiştine kiyêf bisilametî.

Careka dî wan û bajêrê kiyêf dane ber êk,bu wan diyar kir ku hêştî bajêrekî xudan hêzu şiyane,û şiyaye miratê bab û kala biparêzit,liser hemû dirindatiya hêrişên naziya û desthelata rijêmên vê dawiyê û impiyazîm û sistema cîhaniya nû.

her kiyêf ya liser pên xwe,lê gelek ya wa setiyaye. westiyana wê roj bu rojê zêde dibit,pêşveçuna wê ya rawestiyay jîsalên şêsta da,jiwî demî û hêve.jiyan ya rawestiyay ü gelek cara beref paşve ya çuy.liser van hemû birînara,senterê kiyêf her dem wek vîstevala ciwanyê ye.her dem jimirova cih nîne,biyanî,seyranger, mêvan,her wekû hemû lihîviya evîndarên xwe.herçende hindek dîmenên tal diyar dibin,dema pîrejinek çend demjimêra dirawestit bu firutina nanekê,yan demê jinek wan zembîlkên gilêşî dûsê cara têkvedidit û lişûşeka vala digirit bu firutinê û kirîna nanekê....

her jiroja êkê bu wan diyar bu ku jin livî welatî her tişte û ne citişte!!

Jin xudan ciwanî û ciwanîeka bê tuxîb,ü xudan mal û desthelate,jin xudan biçûke û rêbera mala xweye ü karkere ü jiyan hemû didestê wê daye.heker mêrek yan hevalek hebit.wek mêvanaye.her gava wê viya yê liderê jilayê dîve,jin bu cigarekê û şûşeka bîrê bisanaey xwe difiruşit!

Dinav vê hemüyê da berze bûn,xwe jibîrkirin,lê bu şev ü hêştî êk jisedê ne dîtî.

Bişev hevala birine xaniyekî dî,dinav maleka dî da.

joreka biçûk dinav maleka pir mirov da,pêniç heval bune êk diwê jora biçûk da.hindek hevalên dî man limala binî,ewa berî wan hindek hevalên dî jî lê hebun.

Şeve ü wek girtiya man diwê jora biçûk ü lêkday ve.

ev male,wesa diyare ya paqij û biserubere,wî hevalê ew înayne wêrê,gute wan:

- divêt hün rêzê bigirin,û taybet ev şeve,çunke vê malê mêvan yên heyn û ahenga wane.

Man dijora xweve hindek cara wek diza dicune destavê û zû dizifirîn jorve.

Jiwestiyanê û hizira rêkê û welatekî nû.her kesê hizirên wî bire binê deriyayeka kür.

hevalên wî hemü nivîstin,xew jê sil bu,dîsan simku û hizira û peşêmanyê dane berêk.

her çendekê xew xwe nêzîkî dilê wî dikit,jiber keniya bilind ü dengê lêk dana kupên şerabê,carekadî dür dikevit.

Liser hemü hejariya wan.liser hemü bêkariya wan.liser hemü kul û xemên wan !nihu dilê wan gelek xuşe . ahenga wan wesa diyare. keniya wan.stiranên wan. vexwarina wan.liser hemü tişt ra...welatê wan....ax,ax welat!!

Azadî û dîmukrasî liher welatekî birengekiye her çende lihemü welata jixwîn û xebat û xwandinê pêkdiêt!

Sipêdeyeka direng jixew rabun,dîsan heval hatin û birine geriyanê dinav pêlên bajêrê kiyêf ü cwaniya wê da!

Kes jikiyêf têr nabit,zêdebarî heker mêvanên wî dibirisî bin!

Bu xwarina nîviru hemü pêkve limala binî kum bun.

Digutine wê malê,mala kurda û hindeka jî digutê mala mêvana û car jî digutinê,,tiranzê,,Ü gelek navên dî, wek liqê êk,mala xaletê,mala hemüya,serkirdayetî, dayka bê xudana.....

Birastî hemü nav hejî wê malê bun !jineka sîhsalî,ciwan ü merd ü xudan dil...

Dayka dûkiçên biçûk û xwuşikeka gelek ciwan û sinêle.

Xanîekî xuş, sêjorên mezin ü lêkday,licihekî dilveker.

Piştî ewên jinü hatîn,rüniştin,wek xündikara liroja êkê ya xwandinê .rêberî Dane niyasîn bu xudana malê . bidevekî tijî kenî û bişkurîn hate destê hemüya .ü bizimanê kurdî gut:

- navê min,temara...

- .....

- çewanî? Başî?

-.....

- Kurdistan xuşe!

-.....

Devê hemüya ma beş!!

Piştî jîsilav kirina wan xilas buy, hindek gutinên rusî gutin, lê wan ne zanî ka cigut, û çu qesta jora xwe kir, ew hêlan hilawîstî biciwanî û xwîna şîrîna xwe ve..

Piştî demekî kêr, wan hind dît jineka kurd, bikiras û fîstanên kurdî ve hate jor.

Kesê jîwan ne niyasî, wesa hizir kirin ku jineka kurde wek ewên tijî wî bajêrî û hemü mayne birêve. Lê piştî wek,, kilawdiya şîfer,, xwe nîşa wan day û dû sê cara lidur xwe zifirî û hatî û çoy û hindek parçên stiranên kurdî gutin.

" ez nexuşim ...neserxuşm...

welatê min baxçê gula luy looo...

zanîn ku eve hernewa birî nihu ye !

ew hevalên berê limala wê, hemü pêkve kenîn. mêvanên nû jî digel wan kenîn, êk jîwan gut:

-eve cilkên jinka min bun, me bu wê kirine diyarî, piştî gelek harîkariya me kirî.

Jiber yariya û kenyê û xwîna wê ya şîrîn, mêvanên nû nezanî ka çewa xwarina xwe xwarin.

Berî her tişteki, her kesê bête mala wê, divêt pêkekî "votkayê" biditê. heker dê jidil sil bit. her kesê vene xut, dê biserî da kit, eve jî wek wê digut, da çî Şerim û asteng ne mînte dinavbera wê û mêvanên wê da, hemü wek heval bêne hijmartin .

Roja wan digel şeva wan têkel bun. carekadî lê bu sipêde û hêştâ pitir jideh tulaza digel jineka biyanî û hemü vexwarin û sergermî û jibîrçun, wek hevala man, her wekû ew jî wek wan,, nêr,,

Şêrku ser lê şariya, bidengekî bilind gut:

-eve tu çitiştî? Te em ev hemü mirove şet kirin! Ma dê çî îniye serê me? Te çî jime divêt??

Piştî hevlekî bu ev gutine guhartîne rusî, bikenîeka bilind gut:

-ez tiranzêtim....kes naburt heker limin ne bite mêvan. kes naghete Mirada heker min tewav ne kit!

Gelek rengên xwarinê, gelek rengên vexwarinê.

hemü rengên dewat û xwe hilavêtinê.

her kesê jîwan ew büka xemlandî bu xwe diveşart .

ew jî her dem ya amade bu ,bu hemüyan,hemü wek êk didîtin,her kesê liber sîngê wî dileyzî,ew hemü heval û dustê wê bu.....

evê jinê hemü ser xweş kirin,jibîr û hizira dîr kirin. hindek liber sîngê wê nivîstin,wek biçûkên sava birine ser cihên wan...hindek wek peykera lichên xwe dixew cun limala wê.hindek berê sipêdê çune mala serî .

Madê çewa jievro ü pêve bêhna wan limalên wan êt? her piştî demekê kurt,hemü pêkve carekadî limala binî kum bun.

- divêt em gelek xwe jibîr ne kin û pirsiyara xwe û çuna xwe biken.eve ne qunaxa meya Dawyê ye.divêt em biçûkên xwe,mala xwe jibîr ne kin.

- gelek rê hene!

-her rêyekê hindek asteng hene !

Wê êvarê xwe gehandine rêberê rêya firukê.lê gelek pare ü kê m aramî ü tirs û bê bawerî jî biserê xwe.

Wek mîra,liser kursîka xwe yê rûniştiye,û lirex û rwyên wî wek serleşkerekî,tijî mirovin:

- rêya me gelek xuşe,me firukxane ü kuntirul kirîne. hemü polîs hevalên me ne!!

-erê,êkser bu elmaniya? Yan gihurîn û qunax hene?

- êkser bu firankfurt! Bêy kes digel hewe biaxivit!

- biçend para? Û dê çewa din?

- çar hizar dulara!nihu divêt hün bidin.

- bawerî dê çewa hebit?heker em hatin girtin û zifirandin?

- ne.hün naên girtin...û heker hün firîn,em û hün jiêk xilas!!

Bi difin bilindî,rabu ser xwe û der ket.

Bişev lêk kum bun û liser vî babetî gelek axiftin,simku û hevalên xwe biriyar dan lezê neken lê lêgeryan û pirsiyarê,berdewam bikin.

Sê hevalên wan biriyara xwe dan birêya firikê biçin,û karê xwe bidirustî bu vê çendê kirin.pare ü paspurt ü piştî çend rojeka dane rê.heta lifirukê siwar bün digel bun,lê piştî firuke bilind buy jê bê xeber bun...

Bidilek xemgîn,şêrkuy gut:

-eve ew çun...lê çun ne bese,ya giring gehştine! Gehştineka bisilametî.

Serê simku dinav destên wî da bu û gut:

-erê silametî biniyatê hemü serketina ye!!

hatin ser kul ü xemên xwe .guhên wan man,ka dê gehne çi qunax?Da ew jî rêya xwe bizanin!

-heker bisilametî gehştin!em jî dê dine bidüf ra!!

-heker ne gehştin?!

-heker negehştin!eve em man lihîviya firyê gay!!

Piştî çend roja zanîn,hersê hevalên wan digirtîxana kiyêv da digirtîne!

Man sê heval diwê jora biçûkda,cihê wan pitir xuş bu .

Xudana malê zanî hindek hevalên wan çun,kiriya jora wan jipêncî dulara kire çil dular,bêy ew digel biaxivin.

Man divî rengî da,her heval û birader yên kum dibin,û her mêvanên wan yên zêde dibin .

ew jora liser wan da bu seyde ehmed û jinka wî girtin,ew jî înan nik xwe

Joreka kême pare û tena û nêzîkî wan.lê beramber xizmeteka gelek bisanahî !!

-ez mirovekî nivêjkerim!Dê çewa karekî husa kim? Were vê dawya jiyê xwe seyekî Xudan bikel!û bibe destavê û yariya! Vêca heker se jî ba bila,nê ne seye! Dêhle seye !

evejî bu êxbala mine!

- xudana malê çi pare nevên!Tinê divêt tu vê dêhle sey xudan bikî,rojê sê cara bibye derê.

her roj sipêdê zû,seyde ehmed,nivêja sipêdê digel dû sineta dîkî û hefsarê dêhle sey digirt berev baxcên dinava wan ciya xanêna da diçit .birêve dibu pist pista wî Û bu xwe duwa û laveyî dikirin!

"hê hê, eve ezim buyme şivanê dêhle sey?ezim husa bê xudan û bê biha buym?

ez bum xelkê gundî,xizmeta min dikirin.her pêniç demên nivêja lipişt min rêz dibun!

her tiştê min gutba,hemüya bawer dîkir,her tiştê min viyaba hemü diamade bun biken,geleka Jî bawer nedikirin ku ez dicivata wan da dirünim!hê hê, û nihu ü nihu ez"

Dengê dêhle sey hizrên wî belave kirin û rewî.

seyde ehmed baş fêrî zimanê wê buye.

Nihu wê divêt biçite mal û demê xwarina wê ye!

Seyde ehmed çavên xwe lidurxwe digêran,ka kes wî na bînit?Ka kesê ageh jiwî nîne?Kes pê nakenit?

Lê wî ne dizanî ku seruberê hevalên wî gelek jiyê wî baştir nîne!!

Wî nedzanî her dû Mamustayên berî çend rojeka hatîn vî welatî, bihayê mana wan, bihayê jora ew têda, tinê nivîna wê pîrejina xudana malê ye.....

Wî ne dizanî gelek hevalên wî, eve çend salin livî welatî, nanê "nêrîniya" xwe dixun....!

Wî gelek tişt ne dizanîn, lewra her serê xwe dihejand û digut:

- heker jiber wê nesaxiya ez jibu hatîm, nebalez da zifirim. eve ne cihê mine, eve ne Şula mine!

Simku û hevalên xwe her man lihîviya rêberê wan axivtin di gel day û wî jî peyman day bierzani wan derbaz bikit .

Lê kîro bu, çend carekê telefuna wî dikin, yan telefuna cêgirê wî dikan dibêjit:

- van roja dê êt, dê hewe hemüya pêkve derbaz kit, rêya me gelek ya êmne û bisanahye!

Pişt rast dibun, bêhna wan fireh dibu, digêleşuka jiyane da carekadî berze dibun .....

\*\*\*

Karê xwe kirin û cun seredana wan hevala bidin, ewên hêştta digirtîxana kiyêv da.

Simku û çend hevaley çun, gelek xwarin û tişt bu amade kirin, gelek xwe wastandin, Lê ne hêlan wan bibînin.

Polîsekê gelek dijwar û bê dil, digutin:

- ev mirove livêrê nînin, heker hûn ne çin, dê hewe girin!

Seruberê girtîxanê, wek girtîxanên welatê wan bun, û hêştta diwartir, pîsatî, û bîrs, û tîrs, nexoşî. dirindatiya polîsa. reng û bêhna girtîxana "basitîl" û "ebuxirêb" jê dihat....

Bêhna simku teng bu, gelek bîrhatin dihatin bîra wî. diviya bizütirîn dem jivî cihî dîr kevit!!

Şeq şeqa seqata, dengê dijwarê polîsa, nalên û qêryên girtîya, duwa û hîvyên heval û dayk û baban, pîsatî, rengê pîrsî, tîrs, jor û qulaçên tarî. simku hêr kir, bire nav destên mirov xora .nav destên dujminên mirovayetyê da.

"destên wî asê digirêday bun..çavên wî bipatekê reş di şidandî bun..pên wî diqeydeka giranda bun..leşê wî reş û şîn bu..xûn jibirîna diza..serê wî giran û wermî bu..

çi didan didevîda nemabun..çi nînuke ne bun xwe pê bixurînit.....!"

hevala milê wî girt û jiwê xewnê hişyar kir, liber dergehê serekî yê girtîxanê, zanî ew zifiruka ew têda ne ma. ew rojên ne xuş neman .nihu jiyaneke diye nihu mirove. nihu azade !!

Bi wan serudilave zifirîn. piştî gelek cara hewil dayn û gelek cara çuyn, lê her Axivtina wan êk bu û ne hêlan hevalên xwe bibînin.

\*\*\*



"Binavê yezdanê mezin.

Birayê gelek xuştivî û hêja simkuyê berêz.

hîvîdarim gelek hewil bidey harîkariya me bikey,û me jivê duzexê rizgar bikî.

Çinku me gelek bawerî bite heye,dê her tiştê te pêçêbit bikî,dê bu me kî,lewra em hîvîdarin tu gelek xwe biwastîni û para bidî heta me rizgar bikî .

Seruberê me gelek ne xuşe.ev millete gelek jiwan milleta dijwar tirin,ewên welatê me dagîr kirin.

nihu em dinav mafiya û diza û tiryakçiya danin.

Lidawî hîviye mala me bizanin ka em likîvene ....

Birayên te1....2....3....

Girtîxana kiyêf"

Vê namê ku liser kaxeza tewaletê nivêsi bu,dilê simkuy sut,gelek bu wan giriya.ne nivîst .xemên wî zêde bun. ma hilawîstî,çi jê ne dihat .lê nabit husa van hevala bisanahî jidest bidin!!

Carekadî gelek xwe wastandin.gelek mirova jî harîkariya wan kirin,lê ne şiyar hevalên xwe bibînin,û çi tiştê bu wan biken .

bu kul û ma didilê wan da !!

\*\*\*

Roj yên diburin û hêştê rojane,sipêdê diçine bazar û geriyane û bişev limala binî,mala temarayê kum dibin û xwe jibîr diken.rojane hindê kesên dî jiKurdistanê dihatin û liwan dibun mêvan.dîsan şevên xweji byrkinê bu wan jî amade dikirin .

Digel wan hevalên vê carê,stiran bêjekî temburvan hebu,wî şiya wê şevê hemüya rakete ser piya,û car jî ser desta.serxuşi û xwe jibîrkin heta berê sipêdê.

dengê tembura wî guha disimt..bejna wê kiça lidestê min dila disimt..ewê birex minve,wekû derwêşa yê serê xwe dihejînit û çi jê naêt !!

ewên berî me tewav kirîne vê beytê , yên yariya digel pelatînkê dîkin!!

Temara bikiras û vîstanên kurdîve,ya dila aş dîkit.. xilweya diket..perdaxa dadigirit..sersipî û bira zava ye !!

ewên evro hatîn,sund xwarin ne çine wê uxera jibu hatîn wil vêre akincî bin!!

Nexuştirîn çirke ewe,dema fişekên şerkerî nemînin!!

Vexwarina wan nema.hevalên wan wastiyar .roja wan serê xwe hilda .dergehê wan hate qutan !!

-hilun karê xwe biken da bidene rê.

Digel sipêdeyeka direng, karwanekê dî rêya xwe dîtin çun.

Simku ü şêrku man, digel dû hevala limala binî .

her rêberê wan yê wan gîru diket, û her yê bixwe ve girê didit, ew jî man lihîviya wî jiber erzanî ü niyasîniya wî.

\*\*\*

" Limin bibure, limin bibure yara min, ew gustîrika te bu min kirîe diyarî liroja xwastina te, min êxist, limin bibure , ev welatê ez ketîmê, welatê jinaye, jin hemü tişte û ne çi tişte !!

Limin bibure, dest û darê vî welatî em yên jigelek bîr ü baweriya şüştîn!

hê hê ..eve welatê lînîn û markis bu ..eve welatê çîna pirulîtariya bu..çilê hat?!

Dê kîve çit?! Jin bu şüşeka bîrê xwe difiruşt û mêr bu cigarekê....!

Mêvana min ya vê carê, jiciwaniya wê ez têr nabim, wê jî jidil ez yê bu xwe girtîm, û ya liwê bawerê, ez dê mînime

livî welatî, û dê bu wê bim mal û mêr !!

ew nizanit, ez kewekê kwîvî me û bu kesê na qebim. heker lateka çiyayê welatê min nebit!

\*\*\*

hêdî hêdî xwe dinav vî milletî diqutan, heval bu xwe digirtin, têkeliya wan dikirin, pitir bêhna wan fireh dibu. ezmanê wan bisanahiye, wek jiyana wan, têkelya wan digel biyaniya ya bisanahiye, jin pitir ya kwhiye jimêra. hevalîniya wan gelek ya bikeyfe . digel hevalê xwe gelek bibawerî ne, çi fêl û find linik nîne, hevalîniyeka jidil dikin.

ewa hinde sala liser jiyana wan xwandîn, dipertuk ü guvaran da, êk jisedê livî welatî ne dîtin!!

her êk jiwana hevalek bu xwe girt û demê xwe digel diburand. lê jiber dirêjiya demî û têhna wan ya guhnêlî, gelek jiwana dûsê heval digirtin, û gelek cara linêçîrên asê digeriyan. da wê hişkatiya jiyana salên gencatiya xwe nû bikin ü carekadî jinü ü birastî Bijîn.....

Ciwaniya jinê .. sanahî ü erzaniya jiyana..hevalîniya kiça. hemü xaf kirin, rê liwan berze kirin, gelek jiwana ne diviyan vî welatî bihêlin . gelek bun xudan mal û biçûk, gelek bun êxsîrên kiçeka ciwan!!

ew salên wan burandîn liwelatê xwe , hevalîni û dîtina kiça, wek bêulyekê bu !

**Liwan hîvî bu,destê kiçekê bigirin.yan kiçekê biramusn!!**

**Jin,kiç,wek kelheka asê û pîroz bun.kesê ne dişiya nêzîk bibit.ew dizî û veşartin yên hindeka dikirin,dibune jehir, gelek cara kuştin û xwîndarî dijwar dikirin.**

**Gelek dibune qurbanî jivane kê,ramusanekê,xilweyekê. gelek cara ew hevrikî dijwar dibu,gund û aqar dihatin sutin.çitam nedima diwê ramusanê,wî jivanî !!**

**Livî welatî,ne hevrikiya êlî ye,ne Dijwariya ulî ye,ne cawaziya çîneyetî ye.biheşta çil hurî ye ...**

**yên buyne kewgîrên şareza,lizuzana,li warê kewa.ew birsa wan.ew têhna wan .ew hişkatiya jiyana wan.nihu yê livan zuzana pezê xwe diçerînin .**

**Limala binî,mala temarayê,yê rûniştiye,xemên wî ser yê lê wermandî,ew votika şivêdî vexwarî hêşta ya liser hizrên wî zale.car jidurhêlê xwe dūr dikevit,car jî har dibit ,jikevlujankê xwe derdikevit û nêratiya wî dijwar dibit.divêt biher rengêkî hebit,dinav nivîna jinekê binivit. yan heker dê dîn ü har bit,serê xwe lidîwara dit.**

**her wekû ne ew bu heta berê sipêdê nivîna wî ya gerim bu.**

**-hewar,min jin divêt,jin, jin...**

**Temara,ya dikuşa hevalê xwe eyad da,eve şevêk û rojek biser wan da burîn,hêşta wek bük û zava jêk têr ne buyne .**

**Dengê wê yê niv nivîsitî,bêhna votikayê jê difirî,gut:**

**- te jin divêt?!**

**Pêtivî ne bu berê xwe bidetê ka kî bu,simku zanî dengê temarayê ye .didlê xwe da gut"dibit dilê wî bimin sutbit, û nihu çend çirkeyeka bête dikuşa min jî da"**

**êkser gut:**

**-erê min jin divêt,bila ya pîr bit,bila ya kirêt bit,bila hizar êş lê bin!**

**Temarayê bidilek sax û jidil pêveyê ve gut:**

**-eve jina hevalê te ya amadeye dijora heve !eve pitir**

**jisalekê ye mêrê wê çuye ewrupa û ya hêlaye livêrê û hêşta wê zelum ne dîtiye linav nivîna xwe!Bu tu naçî wê jî razî key û bela xwe jime jî ve key?!**

**hemû man guhşur û hêbetî .bê dengiyê jor tijî kir.**

**hêşta cihê hizira diserê eyad da ma bu .zanî kêr gehişte ser hestî.**

**temara jikuşa xwe havête der û lê xurî :**

**- baş bizane,jinkên me ne êvelîne wek te !**

**eve ne karê wane .heker hizar sala bê mêr bimînin!**

**Temarayê dengê xwe jiyê wî bilind tir lê kir:**

**-ez êvelî me yan hün? eve çend salin ez ya bê mêrim, min çi heval nînin .her tiştê ez bikem,bu min diriste.lê hewe hemüya jinên xwe,biçûkên xwe,mala xwe hêlayne û hatîne bidûf "binê"xwe ketîne .ez êvelî me yan hün?**

**hün hemü êvelîne ,hün hemü bêwijdan û bê namusin. ez bitinê ya liser heqiyê!!**

**Kenî tijî jor bu,lê gelek nema .cihê keniyê bu enyên girê û hizirên kür.**

**Gelek diwan hizirên kür da,ne melevan bun,hizira ciwaniya jina xwe dikirin .**

**"erê eve pitir jisalekêye min hêlay bitinê û bê mêr?**

**erê bu em şevêkê bê jin na hewin? Û gelek şeva dûsê jina dicerbînin,erê,erê erê????**  
"

**Şêrku serê xwe dihejand û dibişkurî .diserî da kasêta suvî emer û xecê kar dikir, demê sipêdê zü babê wî digutê:**

**-here ser kaniya gundî bu min mesînî tijî av bike,bu nivêja sipêdê.**

**Wî jî mesîn dida ber sîngê xwe yê biçûk û qesta kaniya gundî dikir,her car didît,Xeca mistu xilweyî û pistpista wê ye digel sufî emer û dicun nav kavlên kanyê .**

**Piştî wê kenî xilweyê,xecê qesta gundî dikir û bêy nivêja xwe bikir .suvî emer wê sermayê û berê sipêdê serê xwe dikaniya gundî da dişûşit û jinü nivêja xwe dikir.**

**Çend cara digute babê xwe :**

**- bu sufî emer her roj sipêdê zü serê xwe dişut ?**

**Babê wî digut:**

**- kurê min,suvî emer mirovekî gelek xudan îmane, ü xudê niyase ....**

**Lê piştî xeca mistu ketiye nav nivîna û xudê cutek kura dayê .**

**Wî ne dît suvî emer sipêda zü serê xwe dişut!!**

**ev pirsiyare ma diserî da .bu çî nihu sufî emer serê xwe na şut??!!**

**ev pirsiyare dubare dibu,taybet dema jinkên gundî di kenîn û digutin:**

**- piştî duwazde sala,jinü cutek kura îna ??**

**- xudê dizanit ka jikîve hatîne??**

**- dayê,mistu her roj lidixitura bu.dibit dermanek lê hatbit !!**

**Lê demê nivêja eyşa bidawî dihat û hemü gundî lidur sufî emer kum dibun,wî digut:**

- çi tişt bêy xudê nabin.rehma wî gelege.hewe dît biçavê xwe,çend dixitur û çend hekîmên vî welatî mistu ne hêlan û çi çare bu xwe ne dîtin!Lê rehma xudê biçend duwa û laveya,cutekî kura xudê dayê ...

xudê bu hizar salî bikit .....

hemûya pêkive serê xwe dihejandin û bilêvên qeşavî ve, dibu pist pista wan .

- aamînn...

\*\*\*

Piştî çend rojeka biriyara xwe dan.rêberê xwe bigihurin, piştî zanîn hindek kes dirêya wî da hatîn girtin û rêya wî ya bê bawere.

Lê bu cara dawyê çune nik rêberê xwe.ku hatibu mala hindek hevalên wan,ewjî karwanên wê rê ne,lê jiber nexuşa jiyane,her êk jiwan hevaley bu xwe girtye û dinav pirça wê da xem û xerîbiya xwe dikujit.

Gelek jiwan hevala xudan şiyar bun,liwelatê wan,diviya ba sê car rojeka mirovî xwe wastandba heta şiyaba dîwana wan bibînt!!

Qelemê wan gelek girê ve dikirin.axivtina wan gelek gewrî têr dikirin.keniya wan gelek êş dikuştin!

Nihu yên buyne êxsîrên pirçeka zer û dû çavên şîn!!

Dîwana wan tinê,mê diçinê.qelemê wan tinê liser sîngê kiça dinivîst.axivtin yên,Jibîr kirîne,keniya wan bêhna votkayê jê difirt.nevên kes liwan bibite mêvan. mêvanên wan ditaybetin.

ew hevrikiya dişureş û berpîrsaryê da,nema.

nihu hevrikîeka dî ye.hevrikiya ciwantirîn heval. xuştirîn votka.çerandina gelek kuza.jibilî hindê çi jikesê naêt.....

hemü yên mayne lihîviya nêçîreka nû!!

Rêberî hemü hizir birîn û gut:

- gelî bira,heker hewe rêya baş û êmin divêt?Bawer biken ez dê piştî çend rojên dî Bu hewe misuger kim.

lê divêt bêhna hewe ya fireh bit...

Wek "maraduna" pirça wî ya reş û çavên nêçyrvana,her wekû serukê mafiya.lê bidil û zimanekî şareza hemü razî kirin.

Şêrkwî neşiya xwe û gut:

-erê Mamusta,tu wek rêberê serekî,û me jiroja êkê û heta nihu xwe daye digel te,û eve pitir jisê heyve,em ketîn van kulana.wek em dizanîn rê ne maye !

**Te çi hîvî û umêd hene? Û heker hebin,heta çi rade silametî heye??!!**

**- ya êkê,ez jidil daxwaza lêburînê dikem,ku hûn gîru bun...ya duwê min gelek tişt kirîne û dê kem,jibu misuger kirina rê..bawer biken her wekû hûn liwelatê xwe,wesa bisanahî hûn dê derbaz bin û min liber pitir harîkariya hewe bikim.**

**-heker wek welatê me bit,eve xwelî bime wer bu,û em ne çun!!**

**Bikenî û suhbetê roja wan bu şev .**

**Lê dilê wan razî nebu,û her lirêyn nû geriyan.**

**eyad û hevalê xwe,piştî pitir jidûsala livî welatî .**

**xwe bu rêberyê amade kirin:**

**-em dê bine rêber û xelkî derbaz kin!**

**Bu cara êkê peywendî digel rêberê serekî kirin.pştî çend roja gelek kes birêya wan derbaz bun.peywendiya wan digel rêberê serekî mukim bu.**

**Simku û şêriku jî gelek harî wan kirin,û heval birêya wan hinartin !**

**Dinav xwe da kirine rêber,piştî ku jibê parey mabun birêve!**

**evro jî deh kes bisanahî derbaz bun.berdewam hevala kum dikin,û her çend rojeka karwanekî derbaz dikin.**

**Simku û şêrku jî biriyara xwe dan,digel rêberê nû derbaz bin.piştî biçavên xwe dîtîn ,ptir jised kesa diçend rojekada derbaz kirîn.**

**Bu cara dawyê hewil dan wan hevalên digirtîxana kiyêf da bibînin,neşyan û rê nedanê!!**

**\*\*\***

**Sipêdeyeka zû jixew rabun,piştî wê şevê biriyara dirustî dayn û hemû hevalên xwe pê agadar kirîn.subehî dê digel rêberê nû dene rê....**

**Limala temarayê hemû kum bun,gelek heval û birader û kesên dî jî hatin.**

**Ya jihemüyê nexuştir,neşyan xatira xwe jitemarayê, xudana mala binî bixwazin .**

**Wek daykeka dil sutî,wê şevê heta sipêdê ew ya giriyay. eve karê wêye,çend mêvanên wê mala wê dihêlin... taybet van mêvana ku hindex jiwan pitir jidû sala limala wê bun,wek malekê lê hatbun !**

**Simku kete beramberî wê jinê,bîra dayka wî hate bîrê, ka çewa girt û ber ne da lidemê xatira...**

**Simku da bersîngê xwe û şidand,heta hevala bixurtî jinav destên wê înaye der.her wesa hevalên dî jî girtin û bizurî berdand .**

Dîsan xatir xwastin û dîsan qunaxekadî.piştî ev ware baş çerandîn,kesê ne diviya bihêlit.

Rêberî û hevalên xwe,bu wan turimbêl amade kirin heta westgehê tirênê.

Rêberê wan yê vê carê,hevalê wane.eyad û dû heval bune êk û xwe bu vê çendê jidil amade kirin.

Berî bigehin wan turimbêla,turimbêleka polîsa liber rawestiya ü daxwaza nasnama jê kirin.

Piştî gutîn,em kurdin û me çî nasname nînin.

bibişkurîn û silava dawa lê burînê kirin û hêlan û cun!

Dilê wan bikurdîniya wan geş kirin.hêşta rû û qîmet yê may?!

Yan jî jihejarî û karesatên waye?dilê wan pê di sujit? lewra berdan?

Liwan tirumbêla siwar bun heta westgeha tirênê .

Westgeh jimirova cih nîne her wekû xelkê vî bajêrî hemü dê hêlin û bidûf wan Kevin.tijî hemü cih mirovin. tirên tijî mirov bun.hind siwar dibin,hind diêne xwar. jiyân dikupika livînê daye!

Wan kiçên ciwan,xwe pêşçav diken ü limêvana digerin. bihêceta jorên betal bu mêvana.

- me joreka gelek paqij û ciwan ya hey !

- jora te biçendê ye?

- bikeyfa teye!

-erê jor bitinêye,yan tu jî digelî?

-ewjî her bikeyfa teye!

Bazara wan,bîra kirîn û firutina pezî likurepana sêmêlê ya pezî diîna bîra wan.

ew kiçên hind ciwan û jêhatî,bu çend dulareka xwe difiruşin!

eve ew ü kiç jêk xilas.nihu bune êxsîr didestên hindek rêberên mafiya da!

Tirsa wan digel wê livîn û kuma mirova têkel bun!

polîs û tirsa wan jibîr kirin!

her dûsê kes bidizîve siwarî tirênê kirin û kesek jirêberê serekî da digel wan û pitir jisîh kesa ü beref tuxîbî dane rê.

Tirênêka gelek mezin û dirêj,pir mirov,her dûkes jiwân dijoreka biçûk da digel xelkê dî da bêne berze kirin.

Tirs û bê bawerî û rêya dirêj û tijî asteng û nexuşî û paşeroja berze.

eve hemû bibun heval û dil lê dagîr kirbun.her sipêdê dabune rê û şev bi serda hat û her yê amujgarî û fermana jirêberê xwe yê nû werdgin.

- gelek ne axivin...gelek hatin û cunê nekin...bila kes hewe ne niyast...bila kes nizanit hûn dê kîve çin...

Simku diviya şeva xwe kurt biket,gute şêrkuy:

-eve em yê beref qunaxeka dî diçin,heker silametî hebit!

-erê ya giring silametye!

- te çewa ev welatê me hêlay didît?ez vê pirsiyarê dikim,da şeva me pê biburt,tu dizanî em dê subehî êvarî gehin bineciha xwe??

Şêrkuy wek rojnamevanekî şareza,cihê xwe xuş kir û gut:

- bidîtina min,ew pêzanînên min liser vî welatî xwandîn, liserdemê susiyalîzmê,û ew pêşketina min hizir dikir, birastî min çî jê ne dît.jibilî hindek avahî û mîtiru û hindek cihên mêjoyê....

Simku eniya xwe perxand û pişta xwe da dîwarî û gut:

-ez dibînim,êk jisedê ewa me hizir dikir,ewa me dipertuk û guvara da liser dixwand,me ne dît,lê hindek tişt mayne û şayne xwe biparêzin,wek te gutî, cihên mêjoy o mîtiriya bin erdî û baxce û hindek tiştên kê. milletê wan,te çî têtînî liser milletî hene?

- milletekê hejar û bê bela,gelek jipolîsa ditirsin. hemûya divêt şul biken,lê ne şule û ne tenahî.

ez bawer dikim ev egere dê vî milletî tuşî hindek girftaryên mezntir kin,heker bizütirîn dem ne êne çareser kirin.ya jihemûya girinktir,tirsa wan jipaşerojê, û tirsa wan ji "çêrnublê"

Simkuy dengê xwe nizim kir û bibişkurîn ve gut:

- û jin ? Te çî têtînî liser jinê hene?

- jinê pitir jizelamî mav heye,jina ukiraiynî ya zîreke û xudan şiyane,lê ewjî ya bê desthelate ..

- bişkurîna simkuy bu kenî û gut:

- ciwaniya wê?Bê bextyê neke?!heta çî rade ya ciwane?

- birastî ciwaniya wê ya bê tuxîbe !Li ser wê ciwanyê ra ya dil sax û dil nehêle...

her duwa zanîn kenîya wan jituxîbê azadiya wan derket. pştî peyva xwe bidawî înay,devê xwe girtin û carekadî zifirîn didwî seruberî û bê dengyê.piştî demekî xwe ji bîr kirîn.



Tirêna wan her ya jirê û jidemî dibirt,bêhna wan ya teng û leşê wan yê westiyay,yê lezê dikin.

Serê simku kete ser milî ü êdî ageh jihevalê xwe nema.

"seyên har û didan tîj,yê wan kelexên mirova didne ber leqa,ewên nîv sax ü birîndar,yê liser zikî û ser teniştta xwe jikuma sa dÛr dikin û beref wê bilindahya ew liser diên,ew yê hercar destê êkî digirt û dihelkêşte birex xwe ve .

lê çend êk biser dikevit,cih teng dibit.ewê vê carê jidevê sê car sa qurtal kirî,birîna wî Ya kÛr bÛ.destmalaxwe havête birîneka wî û girêda.lê didanên wî jididanên wan sa hemÛya tîj tir lê hatin,û ketine ser riha stwyê wî û şidandin. deng jê ne hat,ew birîndarên wî jimirinê û jidevê seyên har qurtal kirîn,hemÛ bune devên beş ü didanên bixÛn ü leş lê hêran.

hindî hewil da bikite hewar,neşya.kes ditana wî ne hat. lê jidÛr û gelek jidÛr...dengê dayka wî dihat û digut:

-heware,heware,kurê min jidevê seyên har qurtal bikin heware..

Digel wan hewar û gazyên dayka wî,gelek kesên dî jî, dar û gupal hilgirtin û berev cihê wî dihatin,liwan sa dikirine hewar û dar û ber tê werdikirin.

hemÛ direvîn,tinê ewê stwyê wî didevîda razî ne dibÛ, stwyê wî berdit .heta dayka wî biwî gupalê didestîda û bihemÛ hêza xwe,serê wî sey da ber gupala,û gupalek bişaşî biserê kurê wê jî ketî û rast rabu ser pêt xwe ..."

Tirêna wan ya rawestiyay û heval yê karê xwe dikin û eve gelek cara hewil dan wî jixew hişyar kin,lê bê hiş bibu,heta şêrkuy destê xwe licihê gupalê dayka wî day

-hilu em gehştin....

\*\*\*

" eve pitir jiçar sale ez gehştîm !

Min çi kirîte ?ez lihîviya çi me?

heta kengî dê divî halî da bim?

ez lidiniyayekê,û biçûkên min lidiniyayeka dî!!

Xuşya van welata çiye?

Raste tenahye..erzaniye..xuşye..dadperwerî..mav ü jiyaneke mirovayetî..xizmeteka dirist diken...

lê ez jiber vê çendê nehatîme ,ez jiber xwe bitinê nehatîme.ez jiber biçûkên xwe hatîme.heker ez livêrê û biçûkên min liwêrê .eve ne hîviya min bu.eve heta kengî dê kêşit??

**Dawya vê xwe ragirtinê kengiye??!!**

**ev barê giran dê heta kengî liser milên min bit??**

**eve min destên xwe bilind kirin!ez hind dişêm.min hêz û şıyan neman.ez ketim bin piya .min bese jıyan .min bese jıyan.....!! "**

**\*\*\***

**Gehştin bajêrê "sivaliyava"rêberê wan êk êk,dûdû, jıtirênê dizın û liwara belav Kirin.**

**Dısan tirs û jıvan û paşeroja berze.ew mirovên liwara wek hêbetiya tê difukırın.**

**Piştı demekı neyê dirêj,kurtulazek hat û bizimanê rusı navê rêberê wan îna û gute wan:**

**- dû dû digel min werin...**

**Lê bu rev û bez,her kes xwe jıyê dı zütir bigehınte turimbêla wı ya amade.**

**hindek turimbêlên dı jı amade kir bun.ewên berê gehştın cihê turimbêla siwar kirin û beref berzebunê.**

**her ciwar kes digel turimbêleka taybet da û dirêyeka cudara birin.dısan hizira birine gelek Rêyên girtı,mafiya, diza,girtinê,polısa,gırubunê....**

**Bıra mêrkuj ü polısên welatê wan dihate bıra wan.**

**Dema bısev xelik dibirin û berze dikirin û bisanahı gunhebar dikirin.**

**Piştı demekı kurt,gehandine avahyekı biseruber û lêkday ü maleka dirust û bê kêması,tinê mirov yên jê derketın.**

**Dıyar bu,eve bajêrkê "uşgirade"liser tuxıbê siluvak,tena rüniştin,xwe veşelandin,eve çend roj bun gelek diwestiyay û bêhıvı bun.**

**hindek hevalên wan gelek gıru bun,vê çendê jı care kadı ne rihet kirin,lê piştı demekı dirêj,kum kume hatin û hemü careka dı liwı avahı kum bun.**

**Jin û bıçük birine rexeke dı,bıst û êk kes man diwı avahı yê dû jorıve,û ew jı bune dû cün,wek hemü jıyana wan..**

**Neh kes ewên xelkê duhok û dewrubera,man divê jora vı rexı ve.ewên xelkê hewlêr û Silêmanı û derubera çune dijora rexê dı ve.ew jı bune dû cün!!**

**Geleka wesa hizir dikir ku cudabun tişteki rewaye !**

**Lê licihê wan ü likawdanên ew têda?**

**Cudabuna wan birengêkê utomatıki rüda.**

**her çend kesek hevalên êkin,ü jıdurhêlekı hatıne,dıbit eve demekı dirêje pêkvene ?**

**Lê dema cudabun dibit aydulojî...dibit kerb ûkîn...dibit berjewendî...dibit peyrew...**

**Liwî demî,neman û qirbuna gela dibit xelat...!**

**Taybet heker cudabun dinavbera milletekî dabit,ku bihemû renga serusîmayê milletek êk girtî heye..êk xak ü êk welat ü êk ziman ü êk paşeroj .**

**Roj bu rojê tîka cudabunê ya firhe dibit!!**

**Roj bu rojê goşt yê jihestî vedibit!!**

**Roj bu rojê berjewendiya taybet ya biser dikevit!!!!**

**Xwarna wan,axivtina wan,hemû dicudabun.hindek cara hatin ü cun dinavbera wanda hebu,lê her dicuda bun.**

**\*\*\***

**Cudabun...**

**Cudabuna hizrubîra...!Cudabuna bejewendiya...! Cudabuna armanca...!**

**ev hemû rengên cudabunê direwane.0**

**erê,bu dê cudabun hebit,heker armanc ü berjewendî êk bin??**

**erê diwê gavê da ew cudabun dê dixizmeta kê da bit??**

**em her dû kes dicudane .hizra me,rabîn ü rûniştina me, gelek cara dibin êk,lê her em carekadî cuda dibin.**

**Kempa me ya dinîveka bajêrî da,em pitir jidehe kesa dijoreka bê seruberda.**

**heker eve kempeka dewletî bit ya husa,pa me çewa libajêrê ser tuxîbî ü rêya qaçax,Pêkve burand??!!**

**em pitir jibîst kesa bun dixanîekî dû jorîve,di seruberekî gelek bitirs ü nexuş da.**

**eve wesa diyare ku millet hemû dibaşin...!**

**tinê desthelatdar nexuşiya peyda dikin,da her bimînin!!!**

**\*\*\***

her êk jîwan berî yê dî,bu xwe cihekî xuştir bigirt,û karê nivistinê bikit.

Wesitiyan û tirs ü birsa çend roja jibîr bikit.

Piştî birs û wesitiyana wan verevî û binece bun.

jora wan,wek hola Kungirê partiyeka ne rêkxisitî û sava lê hat.

her êk û hizrubîrên xwe û lidûf zanîna xwe,dîtin û buçunên xwe bu wan diyar dikirin.

eve karê vî milletiye,piştî hevalê xwe diniyasin,êkser babetên ramiyarî digel ve dikin û dibite şere deva hizrubucuna.

ew jî bidirstî nimuneka biçûk bun jimilletê xwe yê mezin.

Dû sê rwşenbîr,dûsê jibine malên axa û derebega,dûsê jipartiyên rêkxisitî .

ewên dî jiçîna hejar û bê layen.

Lidestpêkê kur axa ser jîhemüya standin,û jiroja jidayk buna xwe û ya babên xwe,heta wê rojê.dû sê carî bu wan vegîra.

- babê min pitir jibîst gunda hene ! Xanyê me bêlaye ,herkaşiyek jirengekiye !!

her sal babê min turimbêla xwe digihurit û nütirîn û bihatirîn turimbêl dikirit!!

Çi dewlet nemayne,wî ne dîtîn !! Babê min...babê min!!!

- bine mala me,gelek dinavdarin,bimêranî û nanê xwe. xulam û xizmetkarên me,naêne hijmartin.avahî û aqarê me naêne pîvan û kêşan.ez nizanim,ka me çend malê diniyayê heye !! Û ...ü... !!!

Lidüfra wan hevalên dipartiya da rêkxisitî,simînarên taybet dan.

- partiya me,ji bu berjewendiya milletî hatîe qadî. partiya me partiya gel û hejaraye.peyrew ü pirugram dixizmeta çîna bin dest û hejare. partiya me ...ü...!!

- pêtivî nakit ez behsê partiya xwe bikim!

Çinkî ew partiya hemü milletî ye .çicar jiçada xebatê dür ne ketîe .ü çicar xiyametkarî ne kirîe ..ü çicar dest jimafê rewayê milletî bernedaye,...ü....

Lê van her dû cura çi guhên vekirî û bêhnên fireh ne dîtîn.

Jiberfirhya demî û bê karî û rüniştina wan licihekî biçûk, hizirubîrên bê binecih ü xapînuk,zü berze bun,ü cudahya çîneyetî nema!!

Nivistina wan liser erdî,xwarina wan hêk û nan.tirsa wan êk,paşeroja wan pêkve.

lewra diêkbuneka sar da bun.car jî dijatiya hizirubîra digheşte pila xwe jibîrkinê û xwe kuştinê,lê bêhna firehya hindêk layena û tirs jipaşeroja reş,dişya seruberî carekadî ragirt.

**Kes nema diwan roj û şevên pêşyê da,jiyana xwe û hizir û bîrên xwe,dubare şiruve nekirîn.**

**Lê roj hêşta yên mayn,û şevên dirêj bidawî naên!!**

**\*\*\***

**saşa..rêberê ros yê serekî,evro hate nik wan,birastî mafiya ye!!**

**Seruberê wî,axivtina wî..**

**Digel wan rûnişt û gelek bu wan axifit û belên da ku diwan rojên bêt da hemüya derbaz bikit.**

**Pitir tena bun û hest kirin ku ne jibîrkirî ne,ü hindek hene pirsiyara wan dikin!**

**Careka dî şevên xwe biaxivtin û yariya perkanê û tewlê ve burandin,û car jî hevala setrinc dikirin.**

**Lê her şev ü rojên wan didirêj bun.**

**ew biraderê jihevalên xwe vebuy bidil mayî ü jijora dî qesta jora wan kir,bidilekî firhe xudan kirin.**

**Wî suhbeta xwe dest pê kir:**

**-eve cara şeşêye,ez xwe livan rêya didim û derbaz nabim !**

**Cara dawyê ez hatim girtin,ü eve şeş heyv bun ez digirtîxana kiyêf da...**

**Polîsên wan gelek jipolîsên me dijwar ü bê dil tirin!!**

**hêşta wî suhbeta xwe bidawî ne înay.ewê birexve gut:**

**-eve sê salin ez birêve ! Û pitir jidehe cara min ya xwe livan rêya day,dawya wê girtîxaneyê,yan zifirandine,û her parê hebit polîs dê jite sitînin!**

**Birastî van axivtina dilê wan xaf kirin,berxwedana wan sist kirin,tirsa wan zêde kirin.**

**Carekadî simku dibire ber landika sava ü dayk ü babên pîr û nesax.**

**Lê êkî dî jiwan rûniştîya axivtina wan digel tirsê wan birîn û gut:**

**- pa hûn bu min çi dibêjin?!eve dû salin,min jinka xwe digel dû biçûka hinartî û ez mayme birêve û ew bitinê lixerîbiya.**

**Êkê dî nehêla ew xema xwe bidirustî diyar bikit û gut:**

**- xwezî bicükên min jî gehştban binecheka tena,bila ez deh sala livan kulana mabam!!**

**Lê ez divê duzexê da û ew jî yên mayne birêve,ü diduzexeka diwartir da.liwelatekî birisî,nan nîne bixun. û destê kesê jime nagehtê!!**

ew hevalê wan yê sere,û hemüya rêz bu digirt,gut:

-hîviye ev axivtine hewe bê umêd nekin!Raste gelek birêve mayne,û tuşî nexuşya buyne,lê gelek hene her cara êkê derbaz buyne,bêy çi nexuşya!!

Wesa diyare em dê bisanaey derbaz bin !!

Bê dengiyê guhên wan simtin .pştî ku gelek dinav hizir ü xemên xwe da xendiqîn .

Dengê wî kur axayê bu wan xwarnê amade diket,hemü hizir birîn û gut:

- werin xwarnê bixun,ma hewe divêt ez bikeme didevê heweji da?

eve jiroja êkê,ew yê bu wan xwarnê dirust diket,digel hevalekê dî,û jigelek jinên bermala baştir!!

Wek wî digut,jiyana xwe hemü ya dijora xwarn çêkirinê da burandî û hemü rengên xwarnê baş dizanît.

Wek girtiya rêz bune cihê xwarnê,her êk liser pêyekî û nîvrüniştî,jiber cihê teng.dest dane xwarna xwe ya rojane.her hêk û nane,car ji birinc ü afka sure,yan nan ü maste.

hevalekî gut:

- ma hün jihêka zêdetir nadene me?Nê çi nemaye ,em dê bine mirîşik û hêka kin!!

Bikenî ve hevalekî dî gut:

- nuke ew kabirayê em hêka jê dikerin,na bêjit eve çi livan hemü hêka dikin??!!

ew kur axayê xwarinê dirust diket gut:

- na wela, nuke mirîşik dibêjin,eve kîne van hêka dixun? Nê em bihêk kirinê ve mirin!!

Kes nema jidil ne kenî.

Cêgirê rêberî,belên da cara bêt xwarneka xuş û baş binin!!

Piştî xwarnê û vexwarnê,dîsan zifirîn ser suhbet ûyaryên xwe .gelek cara xwe jibîr dikirin û nedizanîn ka likîvene? Ka çi diken?Jiber yariyeka xuş.yan demê hevalekî suhbetek yan serhatiyeka xwe yan ya hevalekî dikir. gelek cara hemü lidurên hevalekî kum dibun û bu wan pêkenîn digutin.lê dibaye keniya wan jiwê pencera beramberî rêya giştî dernekevt.

çend hevalek jiwî kevlujankî derketba,sê çarek lê dixurîn û bîra wî diîna,ew kenî ü xuşî didilî da dihêla.

Dema pêjina mirova yan zenga telefonê yan livîna bay dihat,hemü dibune qurmik û bêdeng ü giyan diman.

her wekü mirovên wî bajêrî hemü liwan digerin!!

Careka dî bîrhatinên "enfala" liwan nü dikirin!!

Wî Mamustayê rweşenbîr,şiya gelek cara hemüya lidur xwe kum bikit,û dinav baxçê hizirubîrên rweşenbîrî,yan digêleşukeka ramiyarî,yan dinav muzexaneka mêjûya kurdî da berze biket.car jî binê pêt hizirên wan dixurand û pirsiyarên asê û giring jîwan dikirin,da zanîna wan her geş bimînit,her şev berperek jipertuka hizirên xwe bu wan dixwand û şiruve dikir.da rojên wan digel şeva bisanahî biburin....

\*\*\*

her sipêdê zû bibu ger û dur liser serşwyê û cihê xwe gihorînê .

Dîsan hemüya xwe amade dikirin jibu çunê,ku ev şeve libere .

hind yên serurîha ditiraşin,hind yên cilkên xwe amade diken,hizira hindekên dî yên birîne binê bîreka kür...

eve şev biserda hat, her jivanê wan yê nêzîk dibit,her bê dengî ya serê wan dixut!!

Liser wê livîna zêde û wê amadekirina berdewam,bê dengyê şiyaye liser wan zal bibit.

Çik çika dem hijmêra biwî dîwarîve,guha disimt,her wekû çî giyandar divî xanîve nînin !

Dengê dilê wan zal bu liser dengê wê dem hijmêra lipêş çavên gelek jîwan,wek sêdarê diyar dikir.

ha ha dê "dêw" ête jor û dê wek hercar bêjit:

- biburin, evro jî rê ya nexuşe,em neşên xwe liçi agira bidin.

Dê ew nîva dî ya jîjiyê wan yê may sujit.

Digel çirka êkê jîjivanî,pitir jinîva wan,wek tîpeka hunerî û êk livîn,berê xwe dane dem hijmêrên destê xwe û ewa lihindav serê wan,û pêkive gutin:

-eve ne hat ??

ew çend çirkeyên piştî jivanî,gelek digiran bun.gelek cara hizira jituxîbê wê jorê dibirine derê.girtin,zfirîn, derbaz bun. jîyaneka nû.

hindek cara pila hizira digehşte kuştinê bidestê mafiya...

Lê dengê dergehî hemü jiwê xaf bunê înan ser rastiyeke dijwar.

Vê carê bidevekî kenîve hate jor .vê carê ne ew "dêwê" carane!vê carê wek"firîştâ"firîştên biheştê,mizgîniya çunê û rêyeka xuş da wan!

Lê kesê neşya desta bu biqutit,yan jidil bikite hewar û keyf.

Carekadî rengê dêwa girt,demê hindek ji wan ji kevlujankê xwe derketîn û dengê wan çend bihusteka ji lêvên wan dîr ketî û gut:

- dû dû, her car kes bibine heval û berev turimbêlên amade.çi axivtin û çi livîn nabin,heker dê em hemü tuş bin,û vê carê dê gelek kirêt tuş bin!!

Dîsan bu berîkanê û her kesek bu xwe sê hevala bigirt da pêkve biçin ...

hindek ji car kesa pitirin û nevên êktir bihêlin,hindek bitinê ne,kes digel xwe nabit.û gelek astengên dî...!!

Cara dî jiber hindek xeletiya,ketin destên polîsa û rêya wan diyar bu,û zifirandin nav bajêrî,piştî jihevalekî pirsî û gutê:

- ka paspurta te??

Wî jî ji hemü dilê xwe gutê:

- paspurta min ya livêre ...anku ya linik hevalên me .

ew polîs wesa tê gheşt,paspurta wî ya li "evêrî" anku bizimanê rusî,daêra paspurta .gute hemüya keremkin herine cihên hün jê hatîn!!

Biher seruberî vê carê hemüya xwe gehande wan turimbêla û jiwê girtîxanê rizgar bun,û kes liwê hîvyê nebu carekadî bizifirtê.

Turimbêl beref berzebunê çun,dîsan tirsê û bê baweryê leşê wan xwarin.

Piştî demekî dirêj liaqarekî înanê xwar.wek leşkerekê xwe bu hêşkekê amade dikit,liser çuka û zkî xwe gehandine coyeka bê av,dinav giyayekî buş da,xwe digel erdî rast kirin,bê dengyê û bê livînê wek peykera diyar dikirin.

Rêberê wan wek diza çu,kesê nezanî ka dê çi kit?

Piştî demekî dirêj digel serê tirênê zifirî,jituxîbê siluvak hate dinav axa ukiraiyna da..!liwî aqarê bê xudan.hemü dinav wan amîretên wê da veşartin û carekadî beref kuntirula siluvak zifirîn!!

Destên wan bidilên wan ve bun,her livînek,her dengêk, dê wan tê bit,û dibit dinav amîrên tirênê da bêne hêran.

Tirs zêde bu,bê dengî zêde bu,tirsa bivî rengî wan gelek dîtîe!!

Jiyana wan hemü tirse,firşkê xwe bitirsê kirîne,gelek ji wan jitirsa jidayk buyne.....!

Lê wesa diyar bu,hemüya ageh ji êk hebun!Bisanahî ji her dû kuntirula derbaz bun,ne gelek ji wî cihî dūr, berdane nav wî aqarî .

Turimbêleka nîv lurî lihîviya wan bu.wek gunyên kayê heşandine diwê turimbêlê da û beref qunaxeka dî. turimbêlek liberahya wan û êk bidüv ra.bitelefunê kuntirula rê dikirin,her tişteke biguman diyar dibu, bitelefunê agadariya êk dikirin,xwe ji rê didane paş. wesa çend dem hijmêreka kêşa,heta gehştîne bajêrê kuşysa.

Şureşa îlunê,şureşa gulanê,enfal û derbederî,sutina gunda û kuştina tevaiy,serhildan,revaya melyonî ...

Wek kasêteka sînemayê lipêş çavên wan dûbare dibu....



**Gelek jiwan biçavên xwe dîmenên girêt dîtîne!!**

**Gelek jiwan digirtîxanên dujmnada rizîne !!**

**Muyên leşê wan zil dibun.dema ew roj dihatin bîra wan!!**

**Lê nihu ew roj neman û her yên direvin jitirsa wan roja! neku dubare bibin!!!**

**Liberê sipêdê,luriya wan gehşte bajêrê kuşysa lisiluvak.**

**Ji wê tengaviya ew têda rizgar bun.ptir ji sîh û dû kesa diwê turimbêla biçûk da .**

**Jihemü rengên mirova,jin,biçûk,pîr,tulaz....**

**Jibêhin tengyê,kes neşya bêhina xwe bihilkêşt,gerim û birs û tirs û cihê teng,bune êk û beramberî hîviya wan ji bu paşerojeka baş û tena.**

**Licihekî taybet,turimbêla wan rawestiya,lê demekî dirêj têda hêlan,lihîviya telefuna rêberê qunaxa bêt.**

**Diwî demî da pitir tengav bun,jiber germê û bêhin tengyê û destava!!**

**Piştî demekî ku hemü xav bibun,jibirs û bêhin tengyê, dûdû sê sê birine derê û dane digel rêberê û beref nav bajêrî birin .**

**her wekü hêzeka pêşmerga,li gundekî dibun mêvan,her çend kesek dibirine malekê.**

**her wekü xelkê wî bajêrî jî dizanit ka ew kîne?Ka çi hatîe serê wan?Ka liçi digerin?**

**Bi dilekî firhe,hemü xudan kirin.her çende beramberî hindêk dulara.lê wan dulara divî deravî da çi biha nebu.**

**Tinê wan diviyan bixun,binivin,tena bin!!**

**Xwarneka xuş,bêhinvedaneka baş,serşuştin û nivistin licihekî tena.**

**lê eve ne qunaxa wan ya dawyê ye.**

**Piştî jibêhinvedanê û xwarnê û nivistinê têr bwîn. telefuna kêiyf kirin,da hevalên wan bizanin ka diçi destudar dane.**

**Piştî gelek telefon kirîn û kesê bersif neday.**

**telefuna hindêk hevalên dî kirin,zanîn ku mafiya ew hevalê şeva êkê limala wî bwîne mêvan digel jinka wî bikêra kuştîne û parên wan birîne!!**

**eve ewjî bune qurbanî vê rê .eve ewjî bune qurbanî hindêk dulara.kesê neşya harîkariya wan biket,û jivî deravî rizgar bikit.**

**Bük û zavatiya xwe lixerîbiya burandin.berî bibine dayk û bab,gurî welatekî nedîtî bun!!**

**Jiwelatekê sava,beref welatekê sar cun !!**

**Kêmtir jihazar dulara mabun.ew jî da digel vî karwanî derbaz bin!!**

**Lê kesê destê wan negirt !! Kesê giyanê wan ne kirî !!**

**Nihu dê carekadî şahya wan bu dayka wan zifirit welatî, nihu dê carekadî bine bük û zava !!**

**Dilê hemüya gelek ma !! ew xuşya têda bu nexuşî !! Tirsaw zêde bu !!**

**Birs û hejarî,dujminê mirovayetyê ye !! Welatekî birsî û bê kar.mirovên diz ü mirov kuja peyda dikit !! eve jî her guneha desthelatdaraye !!**

**Wek rêya "kadiza",şupa vî karwanî,her jidest pêkê,heta binecihê,xwyaye.. hemü kêlî û şunwaü gurin!! hemü bîrhatinên reşin....!!**

**Dîsan tirs,xweveşartin,dinav destên rêberên bê dil,û hîviya wan,dan berêk.**

**Karwanê wan kirine çend cûn û cuda litirênê siwar kirin, piştî bu wan pilêt birîn,û demek bu hatene xwara wan diyar kirîn,jibu qunaxa bêt,"burdislava"paytextê siluvak!**

**Dişeveka direng ra gehştine cihê diyar kirî liburdslava..**

**hevalên wan,ewên berî hatîn hêştayên liwara.lihîviya rêberê qunaxa bêt.kes diyar nîne,polîs jimirova pitirin. lê wesa diyare,ew jî dizanin eve ne qunaxa wan ya dawyê ye!! Mêvanên demekî kurtin,lewra çî pirsîyar û düf çunê likesê nakin .**

**hemü man diwê zifirukê da heta rêber diyar buy .**

**ne êk rêber,liser bu şerê rêbera,û her kesê digut ez dê wan derbaz kim .**

**Dîsan kirin gelek cûn û bir ü hindek her wê gavê dane rê û ewên mayn,birin danane utêleka gelek xuş û berfirhe gut:**

**-ez dê hewe keme dû cûn .cûnekê dê subehî sipêdê bem,û cûna dî bu dûsibe hêlm.divêt cûna subehe xwe amade bikit û parên wan dihazir bin.**

**Bi şev lêk kum bun,ka dê kî subhe çit? Û ka dê çewa bawerî hebit?Ka dê çewa para dine rêberêkî ne niyas??**

**Lê piştî rêber hatî û gutî:**

**- divêt hûn ev şeve para bidene min,da subhe bu hewe turimbêla amade bikim .**

**Ketin beramber rastîekê û divêt jê ne revin !!**

**Pare dan,yan didestê rêber û polîsa da?!Rêber û polîs hevalin û her tiştê wan bivêt,dê kin û çî jikesê naêt !!**

**Cîna sube necar bun û parên xwe dane destê rêberêkî neniyas û xwe amade kirin jibu qunaxa bêt û çuna pirag.**

**-heker ew birin?!eve em jî cun.**

**-heker ew nebirin û parên wan hatin xwarin??!eve em jiwê çendê rizgar bun!!**

**Şeveka direng nivistin,nivistineka giran.**

**leşekê westiyay,dil ü mejyên peşêman ü tijî tirs,û paşerojeka nediyar.**

**Wê şevê kes nema dixewa xweda hizar cara ne mirî,û ne hatiye kuştin,yan girtin!**

**Kes nema jibilindahya çiya nefirî!! Kes nema liber sîngê dayka xwe ,dixewda negirî...**

**Sipêdê wek diza ewên mayn bu roja duwê,çun ber dergehên hevalên xwe,ka çwîne yan ne?!**

**Piştî lêk kum buyn,zanîn hevalên wan yên çuyn.**

**dilên wan tena bun û bawer kirin,ew jî dê subehî dine rê.dê subehî hîviya wan çend bihusteka nêzîk bit.ew qunaxa diçinê dê nêzîk bit,dilê hemüya geş bu rengê mirova girtin.roja wan bixuşî û suhbeta ve burî,bişev carekadî rêber hat û pare jiewên mayn wergirtin,da sube sipêdê zü ew jî biçin!!**

**Wê şevê hemüya xwe amade kirin jibu çuna sube.**

**dîsan hizar xewin û hizir bune mêvanên dilê wan,heta lê buye sipêde .**

**Sipêdê û lidemê diyarkirî,hemü licihê diyarkirî amade bun,piştî nasnamên xwe jjutêlê wergirtin,simkuy gut:**

**–eve tişteki şîre?!Vê utêlê daxwaza çinasnama jime nekirin?Razî bun binasnamên me?**

**hevalekî gut:**

**– çi jê ne dizanîn,ü gelek jime her çi nasname nebun!!**

**Sê turimbêlên biçûk,her êk car kes têda ü beref pirag.**

**ev welate wek baxçekî gelek ciwane,her wekü dû dildara bu xuşya xwe dirust kirîn....**

**Gelek cara wan digut,Kurdistan paytextê cîhanê ye. Kurdistan mêrgeha evîndaraye.**

**Çi çih jiKurdistanê xuştir nînin!!**

**Şînkatî,darubar,çiya,rübar,mêrg,gund....**

**Wesa diyare her kes welatê xwe nadite biwelatên xelkî. herkesê welatê wî linik dilê wî jicîhanê hemüyê xuştire!!**

**Taybet ewên hêşta xuşiya çi welata ne dîtîn,hêşta liçi welata bitenahî ne nivistîn,hêşta ne buyne xudan welatekî serbixwe,hêşta tama wê xuşyê ü wê serbilindiyê ü wê azadiyê ne dîtine.ü hêşta linik wan wek xewneka mezine.ü hîviyeka düre!!**

**ev welate hemü daristan ü çandine,rê ü rêbar ü seruberê jiyânê,her hinde.**

**Çavên wan jipencera turimbêlê ve nabun.nezanîn ka çewa demê wan burî ?**

Linav bajêrkekê biçûk liser tuxîbê siluvak ü çîk înane xwar û gute wan:

- divêt likuntirulê serekî derbaz nebin,jiber kuntirul gelek diware û pirsiyar ü lê geriyan hene.jiber vê çendê,em dê hewe birêya tirênê derbaz kin rexê dî !

ew bajêrkê biçûk,hatiye dabeş kirin dinavbera her dû dewleta da,nîveka wan siluvakin ü nîv çîkin.

Jiyana wan berdewame ,hatin ü çuna wan bisanahiye ,ew tirên dinavbera wan da kar diket,her wekû hemü kurên dayk ü babekî .

Bu wan pilêt kirîn ü bidemekî gelek kê,gehştin rexê dî. turimbêlên wan lihîviya wan bun !!

eve kumara çîke!! Ciwaniya wê,û rêk rêbarên wê,gelek ji siluvak xuştir ü pêşketî tir bun!!

Dîsan gund ü bajêr tijî çavên xwe kirin,heta gheştin bajêrê"birnu"bajêrê birnu,ciwanyeka taybet ü lêkday ü rêkupêk,ew xewna gelek jiwana ya berî çend sala,new biçih hat!!

Geleka Mirad bu,bajêrê birnu bibînin,jiber gelek egera, êk jiwana egera,tivenga birnu bu.

Gelek dişoreşa da dihate bikar înan,kes nebu birnuyek limala xwe ney.

digotin livî bajêrî dirust dikin !!

Lê nihu lichê birnuyê ü lidergehê serekî yê bajêrê birnu. wênê sêveka mezin nexşadiye.eve jî ramana jiyane û paşerojê ye....!

her çende sistema berê ya çîkusluvak,gelek harîkariya dujminên wan kirîe ü kes jimilletê wan nemaye parçeka asne çîkusluvakî leşê wî ne simtî bit!!

Yan qutan ü lêdan jidestê wan sîxwera ne dîtbit,ewên liqutabxanên çîkusluvak hatîne fêrkirin ü dilekê reş ü req bu çandî.

Li ser wê çendê,nihu cîhan hatiye guhurîn ü gel ü mllet beref pêşve cunê diçin ü gelek serbixwe wazad buyne.

Berê wan her ma libajêrê birnu,turimbêla wan jê burî. geleka jiwana diviyana çendekê lê bimînin,lê ne demê hindê bu.

Lidemekî bajêr nema,lipişt wan darubara berze bu .

her gundek yan bajêrek dirêya wan da jiyê dî ciwantire, bêhna wan firhe bu ü jiwê tirs ü westiyane dîr ketin,û bawer kirin dê jiyana wan ya bêt xuştir bit!!

Sipêdê zû dabune rê,ü nihu beref êvare,gehştin pirag ku beşeke jibiheştê !!

Lirexê westgehê danan ü gute wan:

-eve pirage ..ü ewahe westgehe,û karême ü erkê me heta vêrêye,ü jivêrê ü pêve êkê dî dê hewe bit.

**-eve ye pirag?!eveye hêliyna sîxur ü parastina rijêma?! eve ye mêrgeha qamçivana ü mêrkojên diktatura?!**

**ü lirexê dî,bibu warê siyaset medarên dür welat!!**

**Bibu kuçka penaber ü rikeberan.**

**eve welatekî shîre?!**

**Gelek man lihîviya rêberê qunaxa bêt,lê limal nebu. çune westgehê û carekadî jivan û bê hîviyê hêr kirin.**

**her çendekê telefon bu rêberî dikirin,digut dê piştî demekî dî êt.**

**Xelkê rojhelat,livan welata karê wan qaçaxî ü karên ne dirêda ne !!**

**Dîsan tirs û birs û westiyan,xwe dinaf dilê wan da akincî kirin.**

**Lê ciwanî û seruberê pirag,ü kiçên wê,ü destudarê bajêrî hemü tişt jibîra wan birin!!her wekü licîhaneka dî. ne ew cîhana têda mezin buyn.**

**Kesê ageh jivan nîne ,her kes dirêya xwe ü liser şulê xwe.ne pirse û ne polîs.**

**heta rêberê wan hatî ü liturimbêla xwe siwarkirîn û birine kempeka shîranghea birex bajêrê pirag ve. cihekê gelek xuş û tena xanyên darê ve.gelek kesên dî jî diwan kerevana da bun,lê hemü shîran gerên biyanî bu!!**

**ev seyrangehe kujîekê biheştê ye .mêvanên wê jihemü curane.diniya her ewe,ewa ew têda.jiyan ew deme,ewê ew dijîn!!Çi ageh jiarêşa diniyayê ü kêşan ü pîvana siyasetmedara nîne !!**

**Piştî xwarin û bêhin vedanê,zanîn ku hevalên wan hemü bisilametî gehştin pirag.**

**her çendek licihekî kum kirin,lihîviya qunaxa dawiyê !!**

**Qunaxa dawiyê.çi nemaye dê gehnê.çi nemaye dê wê Miradê bicih înin.**

**Tijî difinên wan bêhna wê qunaxa eve çend sale pêkulê bu diken bû.bêhna elmaniya,mejyê wan har kir.**

**çend bihustin,dê tewaf kene wê mala xudê.....**

**Bêhnvedaneka dirêj,carekadî karkirin jibu qunaxa dawiyê...**

**Şevêkê man diwan kerevana da,heta rêbera karê xwe kirîn ü dîsan kirin dû çîn ü diêvareka direng ra beref tuxîbê elmaniya birin.**

**Liser tuxîbî dinav daristanê da veşartin,heta hevalên wan hemü kum kirîn.**

**Sê kes,êk lipiştê ü êk linîvê ü êk lidawiyê.dane digel ü**

**dinîva wê daristana tarî ra birin.**

Tirs û birs û sermayê zifirandin rojên reva melyonî ya milletê wan.demê berev tuxîbên dewrubera revîn,jitirsa qir kirina tevayî....!

Dîsan ew rûdan dihatin pêş çavên wan,dilê wan diqurmçî,pirsiyar dikirin,erê heta kengî rev û veşartin û tirs dê bite karê wan??!!

erê ew welatê ew jê hatîn,xuştire,yan evê nihu diçinê?! û hizar erê yên dî???

Wek rojên şerî,dema efsar,serbazên xwe her çend pêngaveka dihmêrt û kuntrul dikin!

her çend pêngaveka,dihmartin û rêya xwe kuntirul dikirin,her wekû hindek nîşan hebun,hindeka bu wan rê dirust dikir.vê çendê nêzîkî dem hijmêrekê kêşa .

Dinav wê daristana gelek asê û tarî,gelek rengên giyanewera hebun,gelek westiyan û nexuşî,jin û biçûk, pîr û nesax.bizurî rêya xwe didîtin,gelek jigiyane xwe bêhîvî bun!!

Liber lêva cadê,gute wan xwe nizim biken û bê deng bimînin!!

Piştî demekî kurt,dengê rawestiyana hindek turimbêla hat!!

Fîtik bu êk vedan,rê pişt rast kirin.eve êk jinîşanên wan bun.

kirin çar çare,û her çar diturimbêlekê da,Êkser wek bayê birusiyê dane rê û dinav axa elmaniya da berze kirin !!

eveye,ew elmaniya hinde xewin pê didîtin?!eveye,ew welatê gelek xebat jibu dîtina wê kirin û welatê xwe gurî kirin??!!eve dê bite welatê wan? Piştî hizareha şhîd û qurbanî,gund û şureş gurî xwe kirin??!!eve dê bite welatê wan?Piştî welatek bixwînê ava kirin??!!

eveye welatê hizira didizit û leşa dikirt?eve ye,ew welatê her kesê bêhin kire axa wê,neşêt jê dîr kevit? eveye welatê zanist û yasayê?eveye welatê mirov lê dibit amîr û berze dibit?eveye ,ew welatê biyaniya bipirça wan û renigê çavên wan dîniyast?eveye,welatê pare û şul û mirovayetî diêk terazyê da diên kêşan û pîvan?eveye biheştî penaberên bê xudan??!!

Dîsan tirs û westiyan û paşeroja berze,hemo mendehoş kirin.

Raste,axa wê "hêrüyne" tiriyake"mirovî hêr dîkî,mirov xwe jibîr dîkî!!

Piştî çend dem hijmêra,libajêrkekî înan xwar û gutin:

-em û hün jêk xilas .

Dîsan şepirze bun û rê lê berze bun.êk jiwan şufêra harî wan kir û bu wan hindek taksî girtin heta berlîn,her car kes ditaksiyekê da û beref berlîn.

Berlîn,ev navê hinde mezin û giran.her êk jiwan diserê xwe da bi renekî didît!

Dîsan dê Mirada hindeka bicih êt,ku dîtina berlîn bu.

lê hêştî ditirsîn,piştî berlîn dê kîve çin?! Dê çi ête rêya wan?!

**Gelek hizir ü pirsiyar diserê wan da bun!!Peşêmanyê hêşta dilê hindeka azad nekirye!**

**-eve em gehştin!Dê çewa biçûkên me gehin?!em dê çewa biçûkên xwe bivan rêya înin?!ew dê çewa şên divan rê ü rêbara derbaz bin?!her diha êk bisilametî digehit!!**

**ev hizire hemü belav bun,demê wî kur tulazê turimbêl dihajut gutî:**

**-eve berlîne !ez hewe jivêrê û wêve nabim !**

**Livalayekî danan û gut:**

**-hün dişên her cihê hewe bivêt bimîtiroya bin erdî biçinê .**

**Kes jiwan çi jimîtiroya nizanin,eve cara êkê ye dibînin! Ka dê bu kîj cihî çin? Û dê çewa siwar bin?**

**Têkhatin ü cun,hemü rê liber berze bun,wek pezê bê şivan, liwara belav bun ü her çend kesek bu xwe çun!**

**Simku û hevalên xwe,taksîek girtin û bihindek axivtinên iniglîzî gutê,me bigehyne westgehê.**

**Wê jina taksî dihajut gut:**

**- liberlîn car westgeh hene !hewe kîj divêt?!**

**- ya serekî û jihemiyan mezintir!!**

**Carekadî,tirsekadî û hizar duwa,hemü qurbanî silametiye bin,silametî biniyatê her tiştêkî ye!!**

**Piştî demekî kê,m,liber dergehê westgehê serekî yê berlîn danan .**

**Simku gut:**

**-em çi biken?Kîve biçin?Divêt em xwe ne dine nav hevala!!**

**her hevalên wan yên kum dibin liwara,eve bu cihê tirsê ku polîs gumanê bibin .**

**Simku û her dû hevalên xwe ku jibinechê pêkve hatbun, xwe jihevala cuda kirin û dūr jwestgehê û liber dîwarekî nivistin.**

**dem berê sipêdê ye,çi sük nînin,neşên telefuna kesê divî demî da bikin.**

**Liber wî dîwarê çend bihusteka bilind,ü jpisatî û gilêşî û mîza sa û serxuşa.rengê xwe berze kirî,hersê nivistin!!**

**Lê ma dê çewa xew êt?!**

**Serma,tirs,birs,paşeroja berze,westiyan!**

**Diwan çend dem hijmêrada,simku gelek cara dinav devê gurgada dihat hêran,gelek cara dinav agirî da disut,car jî seyên polîsa dixwar.lê keyfa wî gelek dihat, demê liser**

piştê bidûv turimbêleka leşkerî dihate kêşan û liber derê mala babê wî dirawestiya,pên wî vedikirin û digute dayka wî:

-eve kurê te,me jiezaba xerîbyê rizgar kir û bute îna!

Gelek keyfa wî dihat,her çende gelek teniştên wî û piştta wî diêşan,berî birînên xwe nîşa dayka xwe bidit,dengê kenîya çend serxuşeka jiwê xewin û xewa giran hişyar kire nav rastîeka girantir....

Bilez û tirs hevalên xwe hişyar kirin,û xwe jiwestgehê dûr kirin,hevalên wan hêştayên liwara û polîs jimirova pitirin,her kesê bête girtin,dê paşeroja wî nediyar bit.

Şêrkuy gut:

-heker berlîn ya husa pîs û kavil bit?Pa dê bajêrên dî di çewa bin?!

Simkuy gut:

-eve ne demê gazindaye!Divêt em qesta cihê telefuna bikin.

ew telefon hemû dişkestî û bê kar bun,piştî gelek jîwan cerbandîn.cune postê û gelek cara jimara wî hevalê ku eve demeke liberlînê lêdan,kesê bersif ne dida.

Simku gut:

- dibit em şaş lê didin?Da pirsîyara vî kabirayê he biken, ewê lipositî kar dikit .

Wî gelek bisanahî wergirt û şîyan digel hevalê xwe biaxivin,gutê:

- bizütirîn dem were pêşya me,û me jivê tengaviyê rizgar bike.

Wî jî bidilekî berfireh û merdane piştî demekî kurt hat û xwe havête wan û gut:

- lidûv min werin,bila kes nizanit ku em yê pêkve!

Wan jî xwe da digel û dimîtiroyê siwar bun û çune rexê dî yê berlîn,li cihekî berfireh û jîtirsa polîsa dûr,Carekadî hate serê wan û pirsîyara halê wan kir û gut:

-ez bawerim hûn gelek dibirisîne??

Kesê jîwan bawer ne dikir ku dê êk pirsîyareka bivî rengî ji wan kit.hersê ya pêkve gutin:

-erê bawer bike,me rengê nanî yê jibîr kirî!!

- dê keremken,eve xwaringehêka xuşe,û ka hewe çi divêt teksîr nekin!!

Liberî wan ket û birine xwaringehêka rojhelatîya, xwarineka gelek xuş û bitam dayê û bidûvra çayeka gerim jî biserda kirin.

Westiyana wan verevî,tirsa wan berze bû,hîvî nêzîk bun.diwan çirkeyên xuşyê da gute wan:

-hûn dizanin ku hevalê hewe yê dî nihu limala meye û li hîviya heweye?!



ev gutine bu wan gelek xuş û dil veker bun.pştî jiber nexuşiya rê û fermanên rêbera,hevalê xwe hêlayn,yan wî ew hêlan,eve carekadî jî gehştin êk.

- nihu hewe çi libere ?hün dê çi kin?Dê kîve çin?

Simku bersiva wî da:

- birastî,berî em çi pêngava pavên,me divêt em biçine mala birayê min,û ew dê pitir bu me rê xuş kit,dibit wî pitir pêzanîn liser penaberyê hebin?!

- raste ,eve biriyara hewe hemiya ne?

- belê..

-erê..

Şêrkuy jiherdû hevalên xwe pitir ew birader diniyasî û gutê:

- lê,bibure,me pare nemayne,divêt tu bu me bilêta heta "miywnix" bibirî,û em dê bute bizütirîn dem hinêrin.

- bira xwe tengav nekin,ez amademe,û çi cara behsê zifirandina wan para nekin.

Simku gut:

- nexêr qed nabît .divêt her bute bizifirînin û bizütirîn dem.

Şêrkuy jî gut:

- divêt em çi car qenciya te jibîr nekin, tu jî dest tengî, divêt carekadî wan para bute bihinêrin.

- bawer biken,dilê min pê xuşe,ez her xizmeta hewe bikem,û biburin,min jidil diviya hewe limala xwe çend rojeka mêvan bikem,lê me êk jor ya hey,bu min û jinka min û digel biçükekî .vêca limin biburin!

hevalê wan yê dî gut:

-hevalê delal,te çi liser xwe ne hêla û eva te kirî bu me gelek dîna.

\*\*\*

Jiberlîn heta miywnix,pitir jihevî dem ejmêrane,divêt dû tirêna bigihurin.

Piştî hevalê wan yê dî jî gehştiye wan,her car beramberî êk rüniştin cihekî xuş.

eve cara êkêye ditirêneka wesa nû û pêşketî siwar dibin. çavên wan jipencera ve nebun,gund û bajêrkên ciwan û daristanên xemlandî.pîsatiya berlîn jibîr kirin.

eve cîhaneka cudaye,jiwê cîhana ew jê hatîn.

mirovên wê,ne wek mirovên wane!

Kiç ne ew kiçe!Jin,biçûk.her wekû xewin.zmanekî giran.destudarekê cuda...!

Diêvareka zû gehştin miywnix,ew miwnixa hinda binav ü deng,ewa hind linik wan dür ü dîtina wê bibu Mirad. "bayêrmiywnix"baştirîn yana tupana pêy,nihu mêvanên wê ne.

Birayê simku lihîviya wan bu.wek diza dane bidüv xwe û gut:

- werin û xwe bimin ne înine der !

Polîs tijî hemû rexa nin!

Kesê ageh ji kesê nîne,piştî demekî jiçavên polîsa dür ketîn,bigermî xwe havête hemiya û êk êk hembêz kirin. pirsiyara halê wan kirin.

eve çend salin êktir ne dîtîne ,ew biduniyayê ket,şureş û derbederî, nihu xerîbî.

eve ew jî gehşte cîhana wî,nihu dayika wan diçi hizir daye?

limala wî ya xuş û tena.her car rûniştin,xwarineka gelek xüş û suhbet, axivtin,serşuştin ü xwe ji dil tena kirin...

Birayê wî gut:

-hün carekadî gelek bixêr hatin!!

- supas, gelek memnun.

-hün gelek westiyan?heta hün hatîn?!

-erê bawer bike ,em nêzîkî mirinê bun.

- rê û rêbar gelek dinexuşin,û liser hindê ra,her xelikek yê diêt!!

- bê hîvîyê xelik kuşt ! Çi nemaye mirov lihîviya wî bimînit!!

-erê rewşa welatî diçi qunax daye ?

- welatê çi?!Halê çi?! her kes û mêranî û bextê xwe ye ! Te çend mirov hene, teçend pare heye!Tu hindê diînî?!

-ez bawerim husa Namînit!Dê her biserekî kevit,bila em vê çendê baş bizanin û rojên reş jibîr nekin!!

- lê dê gelek ser tê çin!

Piştî jiwan tişta têr buyn,ewên eve demeke nexwarîn û vexwarîn, axivtin hate ser suhbeta penaberyê û wergirtina wê.kadê çewa bit?Û ka dê çi pirsiyara jiwan kin?

Birayê simku gelek bersiv bu pirsiyarên wan hebun,her êk jiwan bu pirugramek amadekir û rêyek bu dana lidüv belge ü zanîn ü amade bunawî !!

**Wê şevê heta direng mane hişiyar, simku her ne nivîst, jîhizir û keyfa da .**

**Demê çavên wî diketin ser êk, di çû nav xewneka gelek kirêt da, car jî liber perên esmana difirî û car jî diket desitîn mirov xwera û car jî avada dixendqî....**

**Lewra xewa wî wek ya zêrevanê mîrî lê hatbu....**

**Sipêdê dîsan lêk kum bun liser xwarinê. suhbetê birine ser, ka dê çewa karê xwe kin jibu qunaxa dawiyê, ewjî çuna kempê ye? Kadê likîve bit? Û ka çi çih zûtir penabera werdigirt?**

**Piştî birayê simkuy gelek telefon û pirsiyar kirîn, biriyara wan kete ser kempa "kalisruhê" her car diturimbêla xwe siwar kirin û beref "kalisruhê" limala hevalekî wî, diêvarî ra bune mêvan.**

**Sê mêvanên dî jî wan hebun, ewjî wek wan jinû hatbun. eve bune hevit kes û êk armanc.**

**Xudanê malê gut:**

**-hûn hemû gelek bixêr hatin, eve heweji Kurdistan hêla?**

**- nexêr, me Kurdistan ne hêlaye, Kurdistan her ya didilê me da lê ez dibînim eve jî renegekî şureşê ye !!**

**- şureş ?!! Şureş berxwedane ..ne reve jidurhêlî !!**

**- revîn jişkestinê baştîre, û jihevrikiya bê hîvî jî serketî tire....**

**- bidîtina min, man baştir bu jîhemû rengên dî.**

**- mirov jibu hîviya xebatê diket, heker hîvî neman, mirov jî Namînt!!**

**- cîcar hîvî namirin !heker mirov kar bikî, dê hemû astenga ji rêya xwe rakit!!**

**Carekadî dibêjim revîn ne çareye!!**

**hindeka diviya jivî babetî dîr bikevin, da serê wan yê tena lê ne bite êş. axiftin û suhbet birine ser penaberyê û pirsiyara, ka dê bi çi reng bin?**

**her kesê wek dîtî û têgehştina wî rê bu danan.**

**ewên berê livî welatî, gelek tişt bu wan run kirin û gelek bersif bu pirsiyarên wan hebun.**

**Wê şevê qutana dilê wan jîgelek şeva zêdetir bu. tîrsa wan jîpaşeroja nediyar hêştaya xurt bu. peşemanî her digel wan mabu.....!!**

**Şeva kurt hemû jîwan xewnên dirinde rizgar kirin, sipêdê pêkive rabun karê xwe kirin, lê hevala gutin:**

**-hûn hevit kesin, xwe bikene dû cîn, da hûn nebne gelek, û em bişên hewe biturimbêlekê bibine kempê, û jiber tîrsa polîsan.**

**Sê hevala xwe amadekirin û digel xudanê malê cun beref kempê û car man bu cara dûyê .**

**Piştî nîviro simku ü şêrku û her dû hevalên wan liber derê kempê dana û gute wan:**

**-eve kempe ,herine jor.**

**her êk jiwan diserê xwe da kemp birengêkî didît,hinda wesa hizir dikirin,ku eve ewrupa ye,ü divêt kempên wan lidüv pêşketina wan bin!**

**Dihizira hindeka da,avahiyekê mezin û paqij û hemü curên xizmetê têda hene .hinda digut tu bêjî wek çadirgehên silupî ü muşê bin?Lê dîsan dizifirîn û di gutin, nexêr .ewrupî wek turka nînin .kempên wan jî wek yên turka nabin !!**

**Simku neşya xwe pitir bigirt ü gut:**

**-eve kempe?!**

**hevalekê wan gut:**

**-erê, wesa diyare...**

**Şêrkuy serê xwe hejand ü gut:**

**- bawer bikin,em dê tif kine wê roja em hatîne vî welatî.**

**hevalekê dî gut:**

**-eve kempe, yan girtîxaneyê?!**

**Simkuy gut:**

**- xwe tengav neken,me hevit tuxîb yên birîn,heta em gheştîn,hewe divêt bêne berhiya me??**

**Bune rêz ü liberamberî wê pencera liber dergêhê kempê,serê polîsekî diyar dikir.**

**Bi ezmanê xwe,ü bipîçeka inglîzyê şyan xwe bidene niyasîn .**

**Bu wî polîsî bibu tiştekekê rojane,nasnamên wan jê wergirtin,kaxezek da destê wan û digel kabirayekê dî hinartine jora tişt wergirtinê,her êk jiwan beteniyek ü çarçevêk,ü destmalek danê,ü birine joreka mezin û gute wan:**

**-eve cihê hewe ye!**

**her êk jiwan cihek bu xwe diyar kir û liser rûnişt û tiştên xwe kirine diqensura xwe da,ü pitir binecih bun û dilê wan tena bu.Piştî jilêkdana wan tişt xilas buyn,berê xwe dan nav çavên êk,regê serketinê xûya dikir,eve gehştin qunaxa dawiyê!eve Mirad û hîviya wan bicih hat !!**

**erê piştî vê çendê?erê ma eve dawiyê?Dê çewa bersiva xwe din?Dê çewa biçûkên xwe înin?ev welate dê heta kengî bite welatê wan?**

ev hemü pirsiyar ü hizire bidawî hatin,demê tulazekî dergeh vekirî û her wî kabirayê ew înayne jor,ewjî îna wî cihê vala liwê jora ew lê.

her zü bêihna wan teng bu û diviyan bizanin ka hevalên wan çi lê hatin?Û ka dinav vê kempê çi heye?

Pêkive cun derê û linav kempê geriyan,gelek kesên niyas dîtin û hevalên wan jî liwara bun.

kempeka tijî mirov û rojane zêde dibin.mirov hest dikit kes nema liwelatî,welat vala bû !!

\*\*\*

Bişev dijora xweda,digel hindek hevala,ku berî wan liwê kempê bun,dirûniştîne,suhbeta germe ,hîvî ya nêzîke ,her kes yê behsê hatina xwe û rêya xwe dikit.

hindek eve pitir jisê sala birêve ,hindek eve deh cara xwe livan rêya dan û derbaz nebun,jiblî ewên diavada berzebuyn,yan ewên bidestê cendirme ü mîtê hatîne kuştin,yan biser mîna daketîn,zêdebarî ewên parên wan bidestê rêber ü fêlbaza da cuyn.nimune gelek.

Êkî rêya axivtinê vekir:

- min xanyê xwe û zêrên jinka xwe û turimbêla xwe û her tiştê min hey,firutin û destê biçûkên xwe girt ü ez hatim,lê her liqunaxa êkê liturkiya,ez ketim tura rêberekê bê dil û heta bihayê xwarinê me ne ma.gelek şeva em liser cadê ü birsî dinivistin,heta em pêkive zifirandin pişt tuxîbî.lê carekadî ez bitinê hatim û min biçûkên xwe hêlan ser guhê babê xwe ,eve pitir jidû sale ez birêve û heta nihu min çi paşeroj nîne !!!

Êkê dî nehêla ew çîruka xwe bidirusitî bigehînte dawiyê:

- bira tu xema ne xwe,biçûkên te yên limala babê te.

pa tu bu min çi dibêjî?

Min xwefî bixwe werkir,hemü tiştên xwe firutin û xwe deîndar kir û biçûkên xwe ji xwandingeha kirin û nihu ew yên mayne liukirayîna,li wê duzexê,birs ü tirs û rêya nexuş û eve ez ketim vê kempê,ne pare ü ne diême wergirtin,û ne destê me digehte êk.ya min mirine!!

- bira,ya te jî rê lê diçit!hün bu wî xwefî serî çi dibêjin? ewê car biçûk bi jin ve dideriya îce da xendqîn?!

Yan ewê nihu kelexê wî dinaf mîna da liser tuxîbî genî buy??!!

-her tiştê bête serê me,ji ne têgehştina meye.her welatê licîhanê nihu pire jikurdan,her rê û rêbara hebit nihu pire jipenabera.em hemü lixuşyên xwe digerin.

me xuşî divên!Bêy em biwestin,kesê nevêt çî zehmetê bibit beramberî jiyaneke xuş ,liwelatê xwe !

Axivtin û çîrok,bune ger û dûr,her kesê diviya çîroka xwe vegêrt û bu hindeka bu kul û ma didilî da,lê şevên dirêj hêştâ mayne û kumbun dê her berdewam bin.

Wî tulazê jinü hatiye jora wan,guhê xwe dida axivtinên wan,lê çî axivtin ne dikirin .

Piştî demekî gut:

-erê hün çî kesin?

-em kurdin,kurdên îraqê.

Êkser gut:

-ez jî kurdê îraqî me!Pa bu ez dihewe naghem?

hemü pêkive kenîn

-ez kurdê kerkukim,lê bara pitir jiaxivtina hewe ez tê nagehim.

Dujmnên wan şiyayne zimanê wan cuda bikin,ka çewa axawan cuda kirîn!!

ewjî hat birex wan ve,û pitir xwe westandin da bizaravê wî biaxivin da ew jî beşdaryê disuhbeta wan da bikit,û bune xêzanek.

Sê çar rojeka man diwê kempê da,paşî her çendek birexekî ve birin.

Simku ü şêrku û hindekên dî ketin digel êk û birine kempa "rutlingin" .

Kempeka berfireh û mezin,tijî mirov ,jihemü renga.

eve kevne baregayê leşkerê emrîkanî bun .nihu çihê penabera ye.

Dijoreka mezin û bê seruber,digel hindekên dî akincî kirin.eve dê bite mala wan bu demekî dirêj,divêt bibin êk xêzan,rabîn û rûniştina wan,xwarin û nivistina wan, digel êke.her kesek jibinemalekê jidurhêlekî,jipileka taybet.

evê rexê wî yê çepê,kurê pêşimergêkê kevne.jiyana xwe hemü bişureş û derbederyê ve burandiye !

ewê liser textê rexê wî yê rastê,serbazekê tupa yê rijêma îraqê bu...

wek wî digut,liserhildanê hizar tup yên linav bajêrê wan, bajêrê duhokê dayn.

ev gutine digutin bikenîve.. her wekü yarî dikirin,qed hest ne dikir,wî biwan tupa hizar xelkê wa yê bê guneh kujtîne!!!!

evê dî xelkê îranê ye ,ewjî şufêrê firuka bu !

Wek wî digut,li şerê navbera îran îraqê da,hizar cara hêriş kirîne ser gund û bajêrkên Kurdistanê...

wî jî çîroka xwe biserbilindî vedgêra.her wekû çîroka rustemê zal....

ewên dî ku jiwan dicudane,wek jiyana wan,hemü jiyana xwe bidijatiya kurdave û xiyanetkaryê û pare kum kirinê ve burandye .

Nihu ew jî bira ü hevalên wanne!

Êk hîvî û êk paşeroj.

Gelek cara dijatiya şuresê û şerulêkdan digehşte jora wan.lê hizar şures û hizar welat kurî paspurteka ewrupî bibin!!!

Kurî jiyaneke tena lichekî xuş û bê kuştin bin.

Gelek tişt jibîr kirin,dinav pêlên jiyane da berze bun, gelek tişt liser xwe qebül kirin,hemü wek kurên day û babekî lê hatin,hemü bune êk ast ü êk qîmet.

rwşenbîr û Mamusta,xudan şyan,derçwyên kulîja.digel derçwyên kulan ü girtîxana,di gel nezan û xwefiruşa, digel mêrkuj û patuxwera.

bibun bira ü heval,liser mêzekê nan dixwarin ü linav nivînekê dinivîstin....!

Gelek cara dinav suhbet û axivtinê da berze dibun.gelek cara xwe jibîr dikirin,heta ew cudahya dinavbera wan da jibîr kirîn.

Liser hindek divin bilindyê ra,liser hindek xweperstinê ra,nihu diêk çarçavedanin,bivên nevên,dê bihindek kêmasiya razî bin,da jiyane digel hevala bidumînt.

ev jore wek jorên girtîxana ye!!Textên liser êk,û her deh kes dijorekê ve,xizmeteka bê seruber,jiyaneka,nemirin ne jiyane!Raste xwarineka bê minet,lê ne wek xwarina ew liser fêr buyn .

Jiyane digel gelek rengên mirova.

serxoşa ,diza, mirov kuja, nesaxa, dîna, hara.....

her rengê didiniyayê da,nihu livê kempê amadeye.

heta berê sipêdê neşên binivin jiber dengê serxoşa û yarî û kenî û carjî şerulêkdana wan.

Bişev lêk kum bun,ü behsê hatina xwe û paşeroja xwe kirin.her êk jiwan,jivanek bu hatibu dana jibu dadkirinê. ev dadkirine dê rêya jiyane wan diyar kit.

\*\*\*

Lişeva êkê li mala wan ya nü,nivistin gelek ya bizehmet bu,piştî gazindên wan hevala bu wan kirîn,ewên hatîne seredana wan,eve berî çend salane hatîne vî welatî.

hatin nik wan û harîkariya wan dikirin û gelek rê nîşa didan,ewjî ne dirazî ne ji jiyana xwe ,her kesê ji welatê xwe derket,dê tuşî gelek nexuşiya bit,heta mirov binecih dibit û ziman ü şula bizanit,dê biçûkên mirovî tuşî gelek şaşya û vêrî jiyana wan bin,eve bu wan dest nadit.

**Mêvanekî rê vekir û gut:**

- kurê me liser rêbaza me Namînit,kiç,yan divêt di kevlujankê xwe da bit,yan jî dê jidest xudanî derkevit!!

-eve pitir jideh salane ez jiwelatê xwe dÛr.nihu biçûkên min zimanê dayka xwe jibîr kirîne,ageh jiwelat û milletê xwe nîne ,hevalên wan elmanin,jiyana wan wek ya elmana lê hatîe ,ez neşêm çi destkaryê dijiyana wan ü paşeroja wan da bikim.hema ew û bextê xwe ,ez wek peykerekî me dimalda.

**Êkî dî gut:**

-erê bawer bike,kiç bu me ne male,kur ne kurê meye. yên vêrî jiyana wan buyn,em gelek jipaşeroja wan

**ditirsin !!**

- kiça min,digut ,ew kiça hevala min, ewa dihate mala me.wê digut, babê min her şev dinivîna min dinivit,û zuryê limin dikit,ez ya buyme hevalawî....

-erê, erê raste,wî kurê hevalê kurê me jî digut,ez gelek cara digel xuyşka xwe dinivim,wek jinka mine !!

- vêca bira ma dê çewa em şên dinav van nimuna da jîn??!!

- bawer biken jiber pare ü maldaryê,gelek jime deh roja carekê digel biçûkên xwe nanî naxun.em her nizanin ka ew çi dikin?Û kîve di çin??

-eve hemü lisererekî û ewa mirov dînê xwe tîtalên xwe jidest bidet.

hindek dê pîrejneka van welata markin,da bimînin,ü geleka jinên xwe berdayne da parên wan zêde bin, geleka kiçên xwe markirîne da pê bînine ewrupa,geleka jinên xwe kirîne jinên rêbera heta gehandîne vêrê û hinda xwe kire fele û hinda xwe kire ereb û hinda jî xwe êkcar jibîr kirin jibuna pare ü manê livan welata....

Lihemü rexa ,xwe jibîrkirine ü xwe berze kirine,gelek ji me bidirustî yên hatîne helandin dinav civakê van milletan da !!

hizira simku jidîwana wan dizî.bire guvenda dayk ü baba.bire ber landika sava,bire dirêya peşêmanyê da.

" eve min çi kir?eve ez bu çi hatîme heker eve paşeroja biçûkên min bit?

eve bu cîhana min xewin pê didîtin?Dê çewa bersiva hevala dim?Dê çi bêjime dayka xwe?Babê xwe?

ev mirove hemü jijiyan xwe ne dirazî ne,lê kesê ew dil û mêranî nîne bizifirit!

Kesê nevêt bibite pêtirankê neheza.kesê nevêt xwe gurî peşêmanyê bikit .



Peşêmanî û lêvebun û revîn, li nik milletê me, tiştê reşe. bê qîmete, bila xudan biserumal tê biçit, lê bila ji nîva rê ne zifirit....!

Lê mêvanekî hizira wî carekadî kêşan dîwanê û gut:

- liser vê hemiyê, hindê hene şiyayne xwe û biçûkên xwe biparêzin û paşerojeka geş bu xwe û biçûkên xwe dirust bikin û her liser bîrubawerên xwe mayne. lê ev

Kese gelek dikêmin !!

Şeva wan bivan gutina û gelek suhbetên dî ve burî .

Dilê wan her yê hizar awaza lê didet. xew nema, peşêmanî hêştê mêvanê geleka ye.

Ya jismku ve , ew bitinê van hizira dikit! Wesa diyar bu ku mejyê hemiya gelek yê westiyay bu. hizira tama serketina wan berze kiribu. ew serketina eve car pêniç heîve xebatê bu dikin! ew serketina eve nîveka jiyana wan, hizir û plana bu didanin !!

Xew jismku sil bu, car jî wek dîza lê dibu mêvan, hizira şiya bibine ber sîngê dayka dilsuz, car jî dibire ber landika sava, ewa dibîst rojî da hêlay û bidûv serê xwe ketî.

car jî dibire beramberî dadwerekê, "nazî" jipaşmaykên hêtlerî!!

"--divêt te liser piştê bikêşin, heta tuxîbê welatê te !

Tu mirovekê xwe persitî ! Te kes nevêt jigiyane xwe pêve! Te çewa ew dayk, ew bab, ew jin, ew biçûkê bîst rojî hêlan û hatye xuşyên xwe?! Tu nizanî me biyanî nevên??!! Me ser reş nevên??!!

heta tu saxî divêt tu xuşyê livî welatî nebî!! "

Lê dengê wî serxoşê kes nizanî ka çi kul didilî da mayne, ji wan tengaviya rizgar kir.

Sipêdê zû, dû hevalên wan çun berif cihê dadgehê.

evro dê paşeroja wan diyar bit, evro dê bihayê wê xebat û wan pilana diyar bit . ewên wan gelek bu kirîn.

hindê jî çun dixitur û lê geriyana nexuşya û hindê pirsiyarên polîsa û murkirina til û desta û wergirtina hindê pêtiya û xwarin û vexwarinê.

\*\*\*

- deftera rojanên min ya berze buy!

ez nizamî likyveye? eve gelek tiştên min berze bun!!

ez çi bikim?! Dê çewa serhatiya evro nivîsim??!!

-eve ye deftera te? ha..haha

**Bikenyeka girêt û didanên rizî ve ,hindek kaxezên sipî û hindekên nexşandî kirine didestî da û patika xwe dayê.**

**-herê, herê, te ew jî gurî xwe kirin?!Wekü te ez gurî xwe kirîm??**

**- buçi babu min tu gurî xwe kirî?!heker ez nebam, nuke tu dîn û har bibuy !!**

**-erê jiber wî karê te ez fêr kirîmê??**

**- belê,ji ber hindê,heker ew neba,da çewa vê diniyayê û xemên giran jibîrkî ???!**

**- raste,min diniya û xemên giran ji bîr kirin!!Belê min xwe jî jibîr kir !!!**

**\*\*\***

**-ev nave ü pêzanîn yên tene?**

**Piştî ew kaxez jiwî ziman zanê birex simku ve rûniştî wergirtîn û bidevekî bişkurî ve ,ev gutine bu ziman zanî gutîn,da ew bizimanê wî bu bêjit.**

**- belê, yên minin.**

**- te çi zêdey û têtînî liser nînin??**

**- nexêr.**

**-her şaşyek hebit,tu berpirsiyarî!!**

**- bila.**

**- dê livêrê îmza bike.**

**- başe.**

**- nihu em dê êne ser babetê serekî.**

**Simku serê xwe hejand,anku ez amademe.**

**- te jiber çi welatê xwe hêla ü hatye vî welatî? Bu min bikurtî bersiv bide!!**

**ev çend gutine arastey wî ziman zanî kirin û wî jî bu simku dûbare guhartine zimanê wî .**

**Wek sê guşeyekê lidûr wê masa biçûk dirûniştî ne ,her wekû dikumbuneka hevalînyê da .**

**Bîra dadiwer û polîsên welatê wî hate bîrawî .**

**Piştî mirov jiqutan û lêdanê hêr dikirin.piştî mirov ji mirovayetyê diêxist.piştî çi hizir û mejî ne dihêlan.piştî mirov dibu kaxezeka sipî.û wî wek xwe çi diviya liser di nexşanid.digut:**

-eve nav û pêzanînên tene?

-.....

-eve hemü navên hevalên tene?

-.....

-ev kare hemü hewe kirîne?

-.....

- kesê bizurî ev gutine jite ne wergirtîne??!!

- .....

- tu amadey liser van gutina îmza bikî?

- .....

- dê jipêş çavên min bibin !!

Û êdî çi çava ew ne didît !!!!

erê eve em heta çi rade dipaşivemayne ?em dê çewa êne rêza van?

- çîroka min gelek dirêje ,ez bu te çewa dest pê bikim?

-ew tiştê fer,ew egerên te ne şiyay liwelatê xwe bimînî, bu min bêje.

-eger gelekî,lê min divêt ez jiyana xwe jidestpêkê şiruve bikim,çunke hindêk egerên kevin carekadî nû buyne,divan sala agirê wan xuş buye ve,digel hindêkên nû têkel buyne....

- tu azadî,te çewa divêt baxive,keremke.

Bu simku dergehê suhbetê ve bu,û biserda cu xwarê:

-partayetî..rêxistinênineênî..şureş..huzan..rûşenbîrî blavuk..kuştina tevayî..sutina gunda..pertukên markis û lînî..girtîxane....!!

Devê ziman zanî hişik bu . dadiwerî dûtê cara eniya xwe perxand, xewê dil lê xav kir.

Simku zanî serê dadiwerî lê bu êş.lê her berdewam ma liser axivtina xwe .

Xwe jigelek kesên nihu paşeroja milleta didest da giring tir dana.

her wekû dadiwerî diviya simkuy ji vê xwe perstinê rizgar bikit, gut:

- nihu em jivê çendê razî bun...tu dişey bu me behsê hatina xwe bikî?

Tu çewa hatî?Kê tu înay?Bi kîj rê hatî?Lê bikurtî hîvî ye!

- piştî ez wek "ramboo" jizîndanê revîm,min qesta tuxîbî kir.libazarê rêber û mirov firuşa,êk jiwan ez kirim dipaxla xwe da,piştî paxla min vala kirî,û ez jituxîbî derbaz

kirim.listenbulê ez danam,liwêrê jî êkê dî ez wergirtim,piştî min ew jî razî kirî,ez lisîmerxekê siwar kirim û beref vî welatî,û nihu ez dinav destên te danim!!

Dadiwerî çî jivan gutina bawernekirin.lê serê xwe hejand û hindek tişt nivîsîn û digel wî ziman zanî axivît û bibişkurîn ve gut:

- tiştekek dî heye tu bêjî?

- nexêr.

- nihu dê bu te dúbare gutinên te xûnin,heker têbînyek, yan zêdehyek hebit,tu dişêy diyar kî.û didilê xwe da gut:

"kes jimilletê te pitir pêtivî mêraniya te nîne,lê heker rast bit!!"

Wî ziman zanê eve pitir jicar demhijmêra ye,guhurîna zimanî diket,axivtina wan hemû carekadî xwand,liser kasêtekê jî tumar kiribun!

heta simku jidil jê razî buy û dibin wan gutinada carekadî îmza kir.

Dadiwer carekadî cu destê smku û daxwaza serketinê bu xwast.

simku beref kempê hat.

heval hatine berahya wî,her wekû ji zîndanê derketî. ka wî çî kirye,çi gutye,dúbare ü sê bare,bu wan jî gutin.

hinda gutin başe û hinda gutin ne başe.

Man diwan suhbetada,heta buye şev,lê şevên dirêj û rojên bê kar,jigelek tiştê bê bar kirin.

Ne xwandin ü ne nivêsin,ne guhdariya deng û basa û ne dîtina heval ü kes ü kara ü ne ü ne....

Cih û geriyanên wan jî wek wan bê tame.

Serma û giranî û cudahya jiyane û cudahya hizirî ü...ü...

Çayxanên wan jî,wek jiyana wane.

Ne dengê lêkdana peyala,ne dengê çigarfruşekî,ne çeççeqa tizbiya dizenda pîremêrekî da,ne dengê bûyaxçiyekî biçûk diêt...

Pist pista pîrejna,mejiya hêr dikit,bê dengiya jiyane xûna dila dirawestînit.

herwekû eve ne çayxane ,herwekû eve ne cihê rûniştin ü suhbeta...!

Wek gurstanê ye,tinê dengê gewrîyên wan diêt,demê qurça liwan vexwarina didin .

Bêhna wan livan ciha naêt,bêhna wan bêy heval,mirov, deng,livîn,kenî,girî,yarî,muzîk.naêt..

Liser hemû kul û xerîbiya wan ra,başeroja berze.

Dizifiruka dijwar da,ew hîvyên bu hatîn,berze bun, paşeroja wan hizir dikirin nema .

Barê wan giran bu,xemên wan zêde bun,pirça wan sipî bu.

Man lihîviya wê ayata pîroz jiesmana bu wan bête xwar. lê gelek gîru bu...!!

hindek bune hevalên dîza ,hind bune bêhin kêş,hind serê wan sivik bu û hind liser cihê xwe çav lê sur bun!!!

Piştî demekê dirêj,ew ayat jiwê bilindahyê bidestên cibiraylî liser wan hate belav kirin!!

Têda hat xwarê :

...Binavê yeksanyê,binavê mirovayetyê,binavê yasayê, binavê dadiweryê.me ev biriyare dan,üliser hewe ,hün bidirustî bicih bînin...

- nabit hün jpirsa bimirin!

- nabit hün jitirsa bimirin!

- nabit hün jiderve binivin !

- nabit hün jivî gundî derkevin !

- nabit hün karbkin !

- nabit hün bixünin !

- nabit hün kesê bibînin !!

- nabit hün behsê jin û biçükên xwe bikin !

- nabit hün çi hizira paşeroja xwe bikin !

- bixun,vexun,binivin,rabin,rünün,diwê çarçuva me bu hewe diyar kirî,heta em biriyara nemana hewe didin!!!

Simku pitir jigelek hevala xwe ragirt.lê her digut:

-erê eveye ewrupa?eveye pêşketin?eveye mirovayetya wan?

erê çi cawazî dinabera me û wan da heye?em mirova bi aşkera dikujin,ew binepenî !!

em diziya jixwe dikin,ew diziya jime dikin!Wan divêt her em dipaşvemay bin,lê ew gehştin stêra!

eve min çi kir?eve çi hat serê min?

Diwê zifiruka pirsiyarên bê bersiv da,ma hilawîsitî,hemü tişt jibyra wî birin.

ew pertukên wî xwandîn,ew romanên wî jiber kirîn,ew hozanên wî bu hevala dixwandin,ew çîrokên jiaxînkên hejara dinîvêsîn...

**hemü bune xewin,bune aşup û berzebun.**

**Liser hemü diltengî ü xemên wî ra,wê tuza sipî,ewa weku rwyên kiçên wî welatî dişya gelek şeva heta nîvro simkuy dikabîneka telefonê da binivînt.....!!!!!!!**

**Ji 26-6-1997 heta Şeva 14 -1 - 2001 min nivîsiye û pitir jihevî cara Guhartîye ü eve nîvişkê dawiyê ye...**

**Li 20- 2 - 2002 liser kumputerî hate nivîsîn**

**Nürnbêrg 26 - 12 -2002 bidawî hat...**

**hesen îbrahîm**